

**IACOBI  
SANNAZARII  
OPERA OMNIA.  
QUORUM INDICEM  
SEQUENS...**

---

Iacopo Sannazzaro





V


3








# ACOBI SAN: NAZARII OPE- RA OMNIA.



*Quorum Indicem sequens  
pagella continet.*



VIRTUTE DVCE,




COMITE FORTVNA.



LVGDVNÍ,

APVD ANT. GRYPHIVM.

1581.



*Libr. P. Puccinone  
de Roma*

## INDEX OPERVM

SANNAZARII.

\*\*\*

De partu Virginis libri tres.

Lamentatio de CHRISTI morte.

Eclogæ quinque.

Fragmentum.

Elegiarum libri tres.

Epigrammaton libri tres.

CLEMENTI VII. PON.

MAX. ACTIVS SYN-

CERVS.

*Magne parēs, custōsque hominū, cui ius datur vni**Claudere cælestes, & reserare fores:**Occurrent si qua in nostris malè firma libellis,**Deleat errores equalitura meos.**Imperijs venerande tuis submittimus illos:**Nam siue te recta non licet ire via.**Ipse manu, sacrisque potens Podalirius herbis**Ulcera Paonia nostra lenabis ope.**Quippe mihi toto nullus te præter in orbe**Triste salutifera leniet arte malum.**Rarus honos, summo se præside posse tueri:**Rarior, à summo præside posse legi.*

# ACTII SYNCERI<sup>3</sup>

SANNAZARII NEAPO-

LITANI, VIRI PATRICII

de Partu Virginis.

LIBER PRIMVS.



IRGINEI partus, magnosq;

aequeua parenti

Progenies, superas cæli qua mis-  
sa per auras

Antiquam generis labem mor-

talibus agris

Abluit, obstrucliq; viam patefecit olympi,  
Sit mihi Cælicole primus labor: hoc mihi primum  
Surgat opus. Vos auditas ab origine causas,  
Et tanti seriem ( si fas ) euoluite facti.

Nec minus ô Musa vatū decus, hîc ego vestros  
Optarim fonteis, vestras nemora ardua rupeis:  
Quandoquidem genus è cælo deducitis: & vos  
Virginitas sanctæq; iuuat reuerentia fame.  
Vos igitur, seu cura poli, seu Virginis huius  
Tangit honos, mōstrate viam, qua nubila vincam:  
Et mecum immensi portas recludite cæli.  
Magna quidē, magna Aonides, sed debita posco,  
Nec vobis ignota: etenim potuistis & antrum  
Adspicere, & choreas: nec vos orientia cælo  
Signa, nec Ecos reges latuisse putandum est.



Tuq; adeo spes fida hominum, spes fida deorum  
 Alma parès, quam mille acies, quæq; ætheris alti  
 Militia est, totidem currus, tot signa, tubæq;  
 Tot litui comitantur, ouantiq; agmina gyro  
 Adglomerant: nunc tibi si solennia templis  
 Serta damus: si mansuras tibi ponimus aras  
 Exciso in scopulo, fluctus vnde aurea canos  
 Despiciens, celsò si culmine Mergilline  
 Adtollit, nautisq; procul venientibus offert:  
 Si laudes de more tuas, si sacra, diemq;  
 Ac cætus latè insignis, ritusq; dicamus,  
 Annua felicitis colimus dum gaudia partus:  
 Tu valem ignarumq; viæ, insuetumq; labori  
 Diua mone, & pauidis iam lata adlabere cæptis.

Viderat, ætherea superùm regnator ab arce,  
 Vndiq; collectas rectari in Tartara prædas:  
 Tisiphonenq; imò conantem cuncta profundo  
 Vertere, & immanem stimulantem ad dira sorores:  
 Nec iam homini prodesse, alto quòd semina cælo  
 Duceret, aut varios animum excoluisset ad vsus:  
 Tantum letifera poterant contagia culpa.  
 Tum pectus Pater aeterno succensus amore,  
 Sic secum: Ecquis erit finis tanti ne parentum  
 Prisca luent pænis serî commissæ nepotes?  
 Ut quos victuros semper, superiūq; creatam  
 Penè pareis, tristi patiar succumbere leto,  
 Informemq; domos, obscuraq; regna subire?  
 Non ita: sed diuū potius reuocentur ad oras,  
 Ut decet, & manū poscunt opera alia mearum:  
 Deser

Desertosq; foros vacuiq; sedilia cæli

Ætutum complere parent:legio unde, nefandis

Acta odijs trepidas ruit exturbata per auras.

Quumq; caput fuerit,tantorumq; vna malorum

Fœmina principium,lacrymasq;, & funera terris

Intulerit:nunc auxilium ferat ipsa,modumq;,

(Quà licet)afflictis imponat fœmina rebus.

Hæc ait:& celerem stellata in veste ministrũ,

Qui caste diuina ferat mandata puella,

Adloquitur, facie insignem, & fulgentibus alis.

Te,quem certa vocant magnarum exordia rerũ,

Fide vigil,pars militia fortissima nostræ,

Te decet ire,nouumq; in secula iungere fœdus:

Nũc animũ huc aduerte,atq; hæc sub pectore serua

Est vrbeis Phœnicum inter,lateq; fluentem

Iordanem,regio nostris sat cognita sacris,

Iudeam appellant, armisq;, & lege potentem.

Hic claris exorta atavis, vatumq;, ducumq;

Antiquũ genus,& dignis licet aucta hymenæis,

Pectoris inlesum Virgo mihi casta pudorem

Servat adhuc nullos non seruatura per annos:

(Mirus amor) seniumq; sui venerata mariti

Exiguus degit thalamis, & paupere tecto,

Digna paulo regnare,alioq; effulgere diuũ

Concilio,& nostros æternum habitare penates.

Hæc mihi virginibus iampridem ex omnibus vnã

Delegi,prudensq; animo interiore locauit:

Vt foret,intacta sanctum que numen in aluo

Conciperet,ferretq; pios sine semine partus.



*Ergo agè, nubivagos molire per aëra gressus:  
 Deueniènsq; locum castas hac iussus ad aureis  
 Effare, et pulchris cunctantem hortatibus imple:  
 Quandoquidem genus è Stygijs mortale tenebris  
 Eripere est animus, sauosq; arcere labores.*

*Dixerat. ille altum Zephyris per inane vocatis  
 Carpit iter, scindit nebulas, a;q; aëra tranat  
 Ima petens, pronusq; leueis vix commouet alas.  
 Qualis, vbi ex alto notis Mæandria ripis  
 Prospexit rada, seu placidi stagna ampla Caystri,  
 Præcipitem sese candenti corpore cyncus  
 Mittit agens, iamq; implumis segnîsq; videtur  
 Ipse sibi, donec tandem potiatur amatis  
 Victor aquis: sic ille auras, nubèisq; secabat.  
 Ast vbi palmifera tractu stetit altus Idumes:  
 Reginam haud humileis voluentem pectore curas  
 Adspicit. atq; illi veteres de more Sibyllæ  
 In manibus: tum si qua æuo reseranda nepotum  
 Fatidici casto cecinerunt pectore vates.  
 Ipsam autem securam animi, letamq; videres  
 Autorem sperare suum. namq; adfore tempus,  
 Quo sacer æthereis delapsus spiritus astris  
 Incorrupta piæ compleret viscera matris,  
 Audierat. Proh quanta alti reuerentia cæli  
 Virgineo in vultu est! oculos deiecta modestos  
 Suspirat: matrémq; Dei venientis adorat:  
 Felicémq; illam humana nec lege creatam  
 Sæpe vocat: necdum ipsa suos iam sentit honores.  
 Cum subito ex alto iuuenis demissus olympo,*

*Purpu*

Purpureos relegit vultus: numénq; professus  
 Incessûq; habitûq; ingenteis explicat alas:  
 Ac tectis latè insuetum diffundit odorem.  
 Mox prior hac. Oculis salve lux debita nostris,  
 Iam pridem notum cælo iubar, optima Virgo:  
 Cui sese tot dona, tot explicuere merenti  
 Diuitia superûm: quicquid rectiq; probiq;  
 Aeterna de mente fluit: purissima quicquid  
 Ad terras summo veniens sapientia celo  
 Fert secum, & plenis exundans gratia rinis.  
 Te genitor stabili firmam sibi lege sacrauit,  
 Perpetuos genitor cursus qui dirigit astris:  
 Mansurâmq; tuo fixit sub pectore sedem.  
 Idcirco cætus inter veneranda pudicos  
 Vna es, quam latiss cæli in regionibus olim  
 Tot diuûm celebrent voces. proli gaudia terris  
 Quanta dabis! quantis hominum subcurrere votis  
 Incipies! Stupuit confestim exterrita Virgo:  
 Demisitq; oculos: totosq; expalluit artus.  
 Non secus, ac conchis si quando intenta legendis  
 Seu Micone parua, scopulis seu foriè Seriphi  
 Nuda pedem virgo, leta noua gloria matris  
 Veliferam aduertit vicina ad litora puppim  
 Aduentare, timet. nec iam sub lucere vestem  
 Audet, nec tuò ad socias se reddere cursu:  
 Sed trepidans silet, obtutûq; immobilis hæret.  
 Illa Arabum mercis, & fortunata Canopi  
 Dona ferens, nullis bellum mortalibus infert:  
 Sed pelago innocuis circumnitet armamentis.

*Tum rutilus cæli alipotens, cui lactea fandi  
Copia, diuiniq; fluunt è pectore rores  
Ambrosia, quibus ille acreis mulcere procellas  
Possit, & iratos pelago depellere ventos:*

*Exue Dia metus animo, paritura verendum  
Cælitibus numen, sperataq; gaudia terris,  
Aeternamq; datura venis per secula pacem.*

*Hac ego siderea missus tibi nuntius arce,  
Sublimis celeres vexit quem penna per auras,  
Vaticinor non insidias, non neçtere fraudes  
Edoctus. longe à nostris fraus exulat oris.*

*Quippe tui magnum magna incremēta per orbem  
Ipsa olim partus Virgo sobolisq; beate*

*Adspicies. vincet proavos: proauitaq; longo  
Extendet iura imperio: populisq; vocatis*

*Ad solium, latè ingentes moderabitur vrbes:  
Nec sceptri iam finis erit, nec terminus æui,*

*Quin iustis paulatim animis pulcherrima surget  
Religio. non monstra, pÿs sed numina templis  
Placabunt castæ diris sine cædibus ara.*

*Dixerat: illa animum sedato pectore firmans,  
Substitit, & placido breuiter sic ore locuta est.*

*Conceptusne mihi tandem partusq; futuros  
Sancte refers? mēne attactus perferre virileis  
Posse putas? cui vel nitenti matris ab aluo*

*Protinus inconcussum, & ineluctabile votum  
Virginitas fuit vna: nec est cur soluere amate*

*Iura pudicitia cupiam, aut hæc fœdera rumpam.  
Imò istas, quod tu minimè iam rere, per aureis*

*Excipis*



Excipit interpres, secundam spiritus alium  
 Influet, implebuq; potenti viscera partu,  
 Flammifero veniens cælo, atq; micantibus astris.  
 At tu virgineum mirata tumescere ventrem,  
 Hærebis pavitans: demum formidine pulsa,  
 Gaudia servati capies inopina pudoris.  
 Nève hæc vana putes, dictis aut territa nostris  
 Indubites: sere dudum concessa senectæ  
 Dona oculos pone ante tuos. Nam sanguine auito  
 Iuncta tibi mulier (sterilis licet illa, graviq;  
 pressa euo) haud quaquã speratũ hoc tẽpore pign<sup>o</sup>  
 Fert vtero, & felix sexto sub mense laborat.  
 Vsque adeo magno nil non superabile cælo est.

Hæ dictu, Regina oculos ad sidera tollens  
 Cælestumq; domos superas, atq; aurea tecta,  
 Adnuit, & talis emisit pectore voces:  
 Iam iam vince fides, vince obsequiosa voluntas:  
 En adsum: accipio venerans tua iussa, tuumq;  
 Dulce sacrũ pater omnipotès: nec fallere vestrũ est  
 Cælicolæ: nosco crineis, nosco ora, manusq;  
 Verbaq;, & aligerũ cæli haud variantis alũnum.  
 Tantum effata, repente noua micuisse penateis  
 Luce vider: nitor ecce domum complerat: ibi illa,  
 Ardentum haud patiens radiorũ, ignisq; corusci,  
 Extimuit magis. At venter (mirabile dictu)  
 (Non ignota cano) sine vi, sine labe pudori,  
 Arcano intumuit verbo. Vigor actus ab alto  
 Irradians, Vigor omnipotès, Vigor omnia cõplens  
 Descendit, Deus ille, Deus: totosq; per artus

*Dat sese, miscétq; vtero : quo tacta repente  
Viscera contremuere: silet natura pauétq;  
Adtonita similis: confusáq; turbine rerum  
Insolito, occultas conatur querere causas.  
Sed longè vireis alias, maioráq; sentit  
Numina: succutitur tellus: laeuumq; sereno  
Intonuit cælo rerum cui summa potestas,  
Aduentum nati genitor testatus: vt omnes  
Audirent latè populi, quos maximus ambit  
Oceanus, Tethysq;, & raucifona Amphitrite.*

*Hos inter medios cæli terræq; fragores  
Aequatis properans volucer pulcherrimus alis,  
Omnia dum trepidant, discesserat, altáq; nabat  
Per loca, cum virgo celsis in nubibus illum  
Alternantè humeros videt atq; immensa secātē  
Ventorum spatia, & iam versicolore per auras  
Fulgentem pluma, ac cæli conuexa petentem.  
Quem demum tali adspectans sermone secuta est.  
Magne ales, celsi decus ætheris, inuia rerum  
Qui penetras, longéq; & nubila linquis, et Euros  
Anteuolans, leto seu te felicia tractu  
Sidera, quæq; suos voluuntur signa per orbeis  
Exspectant redeuntem: alti seu certa reposcit  
Crystalli domus, & vitreï plaga lucida regni:  
Seu propiora vocant supremo tecta Tonanti,  
Qua patet in summum regio flammantis olympi,  
Teq; amor, & liquidis flagrans alit ignibus aura:  
I precor, i nostrum testis defende pudorem.  
Nec plura his: tum verò acie deflectit, & omneis,  
Haud*



*Haud mora sollicito percurrit lumine monteis:  
Agnatamq; animo conceptaq; pignora versat,  
Multa putans: serumq; vteri miratur honorem.*

*Interea maneis descendit fama sub imos,  
Pallenteisq; domos veris rumoribus implet:  
Optatum aduentare diem, quo tristia linquant  
Tartara, & euictis fugiant Acheronta tenebris,  
Immanemq; ululatum, & non latabile murmur  
Tergemini canis: aduerso qui carceris antro  
Excubat insomnis semper, rituq; trifauci  
Horrendum, stimulante fame, sub nocte profunda  
Personat, & morsu venientis adpetit umbras.  
Tum verò heroës letati, animaq; piorum,  
Ad cælum erectas cæperunt tendere palmas,  
Atq; hic insignis funda, citharaq; decorus,  
Insignis sceptro senior, per opaca locorum  
Dum graditur, neſcitq; sacros diademate crineis:  
Dum legit effætos Lethæo in gramine flores,  
Quà tacitè labuntur aquæ, mulæq; volucres  
Ducunt per sterilem æterna silentia ramos:  
Adtonita subitos concepit mente furores,  
Diuinamq; animam & consueto numine plenus,  
Intorquens oculos, venientia fata recenset.  
Nascere magne puer: nostros quem soluere nexus,  
Et tantos genitor voluit perferre labores.  
Magne puer, cui se hæc tandè spolianda reſeruât  
Regna, tot heu miseris hominum ditata ruinis,  
Nascere, venturum si te mortalibus olim  
Pectore veridico promissimus: igneus ut nos*

*Virib*

Viribus adflatos cælestibus ardor agebat  
Insinuans: si sacra peregrimus, & tua latè  
Iussa per immensum fama vulgauimus orbem.  
En ridet pax alma tibi: simul ecce potentes  
Impulsi cælo, diuisq; autoribus acti  
Orbe alio properant Reges. Saluete beati  
Æthiopes, hominum sanctū genus, astra secuti:  
Scilicet huc vestris adfertis munera regnis.  
Accipe dona puer: tuq; ô sanctissima mater  
Sume animos: iā te populiq; ducēsque frequētant  
Littore ab extremo, & odoriferis Nabathæis.  
Ille autem aurata fulgens in veste sacerdos  
Iam canus, iam maturo venerabilis auro  
Quid sibi vult? sacras puerum qui sistit ad aras;  
Sic venerans? latoq; inspectans æthera vultu?  
Seq; dehinc facili clausurum lumina fato,  
Exclamat: quod speratum per secula munus,  
Promissamq; diu pacem, certamq; salutem  
Terrarum exorta liceat sibi luce tueri  
Optanti seniumq; ideo, parcasq; trahenti.  
Sed quid ego (heu) dira conspersos cade penatibus  
Infantum, & subito currentem sanguine riuos  
Adspicio? tristisq; meas vagitus ad aureis  
Fertur? iò scelus est partus ingulare recentem.  
Crudelis, quid agis? nihil hi meruere: neq; illum,  
Quem petis, infano dabitur tibi perdere ferro.  
Nunc nunc ô matres scelerata abscedite terra,  
Dum licet, inq; sinu pueros abscondite vestros:  
Nam ferus hostis adest. propera iam regia virgo,  
Inq;

*Inq; Parethonias transfert tua pignora terras:*  
*Admonet hoc magnū genitor qui tēperat orbem.*  
*Tuta domus, tutiq; illic tibi Diarecessus.*  
*Verum vbi bis senas hyemes, bus senaq; nati*  
*Solstitia, & tantos superaueris anxia casus:*  
*Ingenteis imo duces de pectore questus,*  
*Aureaq; assiduū pulsabis sidera votis.*  
*Nam puerum, quāuis per compita saepe vocatū,*  
*Sape expectatum consueta ad gaudia mense,*  
*Perquires nequicquam amens: nec chara petentē*  
*Oscula, nec sera redeuntem nocte videbis.*  
*Trenq; illum totos mærenti pectore soles,*  
*Et totidem trepidas somni sine munere nocteis*  
*Omnia lustrantes, quæstu omnia confundentes*  
*Flebitis, indigno percussī corda dolore*  
*Tuq; senexq; tuus. Quarto sed Lucifer ortu*  
*Purpureos tremulo cum tollet ab æquore vultus*  
*Inuentum dabit, & quærentit us offeret vltro.*  
*O quas tunc lachrymas, o quæ tunc oscula mater,*  
*Quos dabit amplexus, misto inter gaudia fletu:*  
*Cum natū ante aras Patris, & delubra sedētem,*  
*Mulcentemq; senes dictis, animosq; trahentem,*  
*Adspicies gauisa! ipso admirante senatu*  
*Primitias pueri ingenteis, nec inane sagacis*  
*Pectoris indicium, nataq; ad grandia mentis.*  
*Tu verò quid in arma ruīs scelerata iuuentus,*  
*Quid galeas, enseisq; virū, & fulgentia cerno*  
*Agmina? scutasq; procul sub nocte cohorteis*  
*Obscura, & crebris radiantem ignibus hastas?*

Tótne



Tótne vnū telis petitur caput: heu furor, heu mēs  
Cæca hominum, semperq; odijs adcinctā nefandis.  
Iamq; oleas, montemq; sacrum circumq; supraq;  
Cinxere, & longa lucum obsedere corona.  
Quò feror: ecce trahūt manib<sup>9</sup> post terga reuinctis  
Insontem: modò quem latas mira illa per vrbeis  
Edentem, patrisq; palàm præcepta docentem  
Adtoniti stupuere illum regemq; Deumq;  
Humanaq; ducem vitæ, fontemq; salutis  
Haud veriti populo circum plaudente fateri.  
Heu facinus: mortēne etiā, & crudele minatur  
Supplicium? saxos stringunt in vulnera fasteis  
Horrentēq; parant paliuro intexere dumos,  
Tormenti genus: & capiti premere inde coronam  
Vulnificam. Viden' alternos vt arundinis ictus  
Incutiunt? geminantq; truci conuitia lingua?  
Parte alia ingenteis video de stirpibus imis  
Euerti palmas, altas ad sidera palmas,  
Infelix opus, vnde hominum lux illa, decorq;  
Pendeat. ah trepidis dirum, & miserabile terris:  
Cum patri æthereo moriens liuentia pandet  
Brachia, turpatosq; atra de morte capillos,  
Oraq; demissosq; oculos, frontemq; cruore  
Iam madidam, & lato patefactum pectus hiatus  
At mater, non iam mater, sed flentis, & orba  
Infelix simulacrum ægra ac sine viribus vmbra,  
Ante crucem demissa genas effusa capillum  
Stat lachrymans, tristiq; irrorat pectora fletu.  
Ac si iam comperta mihi licet ore profari

Omnia

Omnia: de se sibi spectans morientia nati  
 Lumina, crudelis terras, crudelia dicit  
 Sidera: crudelem sese, quod talia cernat  
 Vulnera saepe vocat: tum luctu sono plulatu  
 Cuncta replens, singultanti sic incipit ore:  
 Incipit, & duro figit simul oscula ligno.  
 Exclamans: quis me miseram, quis culmine tanto  
 Deiectam subitis inuoluit, gnate, procellis?  
 Nate patris vires, sanguis meus, vnde repente  
 Hac fera tempestas? quis te mihi fluctus ademit?  
 Que manus indignos fœdauit sanguine vultus?  
 Cui tantum in superos licuit: bella impia cœlo  
 Quis parat? hunc ego te, post tot malè tua labores  
 Postq; tot infelix elapse incommoda vita  
 Adspicio? tūne illa tuæ lux unica matris?  
 Tūne anima pax, & requies spesq; vltima nostra  
 Sic raperis? si me solam, exanimemq; relinquis  
 O dolor, extincto iam te pro fratre sorores,  
 Pro natis toties exorauere parentes:  
 Ast ego pro nato, pro te dominoq; deoq;  
 Quem misera exorem? quo tristia pectora vertam?  
 Cui querat? ô tandem dira me perdit dextra:  
 Me potius (si qua est pietas) immanibus armis  
 Obruite: in me omnes effundite pectoris iras:  
 Vel tu (si tanti est hominum genus) eripe matrem  
 Que rogat, & Stygias tecum duc nate, sub umbras:  
 Ipsa ego te per dura locorum inamœnaq; viuis  
 Regna sequar, liceat rumpentem cernere portas  
 Aeratas: liceat pulchro sudore madentem

Euerſa



Euerforem Erebi materna abstergere dextra.  
 Hos illa plureis fundet de pectore quastus.  
 Quod scelus Eois ut primum cernet ab undis  
 Sol: indignanteis retro conuertere currus  
 Optabit, frustra; suis luctatus habenis,  
 Quod poterit tandem, auratos ferrugine crineis  
 Inficiet, mæstamq; diu sine lumine frontem  
 Ostendet terris: ut qui iam ploret ademptum  
 Autorem, regemq; suum. quin ipsa nigranti  
 Fratris ab ore timens, & tanto concita casu  
 Cynthia, ceruleo vultus obnubet amictu,  
 Auertetq; oculos, lacrymasq; effundet inaneis.  
 At contra horrissono tellus concussa tremore,  
 Cum gemitu fremet: & ruptis excita sepulcris  
 Emitteret simulacra. Quid ô, quid abire paratis  
 Illustres anime? non omnibus hæc data rerum  
 Conditio, paucis remeare ad lumina vite  
 Concessum. Sed tempus erit, cum Mariæ rauco  
 Mugitu cælum quatiet tuba: cumq; repente  
 Corpora per terras omneis latè omnia surgent.  
 Nunc autem sat Tartarei si claustra tyranni  
 Effringat Rex ille: & caligantia pandat  
 Atria: diffugiant immisso lumine dire  
 Eumenidum facies iactis in terga colubris.  
 Quas atro vix in limo Phlegethontis adustum  
 Accipiat nemus, & fumanti condant in vluæ,  
 Tum varie pestes: & monstra horrentia Ditis  
 Ima petant: trepident Briarëia turba, Ceraste,  
 Semiferumq; genus Centauri, & Gorgones atra,  
Scylla

*Scyllæq; Sphingesq; ardentisq; ora Chimera,*  
*Atq; Hydra, atq; Canes, & terribiles Harpyia.*  
*Ipsæ catenato fessæ per tartara collo*  
*Ducetur Pluton: tristi quem murmure circum*  
*Inferni fractis mœrebunt cornibus amnes:*  
*At nos virginea præcincti tempora lauru,*  
*Signa per extensos cœli victricia campos*  
*Tollemus, lætq; ducem clamore sequemur:*  
*Victor id, bellator id, tu regna profunda,*  
*Tu maneis, Erebumq; potestatesq; cœrces*  
*Aërias, lethumq; tuo sub numine torques.*  
*Ille alto temone sedens, lenibusq; quadrigis*  
*Lora dabit volucresq; reget placido ore iugaleis,*  
*Non iam cornipedum ductos de semine equorum,*  
*Nec qui consuetas carpant præsepibus herbas.*  
*Primus enim valido subnixus eburnea collo*  
*Fert iuga formosi pecoris custodia Taurus,*  
*Stellatus minio Taurus: cui cornua fronti*  
*Aurea, & auratis horrent palearia setis:*  
*Pérq; pedes bifide radiant nova sidera gemma.*  
*Torua boui facies: sed qua non altera cælo*  
*Dignior, imbriferum quæ cornibus inchoet annũ,*  
*Nec quæ tam clavis mugitibus astra lacessat.*

*Et iuxta nemorum terror, rexq; ipse ferarum*  
*Magnanim⁹ nitet ore Leo: quem fusa per armos*  
*Convestit iuba: pectoribus generosa superbit*  
*Maiestas non iam ut cedeis, aut prælia seuis*  
*Adpetat (innocuis armantur dentibus ora:*  
*Gratq; tranquillo ridet clementia vulv)*

*Sed cælo vt spatietur, & alta ad sidera tendat.*

*Hos post insequitur pulchros pēnata per artus  
Alituum regina: sacra cui vertice pluma  
Adsurgunt: flauoq; caput diadēmate fulget.  
Ipsa ingens alis, ingentis fulminis instar  
Supra hominū tecta, ac montesq; supraq; volucres  
Fertur, & obstantes cursu petit obuia nubes.*

*Vltimus humana sociat ceruice laborem  
Alatus tergo iuuenis: cui lutea laeo  
Ex humero chlīmys Eois in spersa lapillis  
Pendet: eam variant centum longo ordine Reges,  
Antiquum genus, & Solymæ primordia gentis,  
Ostro intertexti, veros cognoscere vultus  
Est illic: veros monteis, & flumina credas:  
Et vera extremo Babylon nitet aurea limbo.  
Tali fidereas curru subuectus in auras,  
Indutos referens spoljīs pallentibus axes,  
Perueniet, recto qua panditur orbita tractu  
Lactea, & ad sedes ducit cādēntis olympi.  
Illic aurata muros mirabimur vrbs,  
Auratāsq; domos & gemmea tecta, viāsq;  
Stelliferas: vitreosq; altis cum montibus amneis.  
Atq; ibi seu magni celsum penetrale Tonantis,  
Sive alios habitare lareis: at tecta minorum  
Cœlicolūm dabitur, stellas numerare licebit,  
Surgentemq; diem pariter, paritēq; cadentem  
Sub pedibus spectare, & longos ducere soleis,  
Longaq; venturus protendere nomina seclis.*

*Hæc vbi dicta: patres plausu excepere frequētes*

*Falsi*



*Fatidicum vatem, sublatumq; aggere ripe  
 Ad tollunt humeris, latumq; per aua ducunt.  
 Intremuere Erebi sedes, obscuraq; Ditis  
 Limina. suspirans imo de corde Megera  
 Dat gemitum, & toruas spectat sine mente sorores.  
 Tum candā exululās sub ventre recondidit atrā  
 Cerberus, & fonteis latratu terruit umbras:  
 Commotisq; niger Cocitus inhorruit antri:  
 Et vaga Sisyphijs haeserunt saxa lacertis.*

## LIBER SECVNDVS.



*REGINA vt subites imo sub pecto  
 re motas*

*Sensit, & ad flatu diuini numinis  
 aucta est.*

*Haud mora, digressu volucris sus-  
 pense ministri,*

*Exurgit: montisq; procul contendit in altos  
 Festinans. ea cura animo vel prima recurSAT,  
 Matronam defessam auro, cui nulla fuissent  
 Dona vteri (mirum dictu) iam segnibus annis  
 Fœcundam, sextiq; grauem sub pondere mensis  
 Protinus adfari, vocemq; audire loquentis,  
 Et spectare oculis sterili data pignora matri.  
 Ergo ad inſecta vie nullos studiosa paratus  
 Induitur, nullo disponit pectora cultu:  
 Tantum albo crinibus iniectu vestis inumbrans:  
 Qualis stella nite: tardam qua circuit Arcton  
 Hyberna sub nocte: aut matutina resurgens*

b 2

*Aurora*

*Aurora: aut vbi iam Oceano Sol aureus exit.  
Quáq; pedes mouet, hâc casâ terra alma ministra  
Pubenteisq; rosas, nec iam mæstos hyacinthos,  
Narcissumq; crocûmq; et quicquid purpureû ver  
Spirat hians, quicquid florû per gramina passim  
Subgerit immiscens varios natura colores.*

*Parte alia celeres sistunt vaga flumina cursus:*

*Exultant vallésq; caua collésq; supini:*

*Et circumstantes submittunt culmina pinus:*

*Crebrâq; palmiferis erumpunt germina syluis.*

*Omnia letantur. cessant Eurîq; Notiq;*

*Cessat atrox Boreas. tantum per florea rura*

*Regna tenent Zephyri, cælûmq; tepentibus auris*

*Mulcent, quâq; datur, gradientem voce salutant.*

*Vt ventum ad s. deus: vultu longæua verendo*

*Obcurrit coniux iusti senis: atq; repentè*

*Plena Deo, subitôq; vteri concussa tumultu,*

*Excipit amplexu venientem, ac talibus infit:*

*O decus, ô laudis mulier dux præuia nostra,*

*Cælitibus sola humanum qua digna reperta es*

*Conciliare genus, cætûsq; ad tollere ad astra*

*Fæmineos: gremium cuius diuinus obumbrat*

*Palmes, inexhaustis terras qui compleat vuis:*

*Quis me, quis tanto superûm dignatur honore?*

*Tûne procul visura humileis Regina penateis*

*Venisti? tûne illa mei pulcherrima regis*

*Mater ades? viden' vt nostra puer excitus aluo,*


*Cum mihi vix primas vocis sonus ambiat aureis,*

*Iam salit, & dominum ceu præcursurus adorat.*

*Felix*



*Felix Virgo animi, felix, cui tanta mereri  
Credulitas dedit vna: in te nam plena videbis  
Omnia, quæ magni verax tibi dixit Olympi  
Aliger, arcano delapsus ab æthere cursu.  
Illa sub hæc: Miranda alti quis facta Tonantis,  
O mater, meritas cælo qua tollere laudes  
Vox queat? exultant dulci mea pectora motu  
Authori tantorum operum: qui me ima tenentê,  
Indignamq; humilêmq; suis respexit ab astris.  
Munere quo genteis felix ecce vna per omneis  
Iam dicar: nec vana fides: ingentia quando  
Ipse mihi ingenti cumulauit munera dextra  
Omnipotens, sanctumq; eius per secula nomen,  
Et quæ per magnas clementia didita terras  
Exundat, quæ passim omneis sua iussa verentis  
Vsq; fouens, nullo neglectos deserit auo.  
Tum fortè exertans humerû, dextramq; coruscâ,  
Insanos longe fastus, menteisq; superbas  
Dispulit afflixitq; super: solioq; potentis  
Deturbans dedit in præcep, & ad ima repressit:  
Extollensq; humileis aliena in sede locauit:  
Pauperiêmq; famêmq; fugans impleuit egenos  
Diuitijs: vacuos contra nudosq; reliquit,  
Qui nullas opibus metas posuere parandis.  
Postremo sobolê (neq; enim dare maius habebat)  
Æternam genitor sobolem, seclisq; priorem  
Omnibus, equalêmq; sibi de sanguine fidi  
Suscepit pueri (tantis quo honoribus vnum  
Deerat adhuc) non ille animi, morumq; suorum*



Oblitus, quippe id meditans promiserat olim  
Sacrificis proauorum atavis, stirpiq; nepotum.

Hæc virgo. At senior, nullus cui vocis adēptæ  
Vsus erat, supplex nunc gressum observat euntis,  
Virgineosq; pedes, tactaq; dat oscula terra:  
Nunc latus tollit duplicem ad sidera palmas:

Quoq; potest solo testatur gaudia nunc:

Ostenditq; manu vatum tot scripta priorum:

Quæ quis agēte Deo, quōdam, dū vita manebat,

Edidit, & populis liquit celebranda futuris:

Scilicet effusum tacitis de nubibus imbrem

Lanigerum in tergo: germēq; è stirpe vetustæ

Arboris exurgens: incombustumq; sonoro

Ignæ rubum: & priscis stellâ de patribus ortam.

Quæ dum cuncta graui, venturi haud inscia, visû

Percurrit relegens, alto cum corde voluat

Conceptus Virgo insolitos, & ab æthere lapsam

Progeniem, pluvie in morem, quæ vellere molli

Excepta haud ullos sonitus, nec murmura reddit.

Sēq; rubum, virgāmq; alto sed deniq; missam

Sidus grande mari prorsum agnoscitq; vidētq;.

Non tamen ausa loqui, tanto aut se dicere dignā

Munere: sed tacito affectu tibi maxime diuinum

Grateis rector agit, mentēmq; ad sidera tollit.

Et iam Luna cauum ter luce repleverat orbē,

Ter solitas de more intrarat cæca latebras:

Cū Virgo in patriam reditū parat, omnia quādo

Certa videt. subeunt dilectæ grata parentis

Adloquia, adjectaq; pijs sermonibus ades:

Quæq;

Quæq; salutantis voces, ac verba ministri  
 Audijt, & primos excepit cella volatus:  
 Cella choris superùm lustrata, & cognita cælo.  
 Ergo iter inceptum charis digressa propinquis  
 Adcelerat, relegitq; viam per nota locorum:  
 Nec mora, nec requies vsquã: nec lumina flectit,  
 Cælicolùm quamuis sacro circumdata cætu,  
 Donec ad optatum peruenit sedula limen.  
 Atque ibi dum consueta suo cum pectore versat  
 Gaudia paulatim maturi tempora ventris  
 Aduentare videt, scires iam numen in illa  
 Grande tegi, nullos adeò sentire dolores  
 Dat superùm genitor, nullaq; ex parte grauari.

Intereà terra parta iam pace, mariq;  
 Augustus pater æratis bella impia portis  
 Clauserat, & validis arctarat vincula catenâ:  
 Dumq; suas regnator opes, vireisq; potentis  
 Imperij, exhaustâsq; armis ciuilibus vrbeis  
 Nosse cupit, magnum censeri iusserat orbem,  
 Describi populos latè numerùmq; referri  
 Cunctorum ad sese capitum, quæ maxima tellus  
 Sustinet, & rapido complectitur aquore Nereus.  
 Ergo omneis lex vna mouet, sua nomina mittit,  
 Qui monteis Aurora tuos, regna illa feracis  
 Armenia, qui conuallen, atque alta Niphata  
 Saxa tenent, longè pictis gens nota pharetris,  
 Gens finis lustrare suos non segnis, & arcu,  
 Quà vagus Euphrates, quà denius exit Araxes,  
 Felices tractus, & latè munere diuûm



Concessos defendere agros bene olentis amomi:  
 Censetur Tauri passim, censetur Amani  
 Incola: prædatôrq; Cilix: & Isaurica quisquis  
 Rura domat: quicunque tuas Pamphylia sylvas:  
 Quîq; Lycæoniam felicia iugera: quîq;  
 Flauentem curuis Lyciam perumpit aratris  
 Iam clari bello Leleges, populisq; propinqui  
 Iussa obeunt: gens quæque suo dat nomina ritu.  
 Qui ceramõ, bimarêque Gnidõ, quîq; alta tuetur  
 Mænia, dispositis vbi circumseptæ columnis  
 Tollit se niuei moles operosa sepulcri,  
 Barbarâ quam raptò posuit regina marito:  
 Et quos Meandri, toties ludente recurso,  
 Vnda rigat, rigat ipso suo mox amne Cayster.  
 Herbofo niueos dum margine pascit olores.  
 Quosq; metalliferis veniens Pactolus ab antris  
 Circuit, & rutila non parciôr Hermus arena.  
 Myserum manus omnis: Apollineaq; Celene:  
 Idaq; Rhætæaq; arces, celebratq; Musis  
 Pergama, Sigæumq; iugû, Priamæia quondam  
 Regna armis, ducibusq;, ducû nûc nota sepulcris:  
 Quæ nauta, angustum dum præterit Hellespõtum,  
 Ostendens focûs, hoc, inquit, littore flentes  
 Nereïdes steterant, passis cum mæsta capillis  
 Ipsa suum de more Thetis clamaret Achillem.  
 His & Bithynæ classes, & pontica latè  
 Adcedit regio. paret scopulosa Carambi:  
 Parendi studio feruet simul alta Sinope:  
 Fervet Halys: quîq; immêsis procul ànibus auct<sup>9</sup>  
 Cappad

Cappadocum medios populos discriminat Iris:  
 Thermodoónq; Halybésq; adtritáq; saxa Prome  
 Prætereà qua se Thracû Mauortia tellus (theo.  
 Pāditi, & argentè Rhodope procurrit in Aemû:  
 Quà Macedum per saxa ruit torrentibus vndis  
 Axius, vmbrosa q; tegunt Ha'yacmona ripæ:  
 Quáq; iacet diris omen Pharsalia bellis,  
 Et bis Romana ferales clade Philippi,  
 Conueniunt populi certatim, & iussa faceffunt.  
 Vos etiam vestros his adiunxistis alumnos  
 Vicinæ passim vacuis iam mœnibus vrbes,  
 Antiquæ Graiorum vrbes, gens optima morum  
 Formatrix, clara ingenij, & fortibus ausis:  
 Seu quæ littoreos tractus, monteísq; tenetis:  
 Seu quæ per medias dispersæ exurgitis vndas.  
 Tum latus Epiri quæ formidabile nautis  
 Adtollunt summo caput Acroceraunia cælo.  
 Vrget opus, iámq; Alcinoi dat regia censum,  
 Illyrica q; manus, impacatq; Liburni,  
 Littora q; Ionio passim pulsata profundo.  
 Nec tæ cui latè imperium terra q; marisq;  
 Bellatrix peperit virtus, & Martius ardor,  
 Non populos, non ipsa tuas terra inclyta genteis  
 Describis, terra vna armis, & facta triumphis,  
 Vna viru longe pollens, atq; emula cælo:  
 Nubifera quam præruptis anfractibus Alpes  
 Præcingunt, mediámq; pater secatur Apenninus,  
 Et geminum rapido fluctu circumtonat aquor.  
 Descripsere suos (quamuis non axe sub vno)

*Hinc Rhenus pater indigenas, hinc latior undis  
 Danubius, qui sylvarum per vasta volutus,  
 Pascere non populos, non lambere desinit vrbeis,  
 Donec ad optatam rapido venit agmine Peucem.  
 Quin & proceras scrutatur Gallia sylvas,  
 Gallia Casareis Latio dignata triumphis:  
 Quã Rhodan<sup>9</sup>, quã findit Arar, quã pneat ingès  
 Sequana, piscesq; interluit amne Garumna.  
 Tum quas piniferis gentem prærupta Pyrene  
 Rupibus, Hercules prospectat ad vsq; colūnas,  
 Cogit Anas: cogit ripa formosus utraque  
 Duria, & albeni Betis præcinctus oliua,  
 Auratamq; Tagus voluens sub gurgite arenam,  
 Quisq; suo terras insignit nomine Iberus.  
 Parte alia vastas circumuocat Africa vireis:  
 Getuli, Mauriq; duces rimantur opaci  
 Atlantis nemora, & dispersa mapalia syluis.  
 Scribitur & vacuis ut quisq; inuentus arenis  
 Seu pastor, seu subcinctis venator in armis  
 Obseruans sauos latebrosa ad tesqua leones.  
 Massylūm quicumque domos, quicumque repostos  
 Hesperidum lucos, munitaq; montibus arua  
 Incolit, & ramis natipum decutit aurum:  
 Et qui vertenteis immania saxa iuuenços  
 Fleclit arans: quã deuicte Carthaginis arces  
 Procubuerē, iacētq; in fausto in littore turres  
 Euerse. Quātū illa metus, quantum illa laborum  
 Vrbis dedit insultans Latio, & Laurētibus aruis!  
 Nunc passim vix reliquias, vix nomina seruans  
 Obruīt*



Obruitur proprijs non agnoscenda ruinis,  
 Et querimur genus infelix humana labare  
 Mēbra aut: cū regna palām moriantur, & vrbes.  
 Iām q; Macasidem ardor habet: venere volentes  
 Barcei: venere suos Nasamones ab aruis:  
 Nauifragas qui per Syrteus, infidāq; circum  
 Littora, mœrentum spolijs onerantur, & altos  
 Insiliunt nudi cumulos extantis arene,  
 Inq; suas vertunt aliena pericula pradas.  
 Postremo Psylli, Garamanticāq; arua tenentes:  
 Quīq; Cyrenæas suspendunt vomere glebas,  
 Laudatās q; legunt succis præstantibui herbas:  
 Quīq; Iouis palmeta, Hasbytarūmq; recessus:  
 Marmaricas qui latè oras: qui pascua seruant  
 Aegypti, Meroēs q;, sacer quos Nilus inundat,  
 Nilus ab aethereo ducens cunabula cælo.

Nec minus & casta senior cū Virgine custos  
 Ibat, vt in patria nomen de more, genusq;  
 Ederet, & iussu non segnis penderet aurum.  
 Ille domū antiquam, & regnata parentibus arua  
 Inuisens, secum proavos ex ordine reges,  
 Cl irāq; facta ducū, pulchrām q; ab origine gentē  
 Mente recensibat tacita: numerūmq; suorum,  
 Quamuis tunc pauper, quamuis incognitus ipsis  
 Agnatis, longè adueniens explere parabat.  
 Iam finis Galilea tuos emensus, & imas  
 Carmeli valles, quæq; altus vertice opacat  
 Rura Thabor, sparsām q; iugis Samaritida terrā  
 Palmiferis, Solymas à leua liquerat arceis.

Cum

Cum simul è tumultu muros, ac tecta domorum  
 Prospexit, patriæq; agnouit mœnia terra:  
 Continuò lacrymis urbem veneratur obortis:  
 Intenditq; manus, & ab imo pectore fatur:

Bethlemia turres. & non obscura meorum  
 Regna patrum, magniq; olim saluete penates,  
 Tûq; ô terra parens regnum, visurâq; regem,  
 Cui sol & gemini famulantur cardinis axes,  
 Salue iterum te vana Iouis cunabula Crete  
 Horrescet, ponetq; suos temeraria fastus:  
 Mœnia te Dircea tremant, ipsâmq; pudebit  
 Ortygiam geminos Latona extollere partus.  
 Parua loquor: prono veniet diademate supplex  
 Illa potens rerum, terrarûmq; inclita Roma:  
 Et septem geminos submittet ad oscua montis.  
 Dixit, & extrema mouit vestigia voce:  
 Maturâtq; viam senior: tardûmq; fatigat  
 Vectorem: & visas gressum molitur ad oras.

Etiam prona dies fluctus urgebat Iberos,  
 Purpureas pelago nubes, aurûmq; relinquens.  
 Ecce autem magnis plenam conuentibus urbem  
 Protinus, ut venêre, extremo è limine porte  
 Adspiciunt. Mistum confluxerat undiq; vulgus  
 Turba ingens. credas longinquo ex aquore vectas  
 Ad merces properasse, aut devastantibus arua  
 Hostibus, in tutum trepidos fugisse colonos.  
 Cernere erat perq; anfractus, perq; arcta viarum  
 Cuncta repleisse viros, confusôq; ordine matres:  
 Permistos pecori agricolas, hos iungere plaustra:

Hoc

*Hos intendere vela, alios discumbere apertis  
 Porticibus, resono compleri cuncta tumultu:  
 Accensos varijs lucere in partibus igneis.  
 Quæ pater admirans, tacito dum singula visu  
 Percurrit, circumq; domos, & limina lustrat,  
 Nec superesse locum tecto videt: ibimus, inquit,  
 Quò Deus, & quò sancta vocât oracula patrum.*

*Est spec<sup>9</sup> haud ingès parvis sub mœnibus urbis,  
 Incertum, manibúsne hominum genione potentis  
 Natura formatus, vt hæc spectacula terris  
 Præberet, tantósq; diu seruatus in vsus,  
 Hospitio cælum acciperet, cui plurima dorso  
 Incumbit rupes, pendentibus undique saxis  
 Aspera: & exese cingunt latera ardua cantes:  
 Defunctis operum domus haud ingrata colonis.  
 Huc heros tandem superata ambage viarum  
 Sic monitus ducente Deo, cum coniuge sancta  
 Deuenit, multaq; senex se nocte recepit.*

*Ac primum siccis ramalibus excitat ignem:  
 Stramineoq; toro comitem locat, ægra cubantis  
 Mēbra super vestem inuoluens: mox adligat ipsos  
 Permulcens, iam non duros, iam sponte sequentes  
 Quadrupedes, vt fortè aderat fœnile saligna  
 Subfultum crate, & palmarum vimine textum.*

*Nūc age, Castalijs quæ nunq̃ audita sub antris,  
 Musarúmue choris celebrata, aut cognita Phæbo,  
 Expediam: vos secretos per deuia calleis  
 Cælicole, vos (si meruit) monstrate recessus  
 Intactos: ventum ad cunas, & gaudia cæli,*

*Mirand*



Mirandósq; ortus, & testá sonantia sacro  
 Vagitu, stat ferre pedem, qua nulla priorum  
 Obuia sint oculis vatum vestigia nostris.

Tempus erat, quo nox tardis inuecta quadrigis  
 Nondum stelliferi mediam peruenit olympi  
 Ad metam, & tacito scintillam sidera molu:  
 Cúm syluæq; vibésq; silent: cum fessa labore  
 Accipiunt placidos mortalia pectora somnos:  
 Non fera, non volucris, non picto corpore serpens  
 Dat sonitum. iámq; in cineres consederat ignis  
 Vltimus: & sera persusus membra quiete  
 Scruposo senior caput adclinauerat antro.  
 Ecce autem nitor ex alto nouus emicat, omnémq;  
 Exuperat veniens atræ caliginis umbram:  
 Auditiq; choris superúm, & cælestia, curuas  
 Agmina pulsantum citharas, ac voce canentum:  
 Agnouit sonitum. partúsq; instare propinquos  
 Haud dubijs Virgo sensit letissima signis.  
 Protinus erigitur stratis, cælóq; nitentis  
 Adtollit venerans oculos, ac talia fatur:

Omnipotens genitor, magno qui sidera núu  
 Aëriósq; regis tractus, terrásq; fretúmq;  
 Ecquid adest tempus, quo se sine labe serenam  
 Efferat in lucem soboles tua? quo mihi tellus  
 Rideat, & teneris d. pingat floribus arua?  
 En tibi maturos fructus, en reddimus ingens  
 Depositum: tu nequa pio iactura pudori  
 Obr. pat, summo defende, & conjule cælo.  
 Ergo ego te gremio reptantem, & nota petentem  
 Vbera

*Vbera chare puer, molli studiosa fauebo  
 Amplexu: tu blanda tuæ dabis oscula matri  
 Adridens: collóq; manum & puerilia neçtes  
 Brachia: & optatam capies per membra quietem.  
 Sic memorat, fruitúrq; Deo, comitumq; micãti  
 Agmine, diuinisq; animum concentibus explet.  
 Atque olli interea reuoluto sidere felix  
 Hora propinquabat. Quis me rapit? accipe vatem  
 Diua tuum, rege diua tuum, seror arduus altas  
 In nubeis: video totum descendere cælum  
 Spectandi excitum studio. Da pandere factum  
 Mirum, indiçtum, insuetum, ingens: absistite cura  
 Degeneres, dum sacra cano. Iam læta laborum  
 Iam non tacta metu, secli regina futuri  
 Stabat adhuc, nihil ipsa suo cum corde caducum,  
 Nil mortale putans, illam natúsq; patrúsq;  
 Quíq; prius, quàm Sol cælo, quàm Luna niteret,  
 Spiritus obscuras ibat super igneus vndas,  
 Stant circum, & magnis permul. èt pectora curis  
 Præterea redeunt animo quæcunque verendus  
 Dixerat interpretes: acti sine pondere menses,  
 Seruatúsq; pudor: clausa cum protinus aluo  
 (O noctem superis lætam, & mortalibus agris)  
 Sicut erat solýs, stipulaq; innixa rigenti,  
 Diuinum spectante polo, spectantibus astris  
 Edit onus. Qualis rorem cum vere tepenti  
 Per tacitum matutinus desudat Eous:  
 Et passim toretes lucent per gramina guttae:  
 Terra mader: mader aspersa sub veste viator*

*Horrid*

*Horridus, & pluuia vim non sensisse cadentis  
 Admirans, gelidas vdo pede proterit herbas.  
 Mira fides. puer æthereas iam lucis in auras  
 Prodierat, sænôq; latus male fultus agresti,  
 Impulerat primis resonum vagitibus antrum.  
 Alma parens nullos intra præcordia motus,  
 Aut incursanteis deuexi ponderis ictus  
 Senferat: hærebant immotis viscera claustris.  
 Haud aliter, quàm cùm purum specularia Solem  
 Admittit: lux ipsa quidem pertransit, & omneis  
 Irrumpens laxat tenebras, & discutit umbras:  
 Illa manet illesa: haud vlli peruia vento,  
 Non hyemi, radijs sed tantum obnoxia Phæbi.*

*Tunc puerum tepido genitrix inuoluit amictu,  
 Exceptumq; sinu blandeq; ad pectora pressum  
 Detulit in præsepe. Hic illum mitia anhelò  
 Ore fouent iumenta. O rerum occulta potestas!  
 Protinus agnoscens dominum procūbit humi bos  
 Cernuus: & mora nulla, simul procumbit a sellus  
 Submittens caput, & trepidanti poplite adorat.  
 Fortunati ambo: non vos aut fabula Creta  
 Polluet, antiqui referens mendacia furti,  
 Sidoniam mare per medium vexisse puellam.  
 Aut sua dū madidus celebrat portenta Cytharō,  
 Infameis inter thyrsos, vinosq; sacra  
 Arguet obsequio seuis insudasse profani.  
 Solis quippe Deum vobis, & pignora cæli  
 Nosse datum, solis cunabula tanta tueri.  
 Ergo dum refluxo stabit circumdata fluctu*

Terra



Terra parens, dum præcipiti vertigine cælum  
 Voluetur, Romana pius dum templa Sacerdos  
 Rite colet: vestri semper referentur honores,  
 Semper vestra fides nostris celebrabitur aris.  
 Quis tibi tunc animus, quæ sancto in corde voluptas,  
 O genitrix, cum muta tuis famulantia cunis,  
 Ac circum de more sacros referentia ritus  
 Adspiceres dominos genua inclinare potenti,  
 Et sua commotum trahere ad spectacula cælum?  
 Magne pater, quæ tanta rudeis prudentia sensus  
 Lenit? informi tantos quis pectore motus  
 Exciuit calor, & pecudum in præcordia venit?  
 Ut quem non reges, non accipere tot vrbes,  
 Non populi, quibus vna aras, & sacra tueri  
 Cura fuit: iam bos torpens, iam segnis asellus  
 Autorem late possessoremq; saluent?

Vocibus interea sensim puerilibus heros  
 Excitus, somnum expulerat, noctemq; fugarat.  
 Ex oculis, iamq; infantem videt, & videt ipsam  
 Maiorem ad spectu, maiori & lumine matrem  
 Fulgentem, nec quoquam oculos, aut ora mouentē,  
 Sublimemq; solo, superum cingente caterna  
 Aligera. Qualis nostrum cum tendit in orbem,  
 Purpureis rutilat pennis nitidissima Phoenix:  
 Quam variè circum volucres comitantur euntem.  
 Illa volans, Solem natiuo prouocat auro  
 Fulua caput, caudam & roseis interlita punctis  
 Ceruleam. stupet ipsa cohors: plausuq; sonoro  
 Per sudum strepit innumeris exercitus alas.

*Miratur lucem insolitam: miratur ouanteis  
 Cœlicolũ cantus senior. tum victus, & amens,  
 Adtonitusq; animi, tantiq; ardoribus impar  
 Corruit, & geminas vultum demisit in vlnas:  
 Adfususq; diu telluri, immobilis hæsit.  
 Hic illum superi iuxta videre iacentem:  
 Vidit Dia parens, nec longum passa senileis  
 Obduci tenebris oculos, dat surgere, & agrum  
 Sustentare genu, tremuluq; insistere plantis,  
 Diuinosq; pati vultus, superiq; nitorem  
 Ignis, & æthereas vibrantia lumina flammæ.  
 Ille ubi paulatim vireis, animumq; resumpsit,  
 Nodoso incumbens baculo, modulantia primum  
 Agmina, reginamq; Deũ de more salutat.  
 Mox ipsum adcedens præsepe, vlnaq; palustri  
 Impositum spectans dominum, terræq; marisq;  
 (O timor, ô mentis pietas), puerilia membra  
 Non ausus tractare manu, cunctatur ibi auram,  
 Insperatam auram diuina efflantis ab ore  
 Ore trahens, subito correptus numinis haustu,  
 Adflatusq; Deo, sic tandem voce quieta  
 Incipit, & lacrymis oculos subfundit obortis:  
 Sancte puer, non te Pharijs operosa columnis  
 Atria, non variata Phrygum velamina textu  
 Excepere (iacet nullo spectabilis auro)  
 Angustum sed vix stabulum, male cõmoda sedes,  
 Et fragiles calami, lecteq; paludibus herbe  
 Fortuitum dant ecce torum, laqueata tyrannos.  
 Testa, & regifico capiant anlea parati.*

Te pater aeterno superum ditavit honore  
 Illustrans: tibi fiderei domus aurea caeli  
 Plaudit, inextinctosq; parat natura triumphos.  
 Et tamen hanc sedem reges, haec undiq; magni  
 Antra petent populi: longe quos cerula Calpe  
 Littore ab occiduo, nigriq; impellet ab Indis  
 Sol oriens, quos & Boreas, & feruidus Ausser  
 Diverso inter se certantes cardine mittent.  
 Tu pastor, tu, dispersas reuocare per agros  
 Missus oueis late, pectusq; obferre periclis,  
 Prodigus ah nimium vitae, per tela, per hosteis  
 Obscurum nemus irrupens, rabida ora luporum  
 Compesces, saturumq; gregem sub tecta reduces.  
 O mihi certa fides superum, decus addite terris,  
 Nate Deo, Deus ipse aeterno è lumine lumen:  
 Te te ego, te circum genitrix, letiq; ministri  
 Concinnimus, primi; tuos celebramus honores,  
 Longaq; perpetuis indicimus Orgia fastis.

## LIBER TERTIVS.



Vratum interea culmen bipatentis  
 olympi.

Consendit genitor, rerum inuiola-  
 ta potestas,

Lata forēs tacito sub pectore: mox

iuber omneis

Ad sese acciri superos, quiq; atria longè  
 Observant, quiq; arcanis penetralibus adstant,  
 Præterea quos Eos Aurora per ortus,



Et quos occiduae propior videt Hesperus ora.  
 Nanq; ferunt olim leges cum conderet aquas  
 Rex superum, & valida mundū suspenderet axe.  
 Diversas statuisset domos, diuersaq; diuis  
 Hospitia, & dignos meritis tribuisset penates.  
 Ordine cuique suos. Illi data recta frequentant:  
 Armaq; & aratis adfigunt nomina valuis.  
 Haud mora fit: celerant iussu: volat aethere toto  
 Cœlicolūm glomerata manus, pars igne corusco  
 Tota rubens, pars stelliferis innexa coronis.  
 Ipse sedens, humeris chlamydem fulgentibus aptat  
 Ingentem, & cælum pariter, terrasq; tegentem.  
 Quam quodā (vt perhibet) vigilās nocteisq; diesq;  
 Ipsa suo nouit rerum natura Tonanti:  
 Adiecitq; sacra decus admirabile tela,  
 Per medium, perq; extremas subtegminis oras  
 Immortale aurū intexens, grandæsq; smaragdos.  
 Illic nam varia mundum distinxerat arte  
 Gnara operum mater, certisq; elementa figuris,  
 Et rerum species, animasq; & quicquid ab alta  
 Fundit mente pater. Generis primordia nostri,  
 Cernere erat limum informem, iam præpete penina  
 Deferri volucris liquidum per inane videres:  
 Iam syluis errare feras, pontumq; natari  
 Piscibus, & vero credas spumescere fluctu.  
 Hic postquam algeros gemmata sedilia cœtus  
 Accepere, pater solio sic insit ab alto:  
 Aetherei procures (neq; enim ignoratis et ausus  
 Infandos, diuinq; acies super astra frementeis)

Si mecum iuuat antiquos ab origine motus  
 Inspicere, & veterum pariter meminisse laborum:  
 Quandoquidem hæc vobis peperit victoria laudem:  
 Huc animos, huc pacatas aduertite mentis.  
 Vos, cum omne arderet cælum seruilibus armis,  
 Arctoumque furor pertenderet impius axem  
 Scädere, & in gelidos regnum transferre Triones:  
 Fida manus mecum mansistis: & vltima tandem  
 Experti, cælo victricia signa tulistis:  
 Aeternumque alta fixistis in arce trophæum.  
 Quos ego pro meritis insigni munere palma  
 Donavi: regnique in partem, operumque; recepi,  
 Præcipuosque habui, lectosque; adiussa ministros:  
 Usque adeo fixa antiqui stat gratia facti.  
 Nec minus & nostras audistis sæpe querelas;  
 Vidistisque graueis flammæ pectoris æstus,  
 Tunc cum prima nouas egit dementia gentis  
 Arboris auricomæ cælestia carpere poma:  
 Poma graui seros gustu lesura nepotes.  
 Munere quin superum indignas spoliatis, et vmbra  
 Sacrorum late nemorum: adsiduoque; labore  
 Multastis miseras, vite & breuioribus annis.  
 Quid repetam veteri sumptas de crimine pœnas?  
 Exiliumque; informe Erebi, tenebrasque; repostas?  
 Quæ tacito mecum spectastis lumine: & ydem  
 Terrarum sortem mœsti indoluistis acerbam.  
 Aut etiam vt nostri longo post tempore tandem  
 Pectoris indomitas clementia vicerit iras:  
 Vique; arcana leueis sensim demissa per auras

Fœcundam intactæ complerit Virginis aluum?  
 An temere hoc, nullaq; actum ratione putatis?  
 Quippe ita mansuras decuit me ponere leges:  
 Quo terraq; solusq; homines, diuiq; vicissim  
 Fœderibus starent certis, & pignore tanto  
 Seruarent memorem cognata stirpis amorem.  
 Quare agite, & iam nunc humana capeſſite fata:  
 Ac primum duris parui sub cautibus antri  
 Gramineos lustrate toros: lustrate beatam  
 Pauperibus sedem calamis: cunctiq; recenteis  
 Submissi cunas adcedite, dum pia mater  
 Complexu in molli natum fouet, vbera pernox  
 Indulgens teneris pueri rorantia labris.  
 Nec procul in stipula demisso pectore mutum  
 Procumbit pecus: & domini vestigia lambens  
 Peruigilat, longos fundit dum tibia cantus.  
 Hic faustos orius pueri, noctemq; verendam  
 Discursu per inane leui, passimq; canoris  
 Laudibus excipite, & plausu celebrate fauentes  
 Omnia felicem ventura in secula pacem,  
 Certatimq; renascentis cunabula mundi,  
 Victum anguē, victumq; anguis furiale venenum.  
 Sic placitum, sic auersos coniungere terris  
 Cœlicolas: sic ferre homines ad sidera certum est.  
 Hæc ubi dicta: nouum superis inspirat amorem,  
 Quo subito veteres deponant pectoris iras,  
 Obliti scelerum: patruq; exempla secuti,  
 Terrarum flagrent studio, & mortalia curent.  
 Nec mora: Lætitiam choreis tum foris vacantem  
 Aduocat



*Aduocat* (hec magnimotusq; animosq; Tonātis  
*Temperat*, & vultum. discussa nube serenat)  
*Latitiam*, quæ cœlicolũ per limina semper  
*Discursat*, raroq; imas petit hospita terras:  
*Curarumq;* expers; lacrymasq; exosa virago,  
*Exultat*, totoq; abigit suspiria cœlo.  
*Vt stetit* ante patrem, terrasq; adcedere iussa est:  
*Mobilibus* pictas humeris adcommodat alas,  
*Lenimenq;* via comites vocat. I licet adsunt  
*Incunde visu* facies Cantusq;, Choriq;,  
*Gaudiaq;*, plaususq;, & honestis ignibus ardens  
*Rectus Amor*: quẽ nuda Fides, Spesq; in scia luctus  
*Vadentem*, mira vnanimis pietate sorores  
*Obseruant*. Sequitur mox inculcata Voluptas,  
*Gratiaq;*, & niueam suadens Concordia pacem.  
*Cumq;* propinquasset portæ, quæ maxima cœlo  
*Dicitur*, eternumq; micat radiata coruscis  
*Astorum signis*: quando mortalibus ægris  
*Dant nimbo* alia, & damnant caligine terras:  
*Subcinctæ* occurrunt *Hora* properantibus alis:  
*Insomnes Hora*: namq; his fulgentia diuũ  
*Limina*, & ingentis custodia credita cœli.  
*Protinus* eratos impulso cardine posteis  
*Cum sonitu*, magnæq; polos quassante fragore  
*Præpådunt* obnixæ humeris. Volat illa per auras  
*Obscura* sub nocte nitens. gratantur eunti  
*Sidra*. iam festas meditaturn Luna choreas:  
*Exultant Hyades*: gaudet mutata Bootes  
*Plaustra auro*, totosq; auro fulgere iuuenes,

Tunc primum visa est, miseri post fata parentis,  
 Risisse Erigone, & longum posuisse dolorem:  
 Armatoq; ensis subducitur Orioni.

Vt verò umbrosis posuit vestigia sylvis,  
 Culmina conscendit pastorum: atq; omnia late  
 Perlustrans tacitis oculis loca, concutit alas  
 Adplaudens: pictosq; sinus sub nocte coruscans,  
 Subrisit lævum, puraq; in luce resulsit.  
 Primi illam sensere canes: sensere iacentes  
 Hædorum passim per dura cubilia matres:  
 Balatq; cuium valles sonuere propinqua,  
 Saxaq; & adtoniti caput erexere magistri.

Tunc ait: O parvi vigiles gregis, ô bona pubes  
 Sylvarum superis gratum genus, ite beati  
 Pastores, ite antra nouis intendite sertis:  
 Reginam ad cunas, positumq; in stramine regem  
 (Certa fides) alti iam iam moderator olympi  
 Cernere dat, properate: nouisq; tepentia lactis  
 Munera, cumq; suo date condita suber, anella:  
 Insuetum & sylvis stipula deducite carmen.  
 Nec plura effata in nubis taciturna recepsit:  
 Et penitus nigra noctis se condidit umbra.  
 Olli inter sese vario sermone volutant,  
 Quid superum mandat a' velint, quas querere cunas,  
 Quos inbeant rege, quæ cingere frondibus antra.  
 Continuo varq; innectunt tempora ramis:  
 Nestitur & lentiscus, opacæq; arbutus umbra,  
 Rosq; maris, buxusq; & densa coma terebinthus:  
 Cunctaq; frondenti redimitur turba corona.

Mox

Mox sylvam exquirunt omnem: saltusq; repostos  
 Flammiferis lastrant tedis. Ardere putares  
 Arua procul, totumq; incendi lumine montem.  
 Tandem inter dumos fessi, sub rupe cavata  
 Speluncam adspiciunt: vocemq; rudentis aelli  
 Auribus accipere. Vident ipsumq; bouemq;  
 Longaeuumq; senem, stantemq; ad lumina matrem.  
 Insomnem, & pressis resouentem pignus in vlnu.  
 Ergo insperate gausi munere sortis,  
 Ocyus ingentem procero stipite laurum,  
 Auulsamq; solo palmam ab radicibus imis  
 Adtollunt humeris: perq; intervalla canentes  
 Cum plausu, choreuq; & multifono modulatu  
 Vestibuli ante aditum statuū: omnemq; coronant  
 Fronde locum: grandeis oleas, cedrosq; comantes  
 Adfigunt: longuq; aduelant limina fertis:  
 Et late Idaliam spargunt cum baccharum myrtum.  
 Quos bonus ex antro dictis adgressus amicis  
 Compellat senior: placidaq; haec voce profatur:

Dicite pastores (neq; enim sine numine, credo,  
 Tam certum tenuistis iter) cui tanta paratis  
 Munera? cui virideis ramus frondentibus umbras  
 Textitis? anre aliquis superum patre missus ab alto  
 Has docuit sedes, locaq; hac adcedere iussit?  
 Sic memorans, sese latum venientibus offert.  
 Illi autem: Nova per tenebras, nova lucis imago  
 O genitor, media visa est modo lumina sylva  
 Spargere, & in nostras diffundere gaudia meten:  
 Siue Deus caelo veniens, seu forte deorum



Nuntius, in dubio est: nos vuliū, habitūq; loquentis  
Vidimus: & motas per noctem audiuias alas.

Sic fati, iungunt dextras: mox ordine longo  
Antrum introgressi, calathis syluestria plenis  
Dona ferunt: matrem & lato simul ore saluant.  
Tū puero adstantes Lycidas, & maximus Aegō,  
Aegon, Getulis centum cui pascua campi,  
Centeni per rura greges Maßyla vagantur:  
Ipse caput latè, quā Bagraða, quā vagus errat  
Triton, Cinyphie quā deuoluuntur arena,  
Ingens agricolū, ingens pastoribus Aegon.

At Lycidas vix vrbe sua, vix colle propinquo  
Cognitus, equoreas carmen deflexit ad vndas:  
Et tamen hi non voce pares, non viribus aquis,  
Inter adorantum choreas, plaususq; Deorum  
Rustica septena modulantur carmina canna.

Hoc erat alme puer, patrūs quod noster in antris  
Tityrus adtrite spreuit rude carmen auens,  
Et cecinit dignas Romano Consule syluas.

Vltima Cumai venit iam carminis atas:  
Magna per exactos renouantur secula cursus.  
Scilicet hæc virgo est, hæc sunt saturnia regna:  
Hæc noua progenies cælo descendit ab alto,  
Progenies, per quam toto gens aurea mundo  
Surget, & in medijs palmes florebit aristis.  
Qua duce, si qua manet sceleris vestigia nostri,  
Irrita perpetua soluent formidine terras:  
Et vetitum magni pandetur limen olympi:  
Occidet & serpens, miseros quæ prima parentem

Elusit

*Elusit, portentificis imbuta venenis.*

*Tūne Deūm vitam accipies? diuisq; videbis*

*Permistos heroas, & ipse videberis illis?*

*Pacatumq; reges patrijs virtutibus orbem?*

*Adspice felici diffusum lumine cælum,*

*Camposq; fluuiosq; ipsasq; in montibus herbas.*

*Adspice venturo latentur vt omnia seculo.*

*Ipsa lacte domum referent distenta capella*

*Vbera: nec magnos metuent armenta leones:*

*Agnaq; per gladios ibit secura nocentem:*

*Bisq; superfusos seruabit tineta rubores,*

*Interea tibi parue puer munuscula prima*

*Contingent, ederaq; intermixtiq; corymbi.*

*Ipsa tibi blandos fundent cunabula flores:*

*Et dura quercus sudabunt rosida mella:*

*Mella dabunt quercus: omnis feret omnia tellus.*

*At postquam firmata virum te fecerit ætas*

*Et tua iam totum notescent facta per orbem:*

*Alter erit tū Tiphys, & altera que vehat Argo*

*Delectos Heroas: erunt etiam altera bella:*

*Atq; ingens Stygias ibis prædator ad undas.*

*Incipe parue puer risu cognoscere matrem*

*Chara Dei soboles, magnum cæli incrementum.*

*Talia dum referunt pastores: auia longe*

*Responsant nemora: & voces ad sidera iactant*

*Intonsi montes: ipsa per confraga rupes,*

*Ipsa sonant arbusta: Deus Deus ille Menalca.*

*Hic subito magnum visi per inane volatus*

*Cælestum, cursusq; alacres, alacresq; recursus:*

*Audis*

*Auditaq; pro ul voces, sonitusq; rotarum  
Scilicet innocuis per sudum exercitus armis  
Ibat ouans, diuisa acies, terna agmina ternis  
Instruet ordinibus belli simulacra ciebant.  
Ter clypeis iam credentis inuadere nubeis  
Adspiceres: vacuas ter mittere tela per auras:  
Ter clamare ducem: mox dissipta cogere signa,  
Atq; vnā late faciem præferre phalangis:  
Rursus & aërios percurrere milite campos:  
Semotosq; alios constanti incedere passu  
Nubila per, latasq; vias: & iungere nexu  
Brachia, perpetuis quatientes motibus alas,  
Gestantesq; manu nostra argumenta salutis,  
Spinasq; clauosq; horrenti & vimine fasceis,  
Hæsuramq; hastam lateri, medicataq; felle  
Pocula, sublimemq; crucem, immanemq; colūnam.  
Ibant, & dulci mulcebant ætherea cantu.  
Innumeras alij laudes, & magna parentis  
Facta canunt: vt prima noui fundauerit orbis  
Mœnia, telluremq; vagis discluserit vndis:  
Vt passim varios cælo suspenderit igneis,  
Lunamq; stellasq;: vt magni lumina Solis,  
Iam late extremo tenebris Oriente fugatis,  
Protulerit. Tu belligeras metuende cohorteis  
Deiçis, exturbasq; polo: tu fulmine quassas  
Cum duce signa suo, nigroq; inuoluis Averno,  
Cocytumq; iubes, tristemq; habitare lacunas.  
Te gemini cecinere axes, te maxima tellus  
Victorem cecinit vastis cum fluctibus æquor.*

*Nec*



Nec te hominum fraudes, non auertere nefanda  
 Crimina: sed leto spectas mortalia vultu:  
 Dignatasq; tuo solaris numine terras.  
 Salue magne opifex cœli, rex maxime diuum,  
 Terrarumq; hominumq; salus: quæ sidera, quæ sol,  
 Quæ metunt reges tenebrarum, & Tartarus ingens:  
 Cui latè humanum seruit genus: omnia solus  
 Qui regis: omnia amas pariter. tibi nomina mille.  
 Mille potestatum, regnorum insignia mille,  
 Salue autôr: salue immensi dominator olympi:  
 Et nobis felix, terrisq; labantibus adsis.  
 Ingeminant plausum nubes: lateq; per auras  
 Discursat vox: & cœli conuexa resultant.

Herbofo tum fortè toro, vndisonisq; sub antris  
 Venturas tacito voluebat pectore sortis  
 Cæruleus rex, humentum generator aquarum  
 Iordanes, quem iuxta hilari famulantia vultu  
 Agmina densentur nata pulcherrima Glauce,  
 Dotoq;, Protoq;, Galenaq;, Lamprothoëq;,  
 Nuda humero, nudis discincta veste papillis:  
 Callirhoë, Byroq;, Pherusaq;, Dinameneq;,  
 Asphaltinq; adsueta leueis fluitare per undas:  
 Ipsaq; odoratis persusa liquoribus Anthi,  
 Anthi, qua non vlla nouos miscere colores  
 Doctior, aut pictis caput exornare coronis.  
 Mox Hyale, atq; Thoe, et vultu nitidissima Crene  
 Congisteq; Rheëq;, & candida Limnoria,  
 Et Dryope, & virideis Botane resoluta capillos:  
 Ore omnes formosæ, albæ in vestibus omnes,

Omnes

Omnes puniceis extinctæ crura cothurnis,  
 Ipse antro medius, pronæq; ad cliu in vrna  
 Fundit aquas nitet vrna nouis variata figuris.  
 Crystallo ex alba, & puro perlucida vitro,  
 Egregium decus, & superum mirabile donum.  
 Umbrosis hic sylua comis, densisq; virebat  
 Arboribus. cerui passim, capreaq; fugaces.  
 Aestiuum viridi captabant frigus in umbra.  
 In medio, auratis effulgens fluctibus amnis  
 Errabat campo, & cursu læta arua secabat.  
 Hic iuuenis fuluis velatus corpora setis  
 Stans celso in scopulo, regem, dominumq; Deorum  
 Vorticibus rapidis, medioq; in fonte lauabat.  
 At viridi in ripa lecti de more ministri  
 Subcincti expectant: pronisq; in flumina palmis  
 Protendunt niueas cælestia lintea vestes.  
 Ipse pater cælo latè manifesta sereno  
 Signa dabat, natoq; leuem per inane columbam  
 Insignem radijs mittebat, & igne corusco.  
 Adtonitæ circum venerantur numina nymphe:  
 E fluuius refugas ad fontem conuocat vndas.  
 Talia celata genitor dum spectat in vrna  
 Fatorum ignarus, oculosq; ad singula voluit  
 Admirans: videt insolitos erumpere fontes,  
 Ingentemq; vndare domum cauaq; antra repleri  
 Fluctibus, atq; nouum latices sumpsisse saporem.  
 Dumq; haret, pauitatq; simul, dum subleuat vnda  
 Muscosum caput, & taurino cornua vultu:  
 Adspicit insuetas latè florescere ripas.

Claraq;

Claraq; per densas discurrere lumina sylvas:  
 Pastorum ludo: & latos ad sidera cantus.  
 Divinasq; audit voces, & numina passim  
 Aduenisse Deum testantia. Protinus ambas  
 Ad cælum palmas hilari cum voce tetendit:  
 O maris, ô terra, diuûmq; hominumq; repertor,  
 Quis tua vel magno decreta incognita cælo  
 Detulit huc audax, medijsq; abscondit in undis?  
 Ipse mihi hæc quâdam (meminit) dū talia mecum  
 Sape agitat, repetitq; volens, narrare solebat  
 Ceruleus Proteus: mendax si cætera Proteus.  
 Non tamen hoc vanas effudit carmine, voces.  
 Adueniet tibi Iordanes properantibus annis,  
 Adueniet, mihi crede, inquit: certissima cælum.  
 Signa dedit: nec me delusum oracula fallunt.  
 Qui te olim Nili supra septemplex ortus,  
 Supra Indum, & Gâgê, fontemq; binominis Istri.  
 Adtollet fama: qui te Tyberiq;, Padoq;  
 Preferet, atq; tuos astris æquabit honores.  
 Cuius in aduentu tristes discedere morbi  
 Corporibus passim incipient, iam victa repente  
 Cessabit, turpeis squamas, maculasq; remittet.  
 Dira lues: lacerosq; elephas effusus in artus,  
 Ulcera sanguineo sistet manantia tabo.  
 Quin & letales (dictu mirabile) febres  
 Diffugient iussu, possessaq; membra relinquent.  
 Cedet & infeste violentior ira Diane:  
 Ira nocens quæ fulminea velut icta ruina,  
 Corpora cum gemitu ad terrā prosternit, & igni.

Inter



*Interdum, nunc perdere aqua (miserabile visu)  
Festinat. Stygio nimirum armata veneno  
Exuperat vis, & spumas agit ore tumentem.*

*Nec iam ultra longo vireis minuente veterno,  
Tabificus per operta impune vagabitur hydrops.  
Exitio obrepens miserorum, atq; omnia late  
Viscera per varios perdet tumefacta dolores.*

*Non aliàs vinctæ tam crebra silentia lingue  
Abrumpent: noctem aut toties, tenebrasq; priores  
Excutient oculi, qui nunquam sidera, nunquam  
Ardentem magni viderunt lampadas Solis.  
Multa quidem maiora fide, sed vera, sed ipsos  
Quæ teneant spectatum oculos, possum ore referre;  
Sed propero: ventura tamen mirabitur atas.*

*Cernere erit, claudos passim genua agra trahê-  
Firmato subitos extendere poplite gressus. (teis  
Tum nervis labefacta, diuq; trementia membra  
(Quis credat, nisi certa meus mihi cætet Apollo?)  
Restringi, & validas cum robore sumere vireis:  
Atq; alius rapto iussus consurgere lecto,  
Haud mora, profiliet: passuq; in templa citato  
Contendens, onus ipse humeris portabit. Ibi ingens  
Clamor, & innumera circum donaria voces  
Spectantis populi, & rerum novitate paventis.*

*Parte alia extinctam penitus sensuq; carentem  
Ad sua iam cernes renocari munera dextram.*

*Nec minus & tacta compeSCI veste cruorem  
Fæmineum: exanguisq; artus, pallentiaq; ora  
I licet obstructis calefacta rubescere venis.*

*Ipsas quin etiam furias sub Tartara pelli,  
Immaneis Erebi furias: tum fessa leuari  
Pectora, vexatosq; malis cruciatibus artus:  
Hinc vacuas late impleri stridoribus auras  
Dirarum frustra clamatum, ac saeva timentum  
Verbera, perq; cauas conantum evadere nubes.*

*Iam deploratis vitam post funera reddi  
Corporibus video iam mœstam incedere pompam,  
Feralemq; anteire tubam: mox gaudia matum.  
Insperata, patrumq; hilares verso ordine fletus,  
Et circumfusam populis latantibus urbem.  
Huic tu nutanteis quoties adsurgere monteis  
Et (mirum) insuetas curvare cacumina sylvas  
Adspicies? Quoties humenti in gramine ripæ  
Aut solantem æstus, aut leneis pectore somnos  
Carpentem, tenui adsuesces mulcere susurro?  
Maeste tuis merito ripis, maeste omnibus undis.  
Ad te deposito properabunt numina fastu:  
Nudabuntq; sacros artus, & carmina dicent  
Ad numerum, cum tu felix iam flumine sancto  
Autorem rerum, diuûmq; hominumq; parentem  
(Tantus honos, laus. tâta tuo, Rex maxime, fonti)  
Exutum veste accipies: atq; hospite tanto  
Ad tonitus trepidas hortabere voce Napæus:  
Ite citæ, date thura pias adolenda per aras  
Ceruleæ comites, viridiq; sedilia musco  
Instruite: & vitreis suspendite ferta columnis:  
Purpureas misce rosas, miscete hyacinthos,  
Liliaq; & pulchros regem conspergite nimbo.*

Tunc nomen latè clarum Iordanis ad auras  
 Adtollent montes: Iordanem maxima circum  
 Aequora, Iordanem sylvaq; amnesq; sonabunt.  
 Illa autem humanis quamuis latura ruinis  
 Auxilium, sinemq; dies, gratissima quamuis  
 Urbibus adueniat, totumq; optanda per urbem:  
 Fluminibus tamen, & nostris felicior undis  
 (Siqua fides, siqua est veri prudentia Proteo)  
 Ostendet rosos stellis ridentibus ortus.  
 Quàdoquidem non diuitias, non queret honores  
 Ille patris decus, ac virtus, mortalia postquam  
 Membra sibi, & fragileis ià sponte induxerit artus:  
 Non sceptrum inuadet Cypri: non Cassia regna  
 Diripiet: non exuujs Babylona superbam  
 Eruet: aut alto scandet Capitolia curru,  
 Militibus circum, & lato comitante senatu.  
 Sed maris undisoni tractus: & littora longe  
 Curua secans, media socios sibi queret in acta:  
 Dispersosq; mari nautas, nudosq; colonos  
 Undarum, sinuosa fretis iactare paranteis  
 Retia, vexatas aut iam reparare sagenas  
 Sollicitos, patris ad solium, ac sua tecta vocabit.  
 Atq; ollis ius omne, potestatemq; medendi  
 Adyiciet: pelient morbos, denteiq; retundent  
 Vipereos, Orciq; acies, ac monstra fugabunt.  
 Quin & custodes foribus radiantis olympi  
 Praeficiet seruare aditus, & claustra inbebit  
 Aurea: queis non vlla queat vis seua nocere  
 Eumenidum, duriq; umbrarum obsistere postes.



Tum sedes passim emeritis duodena per astra  
 Instituet: distincta suos de more sequetur  
 Turba duces, illi leges, & sancta vocatis  
 Iura dabunt, plausu sociorum, atq; agmine lati.  
 Felices: qui iam cymba, remisq; relictis  
 Alta serenati conscendent culmina cæli.  
 Præterea (si certa fides, nec vana futuri  
 Gaudia) cognatas etiam spectabimus vndas  
 Lenæos verti in latices. Ea prima Deum Rex  
 Arcana, hos primos per signa ostendet honores  
 Accepti latè imperij, mirabitur auctus  
 Lympha suos, iussa insuetum spumare capaceis  
 Per pateras, largèq; novum diffundere nectar,  
 Et mensas hilarare, & feliceis hymenæos.  
 Nec semel ille altum remis euectus in aquor  
 Cum iam frustrato socios rediisse labore  
 Accipiet, præda ingenti ditabit, & vdos  
 Squamigerum strata cumulos exponet in alga.  
 Iratos etiam fluctus, tumidasq; procellas:  
 Miscenteisq; imo turbatam gurgite arenam,  
 Iamq; superiecto mersuras aquore puppim,  
 Imperio premet increpitans. cadet arduus vnda  
 Impetus: atq; audisse minantis iussa putares  
 Eurosq; Zephyrosq; & ouanteis turbine Coros.  
 Quid loquar, ut gemino numerosas pisce cateruas,  
 Munere & exiguo Cereris, miserabile vulgus,  
 Matres, atq; viros pariter per gramina pascet:  
 Ut iam bis senis redeant fragmenta canistri?  
 Aut intempesta gradiens ut nocte per altum

Libera substrato ponet vestigia ponto:  
 Vixq; vndas sicco tanget pede? scilicet olli  
 Adnabunt blanda Nereides. humida passim  
 Sternent se freta: tum fundo Neptunus ab imo  
 Excitus, agnoscet dominum: positoq; tridente  
 Cum Phorco, Glaucq; & semifero comitatu  
 Profiliet, trepidusq; sacris dabit oscula plantis.  
 Sed quid ego exili vectus super alta phaselo  
 Cuncta sequor memorans? non si Parnasia Muse  
 Antra mihi: sacrosq; aditus atq; aurea pandant  
 Limina, sufficiam. non si mihi ferrea centum  
 Ora sonent, centumq; erato è gutture lingua  
 Vocibus expument agitantem pectora Phæbum:  
 Laudatos valeam venturi principis actus  
 Enumerare, nouoq; amplecti singula cantu.

Hæc senior quondam felici pectore Proteus  
 Vaticinans (vt foriè meo diuenterat antro)  
 Premonuit: nunc euentus stat signa futuri  
 Expectare. Nitor roseo sed fulsit ab ortu  
 Clarior: & radijs dux præuia matutinis  
 Oceani procul extremo se littore tollit  
 Exorients Aurora: sinusq; induta rubentis,  
 Ante diem citat auricomos ad frana iugaleis.  
 Et iam consuetis tempus me currere ripis  
 Vndantem, magnosq; lacus, & prata secantem  
 Vorticibus. Viden' vt nostros agit impetus amneis?  
 Iordanemq; vocat tumidarum murmur aquarum?  
 Sic fatus, confestim humeris circumdat amictus  
 Insolitos: quos pulchra vdis neuere sub antris

Naiades

*Naiades; molli ducentes stamina musco,  
 Sidonioq; rudeis saturantes murice telas,  
 Aurea consperso variarunt sidera limbo:  
 Atq; ita se tandem currenti reddidit alueo  
 Spumeus, & motas aspergine miscuit undas.  
 Haecenus o superi partus tentasse verendos  
 Sit satis. optatam poscit me dulcis ad umbram  
 Pausilypus, poscunt Neptunia littora, & rdi  
 Tritonēs, Nereusq; senex, Panopeq;, Ephyreq;,  
 Et Melite: quaq; in primis mihi grata ministrat  
 Ocia, Musarumq; cauas per saxa latebras,  
 Mergillina: nouos fundunt tibi citria flores,  
 Citria Medorum sacros referentia lucos:  
 Et mihi non solita neçtit de fronde coronam.*

F I N I S.

A C T I I S Y N C E R I S A N N A -  
 Z A R I I D E M O R T E C H R I S T I  
 Domini ad mortales  
 Lamentatio.



*I quando magnum mirati surgere  
 Solem*

*Oceano, & toto flammās diffun-  
 dere cælo:*

*Certatimque suo terras ambire  
 meatu*

*Noctiuagā Phæbē præcinctam cornibus aureis:*

*Aeternosq; astrorū igneis, cæliq; micanteis*

d 3 Scin



*Scintillare oculos: aliquem dare iura putasti,  
 Atq; polo regnare hominum, rerumq; parentem,  
 Cui mare, cui tellus: cui pareat arduus æther,  
 Cuncta supercilio qui temperet: hunc simul agri  
 Mortales (si vestra dolor præcordia tangit)  
 Adspicite immiti traiectam pectora ferro,  
 Pectora, sædatisq; manus, persusaq; tabo  
 Ora, cruentatumq; caput, crineisq; reuulsos,  
 Adspicite, & plenos lacrymarum fundite rivos.  
 Heu scelus, heu crudele nefas: iacet alius olympi  
 Rector: & amisso torpent elementa magistro.  
 Quin etiam vacuum adsueto sine pondere cælum  
 Nutat, & ipsa suum querunt solia aurea regem.  
 Quem diuersa procul sæuo cum crimine tellus  
 Ignotum populis caput, & miserabile corpus  
 Sustinet, exanguisq; sinu complectitur artus,  
 Et tremefacta, graueis testatur murmure questus.  
 Testatur Sol ipse suum sub nube dolorem  
 Iam latitans, atraq; notans ferrugine frontem.  
 Tu quoq; deformensq; genas, pallentiaq; ora  
 Contegis, inferiasq; tuo das Luna Tonanti,  
 Auratum flauo tondens de vertice crinem,  
 Et lacrymas vultu fundens in nocte repenteis.  
 Nec minus abruptis fama est exisse sepulcris,  
 Perq; vias errasse nouis simulacra figuris!  
 Excitâsq; umbras, medias vlulasse per vrbeis  
 Sub noctem, & notos questu implensse penateis.  
 Quid? non & pelagi rabies ad tollere fluctus  
 Immaneis visa est: montesq; euoluere aquarum,*

Deie

*Deiectura vrbeis, terrasq; haustura profundo?*  
*Cum simul & caput vndisonis emersus ab antris*  
*Ceruleus Triton rauco super æquora cornu*  
*Constreperet, nautasq; horrenda voce moneret*  
*Natura cecidisse patrem, regemq; deumq;.*  
*Hæne manus vasti iunxerunt fœdera mundi?*  
*Harũ opus est, quodcũq; iacet, quodcũq; mouetur?*  
*Quicquid vbiq; parens rerum Natura gubernat,*  
*Frugiferens tellus, sætumq; animantibus æquor,*  
*Vitalisq; aër, atque ignibus æthra coruscis?*  
*Et nunc (proh facinus, quantum potuere nocetum*  
*Flagitia!) immensis dant peruia vulnera clauis,*  
*Liuentisq; atro fœdant squallore lucertos.*  
*Hæu caput indignum spinis, venerandaq; cælo,*  
*Et toties clara stellarum impexa corona*  
*Cæsaries: hæu pectus hians: conuulsaq; dira*  
*Barba manu: tunsiq; artus: & frigida membra.*  
*Vosne pedes cælum premere, & vaga sidera sueti,*  
*Fulgentesq; domos superum, sublimia tecta.*  
*Tam seuæ immaneis perpeffi cuspidis ictus,*  
*Et terram, & duras sparsistis sanguine cauleis?*  
*Nec trepidat mens ceca hominũ? Quæ iãa tenaci*  
*Durities in corde riget? num nigra videris*  
*Tartarus, tot claris hominum viduata trophæis,*  
*Desertasq; in nocte domos, & tristia regna?*  
*Feliceiq; animas letum Pæana canentis*  
*Pone sequi regem, & cælo insedisse sereno?*  
*Quid si non tantos subiisset sponte labores,*  
*Humanamq; sua pensasset morte salutem*

Ille sator rerum, & summi mens certa parentis,  
 Qui nutu ingenteis mundi moderatur habenas?  
 Ut tandem intactos picea Phlegethontis ab unda  
 Post obitum aeternæ donaret munere lucis,  
 In partemq; suorum operum, regniq; vocaret:  
 Tanti amor generis seruandi, & gloria nostri.  
 Quare agite, ex animis mortales pellite vestris,  
 Siquid adhuc manet antiqua de sorde relictum:  
 Mendacisq; deos, & detestanda priorum  
 Sacra profanatis tandem detrudite ab aris.  
 Imbuat effuso terram nec sanguine taurus:  
 Nec miser ille sua diuulsus ab ubere matris  
 Ignotos agnus balet super hostia cultros.  
 Vinat ovis, viuat quicquid sub sole creatum est.  
 Mentè, animūq; Deo, non thura, aut exta parate.  
 Has illi pecudum fibras, hæc reddite dona.  
 Cernitis, ut prouum flectat caput? ut pia pandat  
 Brachia? & ingratas vocet ad sua vulnera gēteis?  
 Oblitasq; viæ moneat meminisse relictæ,  
 Scilicet amplexus non reiecturus amicos?  
 At vos obtusas ignari auertitis aureis,  
 Infelix genus, & jœuæ ludibria mortis:  
 Nec, quanta à tergo iam instent tormēta, videtis.  
 Tempus erit, cum vestra illū commissa notantem,  
 Multantemq; reos, altaq; in nube sedentem  
 Adspicietis: & horrentis tremor opprimet artus.  
 Nec iam ferre oculos flammarum ardore coruscōs,  
 Aut timidos acie vultus contendere contrā  
 Audebit qui, quam sibi conscius. Ibit in igneis  
Turba



*Turba nocens: fonteisq; exoluet corpore pœnas:  
 Pallentisq; eternum amneis, vastasq; lacunas  
 Cocyti colet: & furias horrescet hiantes:  
 Atque animum monitis non intendisse pigebit.  
 Tunc vos exacte capient mala tædia vite  
 Experteis cæli, atque aura sub nocte profunda:  
 Inq; caput trifidos nequicquam optabitis igneis:  
 Et frustra erectas tolletis ad æthera palmas.  
 Quos superum cætus, & fortunata piorum  
 Agmina vix lacrymis poterunt spectare retētis,  
 Inuidia stimulis, dirisq; vlttricibus actos.  
 Ergo vitaleis miseri dum carpitis auras,  
 Dum compos mēs ipsa sui est, dum certa facultas,  
 Dum ratio, tempusq; sinunt: simul ite frequentes,  
 Ite pī, veniam factis exposcite vestris:  
 Ite, animos purgate, Orciq; inhibete rapinas:  
 Et tandem patrio mentem conuertite cælo.  
 Sic rex ille hominum vacui spoliator *Auerni*,  
 Oblitus scelerum, cognata stirpis amore,  
 Promissi q; memor, menteis intrabit amicas,  
 Vestra q; posthabitis recolet præcordia templis,  
 Postq; tot exhaustos vita q; oblitusq; labores,  
 Illo quo pluvias, quo pellit nubila vultu,  
 Ablutos labe excipiet, letusq; reponet  
 Sidereos inter procures, sanctumq; senatum,  
 Sub pedibusq; dabit stellantia cernere claustra.*

FINIS.

d s ACT



IRABAR, vicina Mycon per lit-  
tora nuper

Dum vagor, expectoq; leues ad pa-  
bula thynnos,

Quid tantū insuetus streperet mi-  
hi cornus, & vda

Per scopulos passim fulica, p̄rqs antra reposta  
Tristia flebilibus complerent saxa querelis:

Cū iam nec curuus resiliaret ab equore delphin,  
Nec solitos de more choros induceret vndis.

Ecce dies aderat, charam qua Phyllida terra  
Condidimus, tumuloq; pius defleuimus umbras

Alī miseri: & posthac nec tristes linquim⁹ auras:

Nec dubitat sanus solatia ferre Pylemon.

MY. Scilicet id fuerat, tota quod nocte vaganti

Huc illuc, dum Pausilypī latus omne pererro,

Piscosāmqs lego celeri Nesida phaselo:

Nescio quid queruli gemerent lacrymabile mergi.

Phyllis ad inferias, Phyllis (si credimus) illos

Ad gemitū, ō Lycida, tumuliq; ad sacra vocabas.

LY. Eheu chare Mycon, qualis spectacula pompe  
(Nunc recolo) quas ipse manus, quare ora notavi

His oculis: his inquam oculis qua fœdera vidi

Infelix

*Infelix: nec me tandem dolor improbus egit  
In scopulos, in saxa, rogoue absumpsit eodem  
Ignea vis, vel saltem aliquis Deus equore merfit.*

*M Y. O Lycida Lycida: nōne hoc felicius illi  
Euenisse putas, quā si fumosa Lycote*

*Antra, vel hirsuti tegetem subisset Amyntas  
Et nunc heu viles hamo sibi quæreretur escas:*

*Aut tenui laceras sarciret vimine nassas.*

*Sed tu, siquid habes veteres quod lugeat ignes,*

*Quod manes, cineresq; diu testetur amatos:*

*Incipe: quandoquidem molles tibi litus arenas*

*Sternit, & insani posuerunt murmura fluctus.*

*L Y. Immo hec quæ cineri nup properata parabā.*

*Carmina, ab extremo cum iam caua littora portu*

*Prospicerem, & niuei venerater saxa sepulcri:*

*Incipiam, tu coniferas ad busta cupressus*

*Sparge manu, & viridi tumulis supintege myrto.*

*M Y. En tibi carulei muscū equoris, en tibi cōchas*

*Purpureas, necnon toto quæ sita profundo,*

*Et vix ex imis euulsa corallia saxis*

*Adferimus. tu solennes nunc incipe cantus:*

*Incipe, dum ad solem Baianus retia Mylcon*

*Explicat, & madidos componit in orbe rudentes.*

*L Y. Quos mihi nūc, diuæ, scopulos, quæ pāditiis an-*

*Nereides! quas tu secreti litoris herbas* (tra

*Glauce pater, quæ mōstriferis mihi gramina succis*

*Ostendes nunc Glauce! quibus tellure relictæ,*

*Ah miser, & liquidi factus nouus incola ponti.*

*Te sequar in medios mutato corpore fluctus,*

**Et**



Et feriam bifida spumantia marmora cauda!  
 Nam quid ego (heu) solis vitā sine Phyllide terris  
 Exoptem miser? aut quidnam raptā mihi luce,  
 Dulce putē? quidve hic sperē? quid iā morer ultra  
 Infelix? an vt hac vili proiectus in alga,  
 Arenteis tantum frutices, desertaq; cernam  
 Littora, & ingrato iactem mea verba sepulcro?  
 Scilicet hos thalamos, hos felices hymenaeos  
 Concelebrem? sic sperata mihi gaudia tede  
 Dat Venus? ambiguos sic dat Lucina timores?  
 Quis mihi quis te te rapuit dulcissima Phylli,  
 Phylli meae quondam requies spesq; vnica vita,  
 Nunc dolor, eternusq; imo sub pectore luctus.  
 Non licuit tecum optatos coniungere somnos,  
 Dulcia nec primae decerpere dona iuuenta,  
 Aut simul extremos vitam producere in annos.  
 Nūc te (qs credat?) lapis hic habet: et mihi nusq; es,  
 Nusquam terrarum Phyllis: sed fabula, & vmbra  
 Frustrantur miseras per dira insomnia noctes.  
 Me miserum: qua te tandem regione requiram?  
 Quare sequar? per te quōdā mihi terra placebat,  
 Et populi, lataq; suis cum manibus vrbes:  
 Nunc iuuat immensi fines lustrare profundi,  
 Perq; procellosas errare licentius vndas  
 Tritonum inmixtum turbis, scopulosaq; Cete  
 Inter, & informes horrenti corpore Phocas;  
 Quō nunquā terras videam. Iam iā illa tot annis  
 Culta mihi tellus, populiq; vrbesq; valete:  
 Littora chara valete: vale simul optima Phylli.

Nos tibi, nos liquidis septem pro fluctibus aras  
 Ponemus: septemq; tibi de more quotannis  
 Monstra maris magni vitulos mactabimus hirtos:  
 Et tibi septenis pendebunt ostrea fertis,  
 Ostrea muricibus variata, albisq; lapillis:  
 Hic tibi Nisæ, & flavos resoluta capillos  
 Cymodoce, mitisq; pia cum matre Palemon,  
 Et Panope, & Siculi custos Galatea profundis  
 Solenneis nectent choreas, & carmina dicent:  
 Quæ Proteus quondam diuino pectore vates  
 Edocuit, magni cum funera fletet. Achillis,  
 Et Thetidis luctus consolaretur amarus.  
 At tu siue altum felix colis æthera, seu iam  
 Elysios inter manes, cætuq; verendos  
 Lethæos sequeris per stagna liquentia pisces,  
 Seu legis æternos formoso pollice flores,  
 Narcissumq; crocumq; & viuacis amaranthos,  
 Et violis teneras misces pallentibus algas:  
 Adspice nos mitisq; veni, tu numen aquarum  
 Semper eris, semper letum piscantibus omnem.  
 Vt nymphis, Nereosq; ut, flavicomæ Amphitrite,  
 Sic tibi victrices fundent libamina cymbæ.  
 Interea tumulo supremum hoc accipe carmen,  
 Carmen, quod tenui dum hæctit arundine linum,  
 Piscator legat: & scopulo suspiret ab alto.

In gremio Phyllis recubat Sirenis amata.

Consurgis gemino felix Sebethæ sepulcro.

MY. Dulce sonat Lycida tua carmina: nec mihi ma  
 Halcyonū lamēta, aut vdo in gramine ripa. (lim.

Prop

Propter aquam dulces cynorum audire querelas.  
 Sed tu: sic faciles vicina Megeria semper  
 Sufficiat conchas: sic proxima Mergilline  
 Ostrea, saxosæq; ferat tibi rupis echinos:  
 Quædoquidem nox obscuras iam distulit umbras.  
 Necdum permensus cælum Sol: incipe rursus,  
 Atq; itera mihi carmè. Habent iterata leporem.  
 LY. Ne miserû ne coge Mycõ. sat lumina, sat iam  
 Exhausta maduere genæ. dolor (adspice) siccas  
 Obduxit fauces: quatit & singulibus imum  
 Pectus: anhelantemq; animã vox agra relinquit.  
 Et tamen hæc aliàs tibi nos, & plura canemus,  
 Fortasse & meliora, aderit si Musa canenti.  
 Quin & veliferis olim hæc spectanda carinis  
 Seu Prochyta, seu Miseni sub rupæ patenti  
 Inscribam, grandæq; notas ferrugine ducam:  
 Preteriens quas nauta mari percurrat ab alto:  
 Et dicat: Lycidas, Lycidas hæc carmina fecit.  
 Sed quoniam socj passim per littus ouantes  
 Expectant, poscuntq; tuas ad retia vires:  
 Eia agè iam surgamus. ego hæc ad busta sedebo.  
 Tu socios inuise: escas nam quarere tempus:  
 Et tibi nunc vacuæ fluitant sine pondere nasse.

## ECLOGA SECUNDA

G A L A T E A.

**F**orte Lycon vacuo fessus confederat antro  
 Piscator, quæ se scopuli de vertice lato  
 Ofsentat pelago pulcherrima Mergilline.

Dumq;



Dumq; alij notosq; sinus, piscosq; circum  
 Aequora collustrant flammis, aut linea longe  
 Retia, captiuosq; trahunt ad littora pisces:  
 Ipse per obscuram meditatatur carmina noctem.  
 Immitis Galatea: nihil te munera tandem,  
 Nil nostrae mouere preces? verba irrita venis  
 Fudimus: & vanas scopulu impigimus vudas.  
 Adspice, cuncta silent, Orcas, & maxima Cete  
 Somnus habet, tacite recubant per littora Phoca.  
 Nō Zephyri strepit aura: sopor su<sup>9</sup> humida mulcet  
 Aequora: sopito conniuent sidera cælo.  
 Solus ego (hei misero) dum tristi pectore questus  
 Nocte itero, somnum tota de mente fugavi,  
 Nec tamen vlla mea tangit te cura salutis.  
 At non Praxinoë me quondam, non Polybota  
 Filia despexit, non diuitis vxor Amynte,  
 Quamuis culta sinu, quamuis foret alba papillis.  
 Quin etiā Aenaria (si quicquam credis) ab alta  
 Sepe vocor. solet ipsa meas laudare camænas  
 In primis formosa Hyale: cui sanguis Iberis  
 Clarus auis: cui tot terra, tot littora parent:  
 Quæq; vel in medijs Neptunum torreat vndis.  
 Sed mihi quid profunt hæc omnia, si tibi tantum  
 (Quis credat Galatea?) tibi si deniq; tantum  
 Displiceo? si tu nostram crudelis auenam  
 Sola fugis? sola & nostros centemnis amores?  
 Ostrea Miseni pendentibus eruta saxis  
 Mille tibi misi: totidem sub gurgite vasto  
 Pausilypnus, totidem vitreis Euphœa sub vndis

Seruat

Servat adhuc plureis Nesis mihi servat echinos,  
Quos nec vere nouo folijs lentiscus amaris  
Inficit, aut vacuae tenuant dispendia Luna  
Præterea mihi sub pelago manus apta legendis  
Muricibus: didicit Tyrios cognoscere succos:  
Quoq; modo plena durent conchylia testa.  
Quid refugis? tingenda tibi iam lana paratur,  
Qua niteas, superesq; alias Galatea puellas:  
Lana maris spumis quæ mollior, hanc mihi pastor  
Ipse olim, dedit hanc pastor Meliseus, ab alta  
Cum me fortè senex audisset rupæ canentem:  
Et dixit, puer ista tuæ sint præmia Muse,  
Quandoquidem nostra cecinisti primus in acta.  
Ex illo in calathis seruauit, ut mittere possem.  
Sed tu (nequa mihi superet spes, nequa futuri  
Conditio Galatea) manum mihi dura negasti.  
Hoc est, hoc, miserum quod perdidit, ite Camæna,  
Ite procul, spreuit nostras Galatea querelas.  
Scilicet exigua videor quòd nauita cymbæ,  
Quodq; leues hamos, nodosaq; retia tracto,  
Despicis: an patrio non hoc quoq; littore Glaucus  
Fecerat? æquoreæ Glaucus scrutator arena?  
Et nunc ille quidè tumidarum numen aquarum.  
Sed nec, quæ nimium vel me sic falsa fatigat,  
Fabula te moueat Lyda. licet illa puellis  
Iactet, nescio quas mihi se misisse corollas:  
Non me Lyda tamen, non impulit, æquora testor,  
Nereidasq; omnes si fallo, naufragus illas  
Experiar, salfosq; bibam sub gurgite fluctus.

*Hæu quid agā? externas trans pontum querere  
terras*

*Iā pridem est animus: quò nūquam nauita, nūquā  
Piscator veniat: fors illic nostra licebit*

*Fata queri. Borea extremo damnata sub axe  
Stagna petā, & rigidis nunquā non cana pruinis?*

*An Libya rapidas, Austrīq; tepentis arenas,  
Et videam nigros populos, Solēmq; propinquum?*

*Quid loquor infelix? an non per saxa, per ignes,  
Quò me cunque pedes ducent, mēs agra sequetur?*

*Vitantur venti: pluuia vitantur, & astus:*

*Non vitatur amor, mecum tumuletur oportet:*

*Iam saxo me ex illo demittere in vndas*

*Præcipitem iubet ipse furor. Vos ô mihi Nymphæ,*

*Vos maris vndisoni Nymphæ præstate cadenti.*

*Non duros obitus, seuāsq; extinguere flammæ.*

*Scilicet hæc olim, veniens seu littore curuo*

*Caietæ, seu Cumarum naualibus altis*

*Dum loca transibit, raucus de puppe magister*

*Hortatus socios, dextrum deflectite, dicet,*

*In latus ô socij dextras deflectite in vndas:*

*Vitemus scopulos infameis morte Lyconis.*

*Talia nequicquam surdas iactabat ad auras*

*Infelix piscator, & irrita vota fouebat:*

*Cùm tandem extremo veniens effulsit ab ortu*

*Lucifer, & roseo persundit lumine pontum.*



## ECLOGA TERTIA

M O P S V S.

CELADON, MOPSVS, CHROMIS, IOLAS.

**D** Ic mihi (nam Baulis, verum rettulit Aegō,  
 Bis senos vos, Mopse, dies tenuere procella)  
 Quid tu, quid Chromis interea, quid vester Iolas,  
 Dum Notus insultat pelago, dū murmurat vnda,  
 Ecquid desertis vacui lussistis in antris?  
 MOP. Quid nostra facerent ingrata per ocia musae  
 O Celadon? neq; tum conchas impune licebat  
 Per scopulos, non oestipedes tentare Paguros.  
 Iam fragilem in sicco munibant saxa phaselum:  
 Raraq; per longos pendebant retia remos,  
 Ante pedes cistaq; leues, hamiq; iacebant:  
 Et calami, nasseq; & viminei labyrinthi.  
 Tum Chromi Inarimē spectās, his, inquit, ab oris  
 (Ah dirum exilium) nostra soluere carinae:  
 Cū regem post bella suum cecitata iuuentus  
 Ignotis pelagi vitam committeret vndis.  
 Quae tamē (vt fama est) Ligurū per saxa, per altas  
 Stechadas emicuit: Rhodaniq; inuecta per amnem  
 (Nā benē si meminī, Rhodanū referebat Amilcō)  
 Oceani madidas vidit refluētis arenas,  
 Et quae caruleos procul adspicit ora Britannos,  
 Quā (nisi vana ferunt) quoties maris vnda resedit,  
 Indigenae captant nudos per littora pisces.

Ne Chromi, ne luctus renoua, respondit Iolas:

Sat

Sat tuus hæc nobis Lucrini nuper ad vndam  
 Narravit Lycabas: Solem se scilicet illis  
 Trans fluctus, trans & nubes vidisse cadentem,  
 Haud aliter, quàm si nostris è montibus illum  
 Caieta adspiceret longe post littora ferri:  
 Et strepitum sensisse ruentis ab æthere currus.  
 Præterea mores populorum, vrbesq; locoq;  
 Exposuit, quernasq; domos, & lignea tecta.  
 Addidit, & varias (heu barbara nomina) gentes:  
 Bellouacos, Morinosq;: & quos quis dicere possit?  
 Tarbellos: latis errare & flamina campis:  
 Nescio quem Ligerim tectis se inasse carinis.  
 Sed mea nunc alia poscunt sibi pectora curæ.  
 Tu modo si quid habes (et te quoq; Chloridis ardor  
 Excruciat) scopulo hoc mecum meditare vicissim.  
 Audiet, & gracile percurrat Mopsus auenam.  
 Sic illi: ast ego nil contrà, sed quæ mihi collo  
 Garrula pèdebat, manibus tunc sùpta cicuta est:  
 Scilicet alternos conabar arundine versus  
 Excipere, alternis nam dicere vterq; parabat.  
 Nec mora, ià Chromis hos, hos & referebat Iolas.  
 CHR. Nereïdes pelagi sacrû genus, aut mihi vestris  
 Munera ferte vadis, durâ quæis Chlorida placem:  
 Aut, si muneribus flecti nequit, æquorè toto  
 Quarile, qua nostrum sanet medicina furorem.  
 IOI. Sirenes mea cura, audite hæc vltima vota.  
 Aut renocet iam Nisa suum, nec spernat Iolam,  
 Aut videat morientè. Hæc saxa impulsa marinis  
 Fluctibus, hæc misero vilis dabit alga sepulcrum.

CHR. *Qualis trāquillo quæ labitur æquore cymba  
Cum Zephyris summa crispantur leniter vnda,  
Tuta velat, ludiq; hilaris per transtra iuuenius:  
Talis vita mihi, mea dum me Chloris amabat.*

IOL. *Adspicis, irata feriant vt saxa procellæ:  
Vt validis imæ Choris turbentur arenæ.*

*Iam scopulis furit vnda, tremit iā terra tumultu.  
Fallor, an hæc ipsa est Nisæ indignantis imago?*

CHR. *O Proteu pastor liquidi maris, ô pater, ô rex,  
(Quandoquidem insanos odistis numina fastus)  
Quære Piæhecusas tu, cui licet, atque superba  
Dic Hyale, falsum te pascere monstra per æquor.*

IO. *Ille habet, ille meos scopul<sup>9</sup> mihi seruat amores,  
Qui propior terræ est: illum pete Glaucæ natatu:  
Néve manus duri contemnat Nisæ mariti,  
Dic te squamigeras traxisse ad littora prædas.*

CHR. *Est Veneri Cypros gratissima, Creta Tonā-  
Iunoniq; Samos, Vulcano maxima Lemnos: (ti,  
Aenariæ portus Hyale dum pulchra tenebit,  
Nec Samos Aenariā vincet, nec maxima Lēnos.*

IOL. *Gradiuus Rhodopē, & Mercurius Cyllenē,  
Ortygiam Phæbe, Tritonia iactat Hymetton:  
Nisæ colit Prochyte: Prochytes si cōmoda norint,  
Ortygiam Phæbe, Tritonia linquet Hymetton.*

CHR. *Hic spec<sup>9</sup>, hic rupes, texedīsque optima nassīs  
Vimina sunt, iunci, densæque per auia myrtus:  
Si mihi nunc Pholoë, vel tantum Chloris adesset,  
Quàm benè pugnaces possem contemnere ventos!*

IOL. *Nulla mihi sine te ridet loca, displicet æquor,  
Sordet*



*Sordet terra, leues odi cum retibus hamos.*

*At si aderis tu Nisa, placebunt omnia: letus*

*Tunc ego vel Libycis degam piscator arenis.*

CH. *Dat Rhöbos Sinuessæ, Dicarchi littora Pagros*

*Herculeæ Mullum rupes, Synodötæ Amalphis:*

*Parthenope teneris scatet ambitiosa puellis:*

*Quis mihi nunc alias scrutari suadeat algæ?*

IOI. *In fluuijs Magil versatur, Sargus in herbis,*

*Polypus in scopulis, medijs Melanurus in vndis:*

*Ante tuas mea Nisa fores ego semper oberro:*

*Quæ mihi det tales incundior insula portus?*

MOP. *Hactenus ô Celadô resonis sub rupibus illos*

*Inter se vario memini contendere cantu,*

*Horrida ventosi ridenteis murmura ponti:*

*Qui tamen & laudes, & munera digna tulere*

*Carminibus, sed quæ nequeat contemnere Triton:*

*Hic, quam Circeio nudus sub gurgite cepi*

*Natiuis concham maculis, & murice pictam;*

*Ille recurvato nodosa Corallia trunco.*

## FERDINANDO FEDERICI

Regis F. Aragonio, Calabriae Duci,

ecloga quarta.

### PROTEVS.

**N**unc primùm notas velis maioribus vndas

*Carrim? ô Nymphæ Craterides: ordine quæ*

*Suadet amor, chara primos telluris honores (do*

*Dicere: cerulea magni Crateris alumna.*

*Telluris primos charæ dicamus honores,  
Dum radijs feruens medium sol excoquit equor.*

*Tu verò patria iuuenis decus, edite cælo,  
Spes generis tanti: sen te nimbosa Pyrene  
Pro dulci Latio, pro nostris detinet aruis:  
Seu uagus obiecto munimine claudit Iberus,  
Rumpe moras: nec te latis Hispania regnis  
Adliciat stirpisue tue primordia, & ille  
Gentis honos: licet effuso Tagus impleat auro,  
Et pater Oceanus spumanti perluat unda.  
Nam mihi, nam tēpus veniet, cum reddita sceptrâ  
Parthenopes, fractosq; tua sub cuspide reges  
Ipse canam: nunc littoream ne despice musam.  
Quam tibi post sylvas, post horrida lustra Lycei  
(Si quid id est) salsas deduxi primus ad undas,  
Ausus inexperta tentare pericula cymba.*

*Quæ vada nō norūt, quis nescit Protea portus?  
Illum olim veteris pascentem ad saxa Minervæ,  
Mulcentemq; suas diuino carmine Phocas,  
Et puppi sensere Melanthius & Phrasidamus,  
Vt fortè à capreis obscura nocte redibant:  
Sensere & vario delphinâs ludere cursu,  
Tritonumq; choreis longe fœta pulsa sonare.  
Ipse autem, haud quâquam mortali digna referri  
Verba sono, vacuas letus cantabat ad auras:  
Tërrigena vt quondam matrî de rētre Tiphœus  
Exiliens, infanda deos ad bella vocasset:  
Vt fratrum primus, furij, & hiantibus hydris  
Instructus, densas dūctauerit ipse cateruas:*

Ut nisu ingenti parteis de monte reuulsas  
 Aenariam, Prochytenq; altis immiserit astris,  
 Ac totum subito cælum tremefecerit ictu:  
 Tum pater haud segni molitus fulmina dextra  
 Immaneis acies deiecerit, atq; trophæum  
 Iusserit ardenteis testari sulfure Baïas,  
 Quod gens victa illis lauisset vulnera lymphis.

Hinc magni Alcide tauros, stratūq; profundū  
 Aggeribus memorat, ductāq; per oppida pōpam.  
 His veteres addit Cumas, loca cognita Phæbo,  
 Vatis & horrendæ lucos, Triuiāq; recessus:  
 Cimmeriūmq; domos, & opaca in vallibus antra.

Te quoq; formosæ captum Nesidos amore  
 Pausilype irato compellat ab equore questu.  
 Ah miser, ah male caute, tuæ quid fata puelle  
 Adcelerās? cupit in medios euadere fluctus  
 Infelix: cupit insuetum finire dolorem.

At tibi nec cura est, quod eā Neptuniam mōstra  
 Circunstent, mare nec rapido quod sorbeat aestu.  
 Ah miser, ah male caute, vltā quid brachia tēdis?  
 Siste gradum, riget illa iugis adsueta niuosis  
 Venatrix: quam mille fera timuere sequentem  
 Per saltus, vos hanc Panope, vos cādida Dyrmo,  
 Cymoithoēq;, Rhoēq;, Pherusaq;, Dinameneq;  
 Accipite, & vestris sociam lustrate chorēis.

Tum canit antiquas sedes, opulentaq; regna  
 Auricome Sirenis, & altum in mōte sepulcrum,  
 Sacraq;, Chalchidicosq; deos magnisq; per equor  
 Auspicijs rectas hæc ipsa ad littora classēs.

e 7 Tum



Tum liquidos fonteis subter caua mœnia ducit,  
 Adtollitq; arceis, & culmina montibus equat  
 Tectorum: vastas protendit in æquora moleis,  
 Eupleamq; procul trepidis dat cernere nautis,  
 Atque Pharon iungit scopulos, præruptaq; saxa  
 Theleboûm, Sarniq; amneis, & pingua culta.

Tū canit, vt Corydona sacro Meliseus in antro  
 Viderit, & calamos labris admouerit audax:  
 Formosum quibus ille olim cantarat Alexin,  
 Dixerat & musam Damonis, & Alpheſibæi:  
 Queis fretus, dictante dea, tot sidera nobis  
 Prodiderit, tantas cœli patefecerit oras.

Quid referā aut Stabias, aut q̄ tenuisse canoris  
 Virginibus fama est abeuntes saxa carinas?  
 Aut vt terrifici sonitus, ignemq; Veseni,  
 Et desolatas passim defleuerit vrbeis?  
 Postremo reges, regnumq; ex ordine pugnas  
 Enumerat: belliq; artes, & præmia narrat:  
 Addit tristia fata, & te, quem luget ademptum  
 Italia infelix (siue id grauis ira deorum,  
 Seu sors dura tulit) trans altas euehit Alpeis.

Mox agit Oceani prope littora: denique sistit  
 Spumâtem ad Ligerim, paruaq; includit in vrna.

Heu! Cortè miserandâ, heu pectora caca futuri.  
 Hæcine te fessum tellus extrema manebat  
 Hospitijs, post tot terraq; marisq; labores?  
 Pone tamen gemitus: nec te monumenta parentū,  
 Aut moneant sperata tuis tibi funera regnis.  
 Grata quies patriæ: sed & omnis terra sepulcrū.

Hæc

*Hæc ille, & quæ vix audita prioribus annis  
 Heroum longæua queat meminisse vetustas  
 Commemorat. socio respondent æquora plausu:  
 Luna suam donec paulatim fundere lucem  
 Cæpit, & ad vitreas redierunt numina sedes.*

CASSANDRAE MAR-  
 chesiæ, mulieri præstantiss.  
 egloga quinta.

HERPYLIS PHAR-

MACEVTRIA.

DORYLAS, THELGON.

**S**ed iam vulgatos & nos referamus amores:  
 Quos pariter grata scopuli pendentis in umbra  
 Hinc Dorylas, hinc Theleboi maris adcola Thelgō  
 Certantes docuere: quibus caua littora, & ipse  
 Aequoreus Platamō, sacrūq; Serapidis antrum  
 Cum fonte, & Nymphis adsultauere marinis.  
 Tu mihi, seu doctas percurris Palladis artes,  
 Meoniaq; aurū, & subtegmina vincis Arachnes;  
 Seu Dryadum choreis, cætuq; immista Diana  
 Haud minor incedis: pictaq; adcinctæ pharetra  
 Venatu Prochyten, maternaq; regna, ætigas:  
 Siue Dicarcheis quā molibus adsilit equor,  
 Ludentis spectas Nereidas: en agē nostros  
 (Siquis honos pelagi) Cassandra en adspice lusus.  
 Non ingrata cano, penitusq; iniussa. Neq; unquā  
 Arguerint ventura meū te secula charis

e 5 Præterit

*Præteritam, faueat modo non inuitus Apollo,  
Et quæ me facili vexere per æquora remo  
Pierides: quæis longa dies, & nomina curæ.*

*Interea Dorylam iuuet hic audire canentem.*

*DOR. Sebethi ad liq̃las descēderat Herpylis ūdas,  
Herpylis Euboidis non vltima: quā pater Alcon  
Erudyt, Musis & Phæbo cognitus Alcon.*

*Venerat, & socij partem subitura laboris  
Vnanimis soror, & calathum de more ferebat  
Ipsa comas effusa, pedemq; exuta sinistrum  
Cū philtris longum submurmurat: atq; ita fatur:*

*Pone aram, & viuos hauri de fluminis rores,  
Canaq; vicino decerpe absinthia campo.*

*Illum illum magicis conabor adurere sacris,*

*Qui miseram tota spoliata mente reliquit.*

*Voluite præcipitem iam nūc mea licia rhombū.*

*Rhōbus ad Aemonias reuocetur athenæus arteis:*

*Sistere qui pluuias, qui pellere nubila cælo,*

*Qui potis est trepidos vndis abducere pisces.*

*Voluite præcipitem mea licia voluite rhōbum.*

*Alga tibi hac primum tumidi purgamina ponti*

*Spargitur, & rapidis absimitur arida flammis:*

*Sic mihi sic Maon vraris adusq; medullas.*

*Voluit præcipitem, iā nunc mea licia rhōbum.*

*Ter muscū Clearista, ter hūc sine forcipe cancrum*

*Vre simul, cumq; his dic, viscera Maonis vro.*

*Voluite præcipitē mea licia voluite rhombum,*

*Spōgia nūc lacrymis persūdatur. henc bona magno*

*Spōgia nata mari, lacrymas bibe sedula nostras.*

*Vtq̃*



*Viq; rapis sitiens illas, sic Maonis omnem  
Maonis ingrati rapias de pectore sensum.*

*Voluite precipitem iam nūc mea licia rhombū.  
Ut pumex pinguescit, ut equoris vnda quiescit,  
Qua ventis agitata huc illuc concita fertur.  
Sed quid ego heu tristi pectus concussa dolore  
Imprecer, & vanis iactem conuitia ventis?*

*Maon tot mihi dāna, ego Maoni verba repēdam?*

*Voluite precipitem mea licia voluite rhombū.  
Huc huc, qui rigida meditaris vulnera cauda  
Saeue Trigon, & tu proprium cui sistere nauceis  
Veliferas Echenais, adeste: & Maonis acreis  
Tu retinere pedes, tu figere corda labora.*

*Voluite precipitem iā nunc mea licia rhombū.  
Tunde iecur, spumamq; simul Torpedinis atra.  
Hac ego cras illi lethalia pocula mittam:  
Ebibat, & subito pallentis torpeat artus.*

*Voluite precipitem mea licia voluite rhombum.  
Scinde manu Leporem, Leporis penetrabile virus  
Nascitur Eois hic fluctibus: adtulit Aegle,  
Docta Aegle, iussitq; inimicum tangere limen.  
Curre agē, tūge simul, simul obline. cras mihi pānas  
Perfidus ille dabit: gemit ipso in limine Maon.*

*Sistite precipitem iam nunc mea licia rhombū.  
Contere & Halcyonis nidum mihi. Pellere ventos  
Dicitur, & sauas pelagi mulcere procellas.  
Forstā hic nostros sedabit pectoris aestus.*

*Sistite precipitem iam sistite licia rhombum.  
Hacten' ille. quid huic subiūxerit ordine Thelgō,  
Accipe*

*Accipe. non omneis vnus dolor angit amanteis.*

*T H E L. Rupe sub hac mecū sedit Galatea: videbā*

*Et capreas, & qua Sirenum nomina seruant*

*Rura procul. veteres alia de parte ruinas*

*Herculis, ambusta signabat ab arce Veseus.*

*Exere caruleos Triton de gurgite vultus.*

*Ipse meas Triton Nereo deferre querelas,*

*Ipse potes curua resonans super æquora concha*

*Et scopulis narrare, & fluctuagis Baleni.*

*Exere caruleos Triton pater exere vultus.*

*Hic primos mihi congressus dedit illa roganti:*

*Hic niueam formosa manum porrexit, & (eheu,*

*Quid recolo?) tacitos in me deflexit ocellos.*

*Exere caruleos Triton de gurgite vultus.*

*Huc ades ô mea cura. quid ô quid lenta morarî?*

*Ipse ego te propter, socios, cymbamq; reliqui.*

*Exere caruleos Triton pater exere vultus.*

*Hic tibi consuetas formosior explicat umbras*

*Populus. amplector saepe hanc, atq; oscula figo*

*Corticibus: saepe ipsa pedum vestigia quero:*

*Et si quid manibus tetigisti, floribus orno.*

*Exere caruleos Triton de gurgite vultus.*

*Quem mihi nunc præfers? si te iuga frondea, si te*

*Arbura, pascentesq; iuuant per rura capelle:*

*Nos quoq; nō gracileis nunc primū iūgere auenas*

*Discimus. incisas implent mea carmina fagos:*

*Et mea Manalijs pendet iam fistula syluis.*

*Exere caruleos Triton pater exere vultus.*

*Sin magis adrident hac litora, sin magis alti*

*Dinitia*

*Diuitiæ pelagi sparsos qui cogere pisceis  
Doctior, aut rigidum dextra iactare tridentem?*

*Exere caruleos Triton de gurgite vultus.  
Non ego Delphini, te iudice, non ego Thynnīs  
Aequore vel medio dubitem certare natando.  
Quid tibi me iactem? cui vix numerare vel hamos  
Nunc vacat, aut testes, onerataq; res, iā plumbo,  
Et Sinuessano textas de vimine nassas!*

*Exere caruleos Triton pater exere vultus.  
Me Ligurum dura rupes, me Gallica norunt  
Littora piscantem pariter me Varus, & ingens  
Sensit Arar, sensere maris fera monstra Britāni.*

*Obrue caruleos Triton sub gurgite vultus.  
Et post hæc (heu) dura fugis, non te mihi tellus  
Extera, nō venti rapuere, sed accipe munus,  
Accipe: non vltà tecum Galatea sedentem  
Adspicies. I, leta nouas meditare choreas,  
Obrue caruleos Triton pater, obrue vultus.*

## TRAIANO CABANILIO

Troia, ac Montellæ

Domino.

### S A L I C E S.

**S***I vacat, & blandos etiamnum ventilat igneis  
Quæ dea carulea vehitur super aquora cōcha,  
Turrigerāq; Paphon, ditemq; Amathūta tnetur:  
Accipe flumineas properatum carnē ad vndas,  
O mihi non dubia Cabanili cognite fama,*

*Sed*



*Sed longe varios rerum spectate per usus.  
 Nam tibi me doctæ sic deuinxere sorores,  
 Sic mea felici permulcent pectora cura:  
 Vt vix illa queam melioris tempora vita  
 Te sine, vix placidos per noctem ducere somnos.  
 En agedum Traiane tuis hæc præuia iussu  
 Tractanti, iam iamq; animo maiora paranti.  
 Da veniam, & tenucis ne dedignare camænas.*

*Fortè inter virideis (si vera est fama) genistas.  
 Capripedes Satyri, passimq; agrestia Panes  
 Numina, cum Faunis, & montiuagus Sylvanis,  
 Exercet dum Sol raucas per rura cicadas:  
 Vitabant æstus, qua pingua culta vadosus  
 Irrigat, & placido cursu petit aquora Sarnus.  
 Grata quies nemorum manantibus undiq; riuis  
 Et Zephyris densas inter crepitantibus alnos.  
 Dumq; leueis aptant calamos, dum sibila pressis  
 Explorant digitis, tenuiq; foramina cera  
 Obducunt, vario modulantes carmina cantu:  
 Anricoma viridi speculantur ab ilice Nympha  
 Dulcia clarisonis soluentes ora cachinnis:  
 Sed propè ferre pedem metuunt. nam sæpe labores  
 Audierant Penæ tuos: & qualibus olim  
 Infelix eheu virgo Nonacria fatis,  
 Infelix virgo (quid enim non illa moueret?)  
 Pana metu fugiens è vertice Cyllæneo,  
 Pana deum Arcadiæ quâvis pulcherrima, quâvis  
 Diane sacros inter lectissima cætus.  
 Nodosa tenerum mutari arundine pectus.*

Quas simul ac nemorum petulans, effrenaq; pubes  
Semiferi videre per herbida prata vagantes,  
Occultamq; imis flammam traxere medullis:  
Sic timidas blandis hortantur vocibus ultro:

Huc huc ô tenere placidissima turba puellæ:  
Quid procul adstatis? potius succedite ripæ  
Et viridi in prato molles de more choreas  
Ducite: quandoquidē calamos inflammas inerteis:  
Et frustra ad surdas iactamus carmina sylvas.  
Ille nil contrā: celeri sed nuda parabant  
Crura fugæ, tutosq; agitabant mente receptus,  
Si qua fortè viam per saxa irrumpere, & altis  
Euasisset iugis, Deus, aut sua fata dedissent.  
Tum iuuenes, procul q̄, clamant, procul iste puellæ  
Sit timor: ignavas animo depellite curas.  
Nulla hīc insidiæ, nulla per aperta latebra:  
Cuncta patēt: nullas abscondūt hæc loca fraudes.  
Nos quoq; nō Lerna mōstris, non igne Chimæra,  
Scillaisue lupi geniti, aut latrante Charibdi,  
Qui vestra immani laceremas viscera morfu:  
Sed diuinū genus, & qui semper rupibus altis  
Vobiscum crebris venatibus insultemus.  
His dictis permulsi animi, securaq; tristem  
Corda metum eijciunt: gressuq; per vda citato  
Prata, deis tandem cupidis, ripaq; propinquant.  
Tum manibus simul implicitis per gramina festas  
Exercent choreas: aliosq; aliosq; reflexus  
Inter se late repetant: nunc corpora librant  
In salum: nunc molle latus: nunc candida iactant  
Brachia

Brachia: & alterna quatiunt vestigia planta.  
 Hic Satyri, quanquam voces audire canentum  
 Crudeles, quanquam niueas spectare papillas  
 Exultant, oculisq; bibunt sitientibus ignem:  
 Tanta tamen sæui gliscit vis effera morbi  
 Pectoribus, præcepq; amor, & malesana libido:  
 Ut calamis sensim eiectis, ruptoq; repente  
 Fœdere, surgentes ab humo, vento ocyus omnes  
 Exiliant: spretaq; Deum pietate, fidēq;  
 Ah pavidas Nymphas, subitoq; horrore rigētis  
 Inuadunt auidi, seuorum more luporum,  
 Qui letas medijs proturbant lusibus agnas,  
 Oblitasq; sui passim rapiuntq; trahuntq;.  
 Dum viridi in campo cursant, aut vale sub alta,  
 Et custos ignarus abest, & amica canum vis.  
 Sic illi, at misera discisso pectore Nympha  
 Frondiferam mæstis sylvam clameribus implent:  
 Atq; huc, atq; illuc fugiunt, non saxa, neq; altis  
 Tuta putant loca senta rubis, hinc ardua montis  
 Prærupti iuga, diffusos hinc stagna per agros  
 Adtonite circumspiciunt via nulla salutis:  
 Et iam spes præcepta fuga: tum deniq; ad vndas  
 Consistunt trepida, flauosq; à vertice crineis  
 Cum lacrymis, gemituq; & flebilibus lamentis  
 Abscindunt, Sarnūq; vocant, liquidasq; sorores:  
 Dūmq; vocant, fundo properat chorus omnis ab  
 imo  
 Naiadum, properat vitrea rex cerulus vnda  
 Sarnus, inexhaustūmq; vadis ciet agmen aquarū  
 Rauca



*Rauca sonās: sed quid Sarnūsque, aut illa natā. ũ*  
*Agmina Naiadum possint, vbi ferrea contrā*  
*Stant fata, & duro leges adamante rigescunt?*  
*Ergo defecta cura, auxilioq; deorum,*  
*Ac cælum pariter Nymphæ, lucemq; perosa,*  
*Vnum illud, rebus tandem quod restat in arctis,*  
*Finem optāt, iamq; in fluuium se mergere adorta*  
*Membra reclinabāt, & aquas prono ore petebāt:*  
*Cum subito obriguere pedes: lateq; per imos*  
*Exspatiata vngueis radix, fugientia tardat,*  
*Adfigitq; solo vestigia. tum vagas ipsis*  
*Spiritus emoritur vennis, indignaq; pallor*  
*Occupat ora: tegit trepidantia pectora cortex.*  
*Nec mora: pro digitis ramos exire videres,*  
*Auratasq; comas glauca canescere fronde;*  
*Et iam vitæ nusquam calor: ipsaq; cedunt*  
*Viscera paulatim venienti frigida ligno.*  
*Sed quamuis totos duratæ corporis artus,*  
*Caudicibusq; latus, virgultiq; vndiq; septæ,*  
*Ac penitus salices: sensus tamen vnica illis*  
*Syluicolas vitare deos, & margine ripe*  
*Herentes, medio procumbere fluminis alueo.*

F I N I S.

f


F R A G

FRAGMENTVM EIVS-  
DEM AVTORIS.

Optatos iam Euplea mihi circumspecte portus,  
 Quo liceat trepidas piscanti includere praelus,  
 Et Zephyris releuare graues spirantibus aestus,  
 Si qua mouet cupidam veloci gratia cymbæ.  
 Tuq; ades ô nostri merces non parua laboris.  
 Quê Phæbus mihi, quê docta, mea turba puellæ  
 Conciliant: dumq; ipse ratem de littore pello.  
 Da vela insinuans, pelagoq; excurrere patenti  
 Pars anima Puderice mea. te nã sua Nereus  
 Per rada, te medio Doris vocat emula fluctu,  
 Dũ latè horrifonũ cãpus strepit omnis aquarũ.  
 Lucrinæ ad Veneris templum conuenerat omnis  
 Aenaria: Prochytaq; manus: Zephyra<sup>2</sup> opaca  
 Scilicet Aenaria, Prochyta venit Eurych<sup>2</sup> alta,  
 Insignes ambo calamis, & versibus ambo,  
 Aptus vterq; fretis, piscatibus aptus vterq;  
 Ille hamos versare, hic retia soluere in equor.  
 Tũ prior hac Zephyraus: Adeste ô littore ab õni  
 Piscatorum artes, liquidas exquirite sedes,  
 Vertite Tritonum latebras, penetrare recessus  
 Nereidum: nunquam nostros sedabit ignes:  
 Nũquã me Pholoë, nũquã me Chloris amabit.  
 Ede tuos mecum tandem caua buccina cãtus.  
 Testis Cymothoë, testis mihi candida Clotho,  
 Optauì quoties medijs in fluctibus agram  
 Projicere hãc animã: quoties ego gurgite i alto  
 O: curri

Occurri monſtris immanibus, horrida Cete  
 Vi ſaltem miſeros lacerarent dentibus artus.  
 Ede tuos tandem mecum caua buccina cātus.  
 Omnia tentavi, terras, mare, nubila, cælum,  
 Vētorumq; domos, & tempora quattuor anni:  
 Omnia ſed nocuere ſimul. vos ite puellæ,  
 Ite Dea pelagi, furijſ arceſſite noſtris  
 Nunc alios ſuccos, aliasq; Melampodu herbas.  
 Ede tuos tandē mecum caua buccina cantus.  
 Non magicos verſus, ignotaq; nemina rerum,  
 Diſſimileiſq; Deos, Erebumq;, Chaosq; refuſgi.  
 Ipſos quinetiam ſilo conuoluere rhombos  
 Edidici, parteiſq; meas de litore Echinos,  
 De ſcopulis muſcū, de fluēlibus hauſim⁹ rnda.  
 Ede tuos tandem mecum caua buccina cantus.





ACTII SYNCERI  
 SANNAZARII NEAPO-  
 LITANI, VIRI PATRI-  
 CII, ELEGIARVM  
 LIBER I.

AD LVCIVM CRASSVM.



*E facūda tenēt saxosi rura Petrini,  
 Rura olim proavis facta super-  
 ba meis.*

*Et Sinuessanas spectas, mea gau-  
 dia, Nymphas,*

*Quiq; nouo semper sulphure sumat ager.*

*Et modò miraris veteres in littore portus,*

*Nunc Liris gelida quā fluit amnis aqua.*

*Cunctaq; felici figis vestigia cura,*

*Obseruas Latiae dum monumenta viae.*

*At mihi paganae dictant syluestria Muse*

*Carmina, qua tenui gutture cantat Amor.*

*Fidaq; secretis respondet sylua querelis:*

*Et percussa meis vocibus antra sonant.*

*Nec tantū populos, nec tantū horrescimus vrbeis,*

*Quantum non iusta seuitiam domine.*

*Hoc vite genus, hoc studium mihi fata ministrāt:*

*Hinc opto cineres nomen habere meos.*

*Me probet vmbrosis pastorum turba sub antris,*

*Dum rogat agrestem lacte tepente Palem.*

*Me rudis indocta moduletur arundine Thyrsis;*

*Et tam constanti laudet amasse fide.*

*Indo super tumulumq; meum, maneisq; sepultos*  
*Tityrus ex edera ferta virente ferat.*  
*Hic mihi saltabit Corydon, & pulcher Alexis:*  
*Damætas flores sparget utraq; manu:*  
*Fluminibusq; sacris umbras inducet Iolas,*  
*Dum coget saturas Alphesibæus oueis.*  
*Non mihi Mæonidem Luci, non cura Maronem*  
*Vincere: si fiam notus amore, sat est.*  
*Quid feret Aeacides nobis, quid cautus Ulysses?*  
*Quid pius Aeneas, Ascaniusue puer?*  
*Ista canant alij quorum stipata triumphis*  
*Musa vagum è tumulis nomen in astra ferat.*  
*At mihi tete avidis liceat vincere lacertis,*  
*Oscuaq; optata sumere longa mora.*  
*Et liceat posita mirari membra lucerna.*  
*Noctis & insolitas ne ctere blanditias:*  
*Atq; manus, atq; ora tuis componere in vlnis,*  
*Teq; meo lassam sepe fouere sinu.*  
*Sed quid ego, hei misero, ventosus inania fingo*  
*Somnia, quæ forsàn non feret vlla dies?*  
*Felix qui potuit duram exorare puellam,*  
*Et capere optati gaudia coniugij.*  
*Ille dies, noctesq; suos decantat amores,*  
*Et recolit Veneris dulcia furtiva sua.*  
*Ille etiam liquido perfusus odore capillos,*  
*Exercet tenerum nocte iuuantè latus:*  
*Inq; sinu domine primos reminiscitur ignem,*  
*Quos leniter pennis aureus afflat Amor.*  
*Nec cupit, Aethiopum quæ canenti vellera syluis,*  
*Nec*



Nec quæ Sidonio lana cruore rubet.  
 Solus habet, fuscis quicquid portatur ab indis:  
 Solus habet ripas aurifer Herme tuas:  
 Et quas cunq; mentis segetes fragrantibus aruis  
 Medus, & assiduo sole perustus Arabs.  
 Non auro, aut gemmis miseri torquemur amâtes.  
 Qui dominam poterit flectere, diues erit.  
 Dives ero ante alios, si te, mea vita, volentem  
 Sustineam ignota pauper, & exul humo.  
 Nā quid rubra iuuant fulgētibus equora cōchi?  
 Aut quæ multa niger rura Sabæus arat?  
 Quidue torus prodest: pluma spectandus, & ostro,  
 Si non est gremio chara puella meo?  
 Si trahere infelix inter suspiria noctem  
 Cogor, & æternos esse, negare, Deos?  
 Num me neglectis deuouit saga sepulcris?  
 Num rumpunt somnos carmen, & herba meos?  
 Carmen inaccessa traducit ab ilice glandeis:  
 Carmen nocturna suppressit ora canis.  
 Carmen & informi pallentem sanguine Solem  
 Inficit, & Luna sistit euntis equos.  
 Quid queror infelix? utinam mihi sola nocerent  
 Carmina, nec nostro pectore inesset Amor.  
 Ille vel Aëæ superat cantamina Circes,  
 Ille vel Aemonijs nata venena iugis.  
 Parce puer: non vana queror: tu vulnere nostro  
 Crescis, & exultas saue cruore meo.  
 Quod si te nostra ceperunt tadia vite:  
 Ne cesset, quæso, fueris atra dies.

ELEGIARVM  
AD IOANNEM PARDVM  
HISPANVM.

**P**arde decus patriæ, spes maxima Parde tuorū,  
Atque idem Hispani gloria rara soli:  
Quem iuuat immensi causas exquirere mundi,  
Primaq; constanti corpora iuncta fide:  
An magnum æterno voluatur numine cælum:  
An propria hoc ingens mole laboret opus:  
Cur falsi fluctus: cur ignibus æstuet Aetna:  
Cur vomat epotas vasta Charybdis aquas:  
Vnde nitor stellis: cur nox maiorue, minorue:  
Cur non ipsa suo lumine Luna micet.  
Felix, cælesteis cui fas nunc scandere sedes:  
In queis post obitum fata manere sinant,  
At nos per siluas, & sordida rura capellas  
Versamus, quando Phyllis amare iubet.  
Et teneris nostros vlmis incidimus igneis,  
Quos legat errantum cætus Hamadryadum,  
Et nunc capreolos, & nunc venamur onagros:  
Interdum, seuus fallimus arte feras.  
Sape iuuat pictas visco captare volucres:  
Nec Satyrus ipso cedimus aucupio.  
Quod mihi si liceat tenui reuocare cicuta  
Trimacrii nūcas, Vpilionis oueis:  
Rura colam semper: populi valeati, & vrbes:  
Rura dabunt oculis grata theatra mei.  
Illic gramineas, pastorum bella, palestras  
Aspiciam, & celeri premia parta pede.  
Nec me pœniteat sudibus certare colurnis.

Aut armare canis pectora corticibus.  
 Pugnabunt tauri, pugnabunt cornibus hirci,  
 Victores molli cespite ferta ferent.  
 Plenaq; pellitus lustrabit ouilia pastor,  
 Ponet & agricolis rustica liba Deis.  
 Stabunt capripedes abiegno robore Fauni:  
 Stabit & indocta falce dolata Pales.  
 Quorum solenneis ictus cadet agnus ad aras:  
 Ictus vt innumeras expiet agnus oueis.  
 Tum milium, & niueo statuet fumantia lacte  
 Pocula, votiuus concipietq; preces:  
 Et ter transiliet flammanteis potus aristas,  
 Ter quoq; non tardo rustica turba pede.  
 Dij facite, inter oueis, interq; armenta canendo  
 Deficiam, & siluis me premat atra dies:  
 Vt me non docta deploret pastor auena:  
 Vtq; sub umbrosa contumuler plantano.  
 Ossaq; pascentes venerentur nonstra capelle:  
 Nec procul à tumulo candida balet ouis.  
 Exultent alij Pantheo munere manes,  
 Et querant Parijs marmora cæsa iugis.  
 Mi sat erit, veteres recolat si Phyllis amores,  
 Conserat & vernas ante sepulcra rosas.

## AD AMICAM.

Nulla meos poterit mulier prauertere sensus,  
 Ipsa licet cælum linguat, & astra Venus.  
 Tu puero teneris ignis mihi primus ab annis:  
 Vltima tu tremulo flamma futura seni.



Iam sanxere semel nos inter fœdera diui,  
 Fœdera ad extremos non soluenda rogos:  
 Ut si nostra tuo superesset funere vita:  
 (Dij tamen in ventos omen abire sinant)  
 Ipse ego composito venerarer operta sepulcro  
 Ossâ, ferens mœsta ihura, merumq; manu.  
 Umbrarumq; sacer custos, tumuliq; sacerdos  
 Concinerem querula tristia verba lyra.  
 Nec me complexa quisquam diuelleret vrna,  
 Quin cineri moriens oscula summa darem.  
 At si (quod potius cupio) tibi fata dedissent,  
 Lumina formosa condere nostra manu:  
 Tunc, mihi cum charos vultus spectare liceret,  
 Atque anima tecum iam fugiente loqui:  
 Ipsa meos tumulo manes laniata vocares,  
 Inq; tuo legeres ossa minuta sinu:  
 Flebilis & longos scindens ad busta capillos,  
 Clamares nomen iam moritura meum.  
 Tum cineri, & mûta persoluens iusta favilla,  
 Mista dares rutilis lilia cana rosis.  
 Illic mœsta dies, illic consumero noctem  
 Optares, nec te vinceret alter Amor:  
 Sed memor vsque viri, canis veneranda capillû,  
 Adferres tremuô munera chara manu.  
 O mihi, dum tales tumulo reddantur honores,  
 Tam lentam Lachesis scindat auara colum.  
 Nô, vt nostra nonos Arabû bibat vrna liquores,  
 Vstus & Assyrio spiret odore cinis:  
 Aut vt clara mei notescat fama sepulcri,

Altaq;

*Altaq; marmoreus sidera tangat apex:  
Sed magis ut liceat longas audire querelas,  
Et gerere è lacrymisserta rigata tuis:  
Tum ego Lethæa spatatus in aggere ripæ,  
Qua nitet obtuso lumine falsa dies,  
Quaq; levis Casia nemus, Ambrosiæq; virentis,  
Et fortunatos abluit unda greges:  
Dulcia præterite repetens insomnia vite  
Ostendam Elysij tot mea dona choris.  
Felicisq; animas inter felicior ipse  
Excipiam plausus lata per arua novos.  
Atque aliquis comitum, letusq;, hilarisq; recentis  
Sparget humi flores, & mihi sarta feret.  
Nec contentus eo, si los extollet amores,  
Narrabitq; alijs de pietate tua.  
Sed quoniam tenera vernant nunc lata iuventa  
Tempora, & amplexus iungere fata sinunt:  
Dulcia lasciuo iungamus gaudia lecto:  
Iam properat mortis panda senecta comes.  
Iam properant rugæq; graues, & serior ætas:  
Nec dabitur molli ludere posse toro.  
Interea cupidis nectamus colla lacertis:  
Vltima iam soluet, cum volet, hora duos:  
Dij facite, hæc longos maneat spes certa per annos:  
Candidus & pennis omnia firmet Amor.*

AD LVCINAM PARTVRIENTE

Cornelia Piccolominea, Anto-

nij Garlonij Allifarum

Domini con-

iuge.

**A**ffer opem tenera tandem Lucina puellæ:  
 Auxilio, digna est, quam tueare tuo.  
 Te vocat, & madidus solam suspirat ocellis:  
 Et roseo tacitas fundit ab ore preces.  
 Illa quidem insueto languet malè firma dolore:  
 Vixq; potest longa tui mala ferre mora.  
 At tu Diua veni, tecumq; vnguenta reposte  
 Pyxidis, & si qua est, qua iuuet herba, feras.  
 Sic flentis miseros iuuenis compescere questus,  
 Sic vna poteris sorte leuare duos.  
 Lucis adest Dea magna: metū iā cōprime Garlō:  
 Non frustra est lacrymis illa vocata tuis.  
 Da costum, myrrhamq; focis, quaq; orbe remoto  
 Cynnama per rubras nauita vectat aquas.  
 Ipse Deam venerare, sacras proiectus ad aras,  
 Et genio annosum sepe refunde merum.  
 Sed trepidi cessere metus, cessere querela:  
 Iam parit aduentu tacta puella Deæ:  
 Iam puerum est enixa: vides, vt lumine matrem  
 Exprimat? eo, tenero quantus in ore decor!  
 Salue parue puer, cui iam felicia ridet  
 Sæcula, cui pharetram sponte remittit Amor.  
 Nam siue auratis humeros armare sagittis,  
 Seu iuuet accensas sollicitare faces,

Sen



Seu potius iactare leues pueriliter alas;  
 Et dare neglectas post tua terga comas:  
 Quis te non Paphys eductum vallibus, aut quis  
 Idalia puerum non putet esse Dea?  
 Vix precor, blandumq; oculis ridere parenti  
 Assuesce, & dulces disce mouere iocos.

## AD IVLIVM SENENSEM,

## EXVLEM.

**C**VM mihi languētes dolor oppugnaret ocellos,  
 Cogerer & tristi soluere verba sono:  
 Ingratos inter gemitus, mæstasq; querelas  
 Allata est manibus littera missa tuis.  
 Inspeci, agnouiq; tuas, mea numina, Musas,  
 Pieriosq; haustus, Castaliumq; decus.  
 Poscis, vt iratum placēt mea carmina Phœbum,  
 Et flectant duras ad tua vota Deas.  
 Non hoc ingenium, non hac facundia nostra est:  
 I, precor, atque alio flumine pelle sitim.  
 Ille mihi facilis iam pridem denegat aures,  
 Et vetat arguta tangere fila lyra.  
 Nec mihi iam solito latices de fonte ministrat,  
 Nec docet optatos Calliopea choros.  
 Quid petis extinctam ditapso à torrefanillam?  
 Quid miser a nostro vulnere queris opem?  
 Iam tibi felici decurrunt carmina vena,  
 Et rapit ad patrium te tua Musa decus.  
 Ipsa mihi visa est, te lamentante, Thalia  
 Ingemere, & tristi Delius ore queri:

*Qualis Strymonias olim cùm fletet ad undas  
 Orpheus indignis vocibus Eurydicem:  
 Qui cantu Ismarj gelidu in rupibus Aemi  
 Adionuit quercus, adtonuitq; feras:  
 Saxaq; Bistonj deduxit montibus, & te  
 Currentem astrictis Hebre repressit aquis.  
 Scilicet egregios semper Fortuna poëtas  
 Tanget, & ancipiti deprimet vsque rota?  
 Nèue sit extremos tantum submotus ad axeis  
 Ille, Tomitana qui iacet exul humo:  
 Te quoq; nunc rigidi premit inclementia fati,  
 Longius & patria cogit abesse domo.  
 Sed nisi per magnos quaratur fama labores,  
 Omnis in ardenteis & abitura rogos.  
 Sic pius Aeneas, sic stirps Laërtis Vlysses  
 Maius post cineres emeruere decus.  
 Sic quoq; sublati Tirynthius vndiq; monstris  
 Visit ab Oetea regna paterna pyra.  
 Et te (crede mihi) tot saeva incommoda passum  
 Virtus sublimi ducet in astra via.*

IN FVNERE SARRI BRAN-  
 CATII LVCRETIA VXOR.

**E**rgo importuna ruperunt stamina Parca,  
 Stamina lanifica tam bene ducta colo?  
 Ergo ego, quæ fueram tali modo nupta marito,  
 Frigida nunc tristis conqueror in thalamo?  
 Quiq; his dignus erat vitam exhalasse labellis,  
 Occidit externus aduena littoribus?

*Felices*

*Felices nimium, fortunateq; sorores,  
Quæ datis æternis thura Sabæa focis.  
O utinã nũquã amplexus, nunquã oscula nossem:  
Essem pars vestri nempe ego parua chori.  
Chare vir, audaci nimium confise iuuenta,  
Et nimium lacrymis vmbra gemenda meis:  
Quis te tam densos immittere corpus in hostes  
Iussit? an ad pugnam non satis vnus erat?  
Me miseram, non vlla tuæ te cura puellæ,  
Non subiit mæstæ certa ruina domus.  
Tū mihi per sanctos solitus iurare Hymenæos,  
Per non ledendî fœdera coniugij,  
Te non immemorem chara fore coniugis vnquam,  
Et si lætheus tingeret ora liquor.  
Quin ipsa admonui, ne sic violentus in arma  
Irrueres: cheu quò violente ruis?  
Quò raperis? quò iam nostri tibi cura recessit  
An potes vxoris non meminisse tuæ?  
Vix equidem credo, quamuis heu credere cogar,  
Tam citò pectoribus me cecidisse tuis.  
Sed cecidi, sic fors tulit impia, nullaq; pro me  
Vota salutareis demeruere Deos.  
Hæc tora sic coniux, sic coniux fleuit Achillem,  
Sic misera extinctum Laodomia virum.  
Nunc mea virginitas, quando inlibata remansit,  
Seruetur cineri non violanda tuo.*

AD DIV



ELEGIARVM  
AD DIVVM IACOBVM  
PICENVM.

**S**ancte senex, quem nec sceleris cōtagia nostri,  
Nec pessum vitij secla dedere suis,  
Aequasti magnos qui paupertate triumphos,  
Tantus amor niveæ simplicitatis erat.  
Sylva tibi sedes, viridiq; è cespite lectus:  
Explebant mensas amnis, & herba tuas.  
Talis erat priscis victus mortalibus olim:  
Sed priscis tantum vivere cura fuit.  
At te diuersos natura expendere casus  
Iuvat, & instanteis diuim aperire metus:  
Submotumq; oculis animo percurrere cælum:  
Quasq; tenes sedes, mente adijisse prius:  
Noscere praterea cunctarum, exordia rerum:  
Quod vix humane conditionis erat.  
Magnum opus, ut prima surgentis origine mūdi,  
Omnia sint sensu edita luciferis:  
Vtq; pater sancta demum cessare quiete  
Perfecto artifices iusserit orbe manus.  
His addis cultusq; pios, ritusq; verendos,  
Cunctaq; legiferos tradita sacra duci:  
Quasq; suis castæ seclis cecinere Sibyllæ:  
Quasq; sacer vatum spiritus ore refert:  
Sidereos partus, demissaq; pignora cælo,  
Atq; inopes cunas stramineumq; torum:  
Speratumq; diu terris, cæloq; probatum.  
Verum hominem, verū mente, animoq; Deum.  
Hinc & supplicium infādū, atq; obprobria mortis,  
Claraq;

Claraq; de Stygia ducta trophæa domo.  
 Deniq; ut ad patrem populo spectante suorum  
 Cesserit, igniferis præsideatq; locis:  
 Quantaq; nos maneant promissæ gaudia vitæ,  
 Quantaq; venturæ gloria lucis erit.  
 Miremur, tibi si placidi penetrale Tonantis,  
 Et patet immensi regia clara poli:  
 Cū tantū his superas meritis, sit scādere in arces,  
 Quā plaga securum lactea monstrat iter.  
 Scilicet inde datur terras spectare iacentis,  
 Et circumfusi brachia curua maris:  
 Solis & ardentes radios, Luneq; recursus:  
 Qualiter & pacta stent elementa fide:  
 Nec minus æternis niteant ut sidera flammis:  
 Et peragant varias noxq; diesq; vices.  
 Felix, qui nostras potuisti relinquere curas,  
 Et procul humanas despicere illecebras.  
 Felices, qui te colles videre loquentem,  
 Quæq; tibi gratos præbuit herba toros,  
 Quæq; arbor, rupēsue sacra te fouit in umbra:  
 Et quæ nunc manes continet vrna tuos.  
 Nam licet incultis fuerit tibi vita sub antris,  
 Nunc pedibus data sunt astra terenda tuis.  
 Attamen ô dic sancte pater, dic addite cælo  
 Gloria, dic patriæ fama, decusq; tuæ:  
 Ecquid te solitis mulcet sapientia chartis,  
 Mollis vbi Elysium concitat aura nemus?  
 An iuuat aurata meditantem carmina canna  
 Nectere purpurea tempora cana rosa?

*An mage virginem sedet inuigilare choreis?  
 Cum deceat cælo quicquid in orbe libet?  
 An potius toto superum spectante senatu,  
 Dilui athereo crimina nostra foro?  
 Deniq; quicquid agi nitidi nouus incola cæli,  
 Pectoribus nostris non leue numen eris.*

**AD PETRVM DE ROC-**  
**cha-forti maximum Regis**  
**Galliarum Cancel-**  
**larium.** (est)

**Q**uod pect' tibi forte, qđ ardua pectoris arx  
 Quod forti dignū pectore nomen habes  
 Quod leges sua iura tenent te vindice, quodq;  
 Omnia virtuti peruia facta tue:  
*Aurumni sedem, chelasq; Astra reliqui,  
 Adueniq; tuos noster alumne lares,  
 In cunis ego te, si nescis, sedula fovi.  
 Reptasti gremio sarcina grata meo.  
 Ipsa tuos finxi mores, animumq; manusq;  
 Ingeniumq; sagax, iudiciumq; dedi.  
 Hic nostri cultusq; frequens, optandaq; rerum  
 Cognitio, hinc fidei nomina tanta tua.  
 Ad te igitur duplices subnixo poplite palmas  
 Insuetis tendo sollicitata malis:  
 Ne patiare meas Latio languescere vires.  
 Pendet ab auxilio spes mea tota tuo.  
 Deprimor audaceis inter derisa ministros:  
 Nec fas ingenuum tollere ad astra caput.  
 Quodq; diu partum est virtute, & fortibus armis*  
Imper



Imperium, sædè seruit avaritiæ.  
 Nec mirum, vestro tantum cum distet ab orbe,  
 Terraq; censura sit procul illa tua.  
 Quis credat? lectis ciues pelluntur auitis,  
 Adrogat iniustas dum sibi fiscus opes,  
 Fiscus opes miserorum. hoc est, heu, parcere victis?  
 Hoc est Ansonio reddere iura solo?  
 Cogitur infelix alienas ire per oras  
 Nobilitas, patrûs expoliata bonis:  
 Culpaturq; fides, domino seruata priori,  
 Et maris, & terræ non labefacta minis.  
 Scilicet est crimen duram contemnere mortem;  
 Scilicet est Reges crimen amare suos.  
 O bene fortuna memores, quicunq; superbas  
 Gentibus à victis abstinere manus.  
 Nam quamuis sanos ille etet præda tyrannos:  
 Magnanimos Reges gloria sola iuuat.  
 Delentur nullos hominum benefacta per annos,  
 Quaq; licet faciunt nos ratione Deos.  
 At si quis seræ spernit præconia famæ,  
 Quercubus Alpinis adnumerare potes.  
 Ergo tu, Regem cui fas lenire potentem,  
 Da desiderijs vela secunda meis.  
 Effice, iustitiæ soliti reddantur honores:  
 Dignus te, altricem qui tueare tuam.  
 Sed soror ut nostros æquet Clementia fasces:  
 Qua sine dura nimis, difficilisq; vocer.  
 O decui, ô lapsi spes constantissima seclis,  
 O vir fortuna fortior ipso tua.

*Sic tibi contigat Solyma de gente triumphum,  
 Captaq; per nostros signa videre duces:  
 Sic Rhodanum Nilo spectes dare iura subactis:  
 Perq; Araris ripas plurima laurus eat.  
 Hoc ego te, mecum hoc Phæbus, doctaq; Sorores,  
 Hoc pietas, hoc ius, nobilitasq; rogant.*

DE STVDIIS SVIS, ET LI-  
 BRIS IOVIANI PONTANI.

**Q***ui primus patrios potuit liquisse penates,  
 Et maris, & longa tadia ferre vie,  
 Quem non mæsta domus, quæ nō reuocare parêtes,  
 Non potuit fufis blanda puella comis:  
 Impius, & scopulis, & duro robore natus,  
 Atq; inter tygres editus ille fuit.  
 Non mihi circumstat solidum præcordia ferrum,  
 Nec riget in nostro pectore dura silex:  
 Vt possim dulcesq; lares, limenq; puella  
 Linquere, & ignoto quarere in orbe domum.  
 Sed Phæbi sacros cogor lustrare recessus,  
 Vocalemq; vndam, Thespiadumq; choros.  
 Vt fugiam nigras supremo in funere flammæ,  
 Et volitem populi docta per ora mei:  
 Meq; inter claros attollat fama poëtas,  
 Nec rapiat nomen nigra fauilla meum:  
 Et nostro celebrata superbiat vmbra sepulcro,  
 Spernat & è Pharijs marmora cæsa iugis.  
 Non tamen vt magni tumulum tentare Maronis  
 Audeat, aut tantum speret habere decus:*

*Sed*

*Sed quis tam niueis vellat mea colla lacertis?*

*Quis vetet optato membra fouere sinu?*

*An tanti fuerit sacro Parnassus hiatu,*

*Perq; suas passim templa habitata deas,*

*Vt tibi sit nitidos lacrymis corrumpere ocellos:*

*Discessumq; fleas chara puella meum?*

*Ah pereat quicumq; leueis sectatur honores,*

*Et sequitur fama nomina vana sue.*

*Tecum ego nocturnis dubitem cessare choreis?*

*Tecum ego conspersa gaudia inire rosa?*

*Deductumq; leui crinem perfundere amomo?*

*Et noctem insolitis ducere blanditijs?*

*Scilicet & Turcas Pontanus in equora classes,*

*Alfonsi & fortes ducat in arma manus,*

*Qui nunc nascentis canit incunabula mundi,*

*Aureaq; etherea sidera fixa domo:*

*Vtq; imbres, lapidesq; pluant, vt nubibus ignes*

*Exiliant, salsas vt mare voluat aquas:*

*Hesperidumq; hortos, excussa q; poma draconi,*

*Rusticaq; ad primos munera missa toros:*

*Delicias Lepidina tuas, resonansq; vicissim*

*Pastorum argutis carmen arundinibus:*

*Qualiter & fuluis radiet Sertorius armis,*

*Et Pompeianus prelia tentet eques:*

*Audeat arguto neu quis contendere versu,*

*Ille vel eterno digna Marone sonat.*

*Tepater irriguis audit Sebethus in antris,*

*Iurgia ad ingratas dum iacis ipse fores.*

*Inde vocas sacrum festas Hymenæon ad aras,*



Optati referens fœdera coniugij:  
 Utq; tuis primùm surgens complexibus vxor,  
 Visa sit erepta virginitate queri.  
 Felix, qui fidos expertus coniugis ignes,  
 Vidisti sobolis pignora certa tua:  
 Neniolasq; rudes cecinisti, & blanda parentis  
 Oscula, & ad cunas murmura nata suas.  
 Felix, excultum torsit quæ Fannia valem,  
 Quæq; illi regnum Cinnama subripuit.  
 Quamuis dissidij leges patiantur amaras,  
 Spectabunt cineres nomen habere suos.  
 Eridani post hæc sed te quis credet ad amnem  
 Populeæ canas fronde ligasse comas?  
 Et Stellam cecinisse, atq; impendisse querelas,  
 Spectandos cùm iam rix daret illa pedes:  
 Baianosq; sinus, myrtetaq; cognita Nymphis,  
 Claujaq; sulphureis antra recurua iugis:  
 Tum superùm laudem, mutisq; incisa sepulcris  
 Nomina, colapsos & reparare rogos:  
 Deniq; Pindaricosq; modos, resonantia plectra,  
 Et Mæthymnææ fila nouasse lyra?  
 Cam tamen intereà motus, atq; agmina Regum,  
 Bellaq; Campanæ discutis historia.  
 Quin & iucundo distringis secula morsu,  
 Dum vaser in Stygio disputat amne, Charon.  
 Varronisq; tui, Nigidiq; exempla secutus,  
 Grammaticæ aut spretas incipis ire vias.  
 Carminis hinc numeros nostris depromis ab ausis,  
 Dignatus pueri verba referre senex.

Quid

Quid loquar, ut sacros Mariani exhauriat amnes  
Aegidius, verum dum canit ore Deum?  
Aut apta ingratos taxet sub imagine mores,  
Qui super infusas spernit Asellus aquas?  
Te iuvenesq; senesq; colunt praecepta ferentem,  
Parthenope spreto quæ Cicerone legit:  
Ex adytis quicquid diuûm sapientia pandit,  
Et Stagera tui dogmata firma senis:  
Quid deceat fortemq; virum, quæ Principis artes,  
Largifica præstet quæ dare dona manu:  
Parendi leges quæ sint, legesq; loquendi:  
Edat ut argutos lingua disertæ sales:  
Quid fortuna homini, quid det prudentia, quâto  
Immanes animos incitus ardor agat:  
Magnanimiq; viri quæ sint ad singula partes,  
Sive colat pacem, seu fera bella gerat.  
Nec fugis astrorum causas aperire latentis.  
Et Ptolemei fata reposta poli.  
Salve sancte senex, vatum quem rite parentum  
Præfecit terris Delius Ausonij.  
Non te Letheæ carpent obliuia ripæ,  
Nec totum in cineres vertet auara dies.  
Nec tibi plebeio ponetur in aggere bustum.  
Niliacas dabitur vincere Pyramidas.  
Quid tibi victrices expectas Umbria palmas?  
Mœnibus has patria rettulit ille meæ.  
Ille suis longum studijs, ex laude fruatur:  
Me iuuet in domina consenuisse sinu.

ELEGIARVM  
AD IOANNEM SAN-  
grium Patricium Neapoli-  
tanum, de suo imma-  
turo obitu.

**S**I me seuus Amor patrijs pateretur in oris  
Viuerē, vel saltem matre vidente mori,  
Vt quæ vix vno nunc sunt ingesta libello,  
Essent illa suis continuata locis:  
Forsitan immites potuissem temnere Parcas,  
Ductaq; de pulla tristia pensa colo:  
Nec me plebeio ferret Libitina sepulcro,  
Aut raperet nomen nigra fauilla meum.  
Nunc cogor dulcesq; lacus, & amœna vireta,  
Pieridumq; sacros destituisse choros:  
Nec pote, quæ primis effudit Musa sub annis,  
Emendaturo subdere iudicio.  
Sic heu, sic tenere sulcis refecantur ariste:  
Implumes nido sic rapiuntur aues.  
Prò superi, tennes ibit Syncerus in auras?  
Nec poterit nigri vincere fata rogi?  
At tu quâdoquidē Nemesis iubet, optime Sāgri,  
Nec fas est hominī vincere posse Deam:  
Accipe concussæ tabulas, atq; arma carina,  
Naufragijq; mei collige reliquias:  
Errantesq; cie quocunq; in littore manes,  
Taliaq; in tumulto carmina cede meo.  
Actius hic iaceo: spes mecum extincta quiescit:  
Solut de nostro funere restat Amor.



LIBER I.  
IN MALEDICOS DE-  
TRACTORES.

105

**Q**uid ruis in sacros temeraria turba poëtas?  
Sæuâq; mordaci prælia dente moues?  
Desine sacrilega conuiitia fundere lingua,  
Desine, pro populo stat Deus ipse suo.  
Quis nouus in furias armat dolor? ite profani,  
Ite, nec immeritas conscelerate Deas.  
An monethoc Stigijs immersus Scuccha lacunis,  
Dum flens Eumenidum verbera torta timet?  
Illum olim tinctæ iuuerunt felle sagittæ:  
Nunc miserum facti pœnitet vsq; sui.  
Parcite tam chari manes violare parentis:  
Per stupra, & talos, per cyathosq; rogo.  
Ars sua quenq; iuuat: non vos Heliconâ subire,  
Non fas virginei polluere amnis aquam.  
Scilicet hanc sumpto Iouiani Musa cothurno  
Hauriat, & magno digna Marone sonet.  
Cui comes intacta lustrans sacraria syluæ  
Attilius, docto pectore carmen hiet.  
Nec minus & Musæ repetens monimenta iocosa  
Compater, argutos ingerat ore sales.  
Elysusq; hedera comptus florente capillis,  
Rara, sed Aonijs concinat apta choris.  
Extendatq; armis titulos Aquiuinus auitos,  
Et doceat nostras cernere castra Deas.  
Ipse suæ referat Cabanilius ardua Troie  
Mania, & antiquos, Appula regna, lares.  
Quiq; velut tenera surgit nouus arbore ramus

Corvinus, quauis aure probanda canas.  
Et qui Pierijs resonat non vltimus antris  
Albinus, referat Principis acta sui.  
Tu quoq; quid cessas doctis deslere querelis  
Excidium patria culte Marulle tue?  
Quiq; tot egregias animas, tot clara virorum  
Ingenua enixa format, alitq; suo.  
Nectat honorata Maius sua dicta corona,  
Tamq; pias ferulas, regia sceptrum vocet.  
Quin & ritè suos genio Chariteus honores  
Præbeat, & festas concinat arte dapes.  
Ælius at blanda fretus dulcedine lingue,  
Facunda totos conterat arte dies.  
Nec te iam pudeat venturo ostendere seculo  
Eloquiū vires Scala diserte tui.  
Certent Socraticis Zenonis scripta libellis,  
Cuius apud nervos intulit ore fauos.  
At tu Castalijs non inficiande choreis,  
Castalidos Carbo nunc cane regna tue.  
Te quoq; quem gemina mulcet sapientia lingua,  
Parde, iuuet studijs inuigilare tuis.  
Atq; alij quorum doctas it fama per aures,  
Extremo properant vincere fata die.  
Nos quoq; si magnus non auersatur Apollo,  
Cantemus Nymphas, capripedesq; Deos.  
Nam bene Thespiacas, liuor licet audiat, vndas  
Notimus, & dextro pressimus antra pede.  
At vos incautus socijs aconita parate,  
Et furis miseræ extimulate domos:

Oedipodisq; modo, thalamos fœdate paternos,  
Si modo dat certum vulgus habere patrem:  
Nocturnisq; dolis agitate, & cadibus Urbem,  
Perq; fora infestam reddite, perq; vias.  
Hæc studia, hæc artes primis didicistis ab annis,  
Non Aganippæ tangere fila lyre.  
Nam neq; Calliope vobis, nec dexter Apollo  
Permessi sanctos exhibuere lacus:  
Dira sed Alecto gemina comitata sorore  
Pecula cænosa de Phlegethonte tulit.  
Nimirum hinc nigro mores, & carmina tabo  
Pallent, & fœdo luos in ore sedet.  
Fallor, an hos nobis misit grauis Aetna Cyclopar:  
Mitis & hanc sentis tu quoq; terra luem?  
Heu mea Parthenope, quæ te nō cōtagia ladunt?  
Talia tu nunquam gignere monstra soles.  
Dij patrū, quorum monitis huc aduena clāssis  
Appulit, Euboicas constituitq; domos:  
Littoribus talem nostris auertite pestem,  
Mœnia felici si posuistis aue.  
Vosq; umbræ insontes, quas iam lethale venenum  
Ante diem Stygias ire cōëgit aquas,  
Vltrices huc ferte faces, fumoq; sequaci.  
Autores vestra sollicitate necis.  
Et vos ô vatum certissima numina, Musæ,  
Numina carminibus non violanda meis,  
Parcite, si vestras nunc primū laesimus aures:  
Iusta laceßita sumpsimus arma manu.



## A C T I I S Y N C E R I

## S A N N A Z A R I I E L E G I A .

rum Liber II. ad Alfonsum Fer-  
dinandi filium Aragonium  
Siciliæ Regem.



LEONSE, inuito laus acces-  
sura parenti,  
Hesperios iter nõ leue nomẽ auos:  
Quid me laudatos Parnassi mit-  
tis ad amnes?

Obruitur largo flumine nostra sitis.  
Gloria Vergilio est, currus, atq; arma referre:  
Nasonis medio fata in amore mori.  
Battiaden docti sectatur Musa Properti:  
Flaccus Pindaricos diuidit aure modos.  
Passeris exequias fracto canit ore Catullus.  
Tu Nemefim laudas culte Tibulle tuam.  
Omnia non vno desudant effusa campo:  
Noster in exiguo tramite currit equus.  
Sime Castalia docuisset Phæbus in vmbra,  
Oraq; Gorgonea nostra rigasset aqua,  
Meq; vel Aeschyles donasset Musa cothurno,  
Et foret in nostro grandior ore sonus:  
Non ego Phasiace canerem certamina pubis,  
Aequora non prima sollicitata rate:  
Non coniuratos subuertere Pergama Reges,  
Non Troie profundos post duo lustra deos,  
Thebanasue acies, fratrumq; immitia bella,  
Savaq;

*Sæuaq; discordi funera raptæ pyra.  
Teq; tuosq; meo celebrarem carmine: nec me  
Pignore tam grato dulce gravaret onus.  
Nam canerem victosq; duces, Hispanaq; regna,  
Horridaq; à proavis bella peracta tuis:  
Demissumq; genus antiqua ab origine Regum,  
Quantaq; magnanimi gesta feruntur aui:  
Dum Libyæ tractus, veteres Carthaginis arces,  
Lotophagum dities & populatur agros.  
Reginæ accitu mox Itala regna secutus,  
Chalcidicasq; arces, Parthenopenq; subit.  
Sed quoniam instabiles animos muliebria versant  
Pectora, suspectos deserit ille lares,  
Ac patriæ petit arua sua, nec longa moratus  
Ultiores rursum ducit in arma Deos,  
Obsessamq; intrat nymphis comitantibus urbem,  
Quâ per operta vagus labitur antra liquor:  
Aurea quin illo dicunt sub rege fuisse  
Secula: felices qui meruere frui.  
Quid patris inuictas acies, quid concita dicam  
Classica per campos Dæmonia terra tuos:  
Disiectosq; ducet, populataq; castra, neq; ullis  
Clara magis Regum prælia temporibus?  
O mihi supremos si Parca indulserit annos,  
Quanta canam, quantus vox mea plausus erit!  
Tunc ego Meonios ausim perrumpere fontem,  
Sæuaq; terribili bella tonare tuba.  
Utq; alios fileam, tua fortia facta referrem,  
Prouerberentq; animos tot monumenta meos:*

Ut puer extremas regni percurreris oras,  
 Lustratis referens premia litoribus:  
 Et malè pacatos sedaueris ante tumultus,  
 Quàm patrûs hostes finibus expuleris.  
 Primus honos, forti defensos milite Locros  
 Seruasse, & muros vrbs Melibœa tuos.  
 Necnon Marte pari summas Caulonis in arces  
 Venisse, inq; suo templa sacrata iugo,  
 Templa Deæ vastis latè qua præsidet undis,  
 Vna Iouis coniux fida sororq; Iouis.  
 Testis Chralis erit, testes Sybaritides vnda,  
 Oraq; que fluctus prospicit Ionios.  
 Adde quod Etruscos oppleueris agmine cæpos,  
 Et tibi captiuus fluxerit Arnus aquis:  
 Totq; pharetratas, Turcarum corpora, turmas  
 Ausonûs dederis manibus inferias.  
 Gratia dijs Italis, prærupta Ceraunia, & arces  
 Butroti nostras pertinuere minas:  
 Captiuumq; ducem, fractosq; aspeximus arcus,  
 Detulit hinc domita quos tua classis aqua.  
 Hinc Ligurum furias, compressaq; iurgia ferro.  
 Gallicaq; in partes oppida versa duas.  
 Ipse ego qua vidi referam: scitis Thuscula tellus,  
 Quæq; cadit summo lymphæ Aniena iugo.  
 Nam duce te, Latios ferro dum subruis agros,  
 Tempora militiæ prima fuere mea:  
 Bis Nomentanas, bis magni Tyburis arces  
 Vidimus ad nostros proiçere arma pedes:  
 Cùm iam sit media trepidatum penè Suburra,



Et Capitolino vota parata Ioui.  
 Nec semel (vt fatear) Collina ad limina porta  
 Fregimus armatos reppulimusq; duces.  
 Parce tamen veneranda parens, si iusta secutus  
 Signa sub Alfonso: Rex erat ille meus.  
 Lanuvium infelix, fati contraria nostris  
 Terra, potes certas tu variasse vices.  
 Nam quòd ad hostilem flexit victoria partes,  
 Fortune magis hoc, quàm fuit artis, opus.  
 Ille sed Eridani ripas non fractus in altas  
 Contendens, chara regna sororis adi:  
 Metatusq; locum castris, Insubria passim  
 Fudit, & Euganeis agmina missa iugis.  
 Dicite iò populi, turmas spectastis ouantes,  
 Et per victrices fœdera iuncta manus.  
 Ipse quoq; haud sileat quos cedere Farfarus hostes  
 Risit, & exulum vertere terga ducem.  
 Hec ubi nunc Roberte tua vocesq; minaq;  
 Campani peteres cùm tibi iura soli?  
 Iam nostros Reges, iam sternere cuncta parabast  
 Nunc fuga degeneres arguit ecce metus.  
 Hortarisq; tuos dimittere signa maniplos,  
 Hec pudor, & longa premia militie.  
 Hos tamen ille pius, quamuis diuersa secutos,  
 Alfonsus miti fouit, & auxit ope.  
 Maeste animo custosq; hominũ, maeste optime Re:  
 Ausonia tu Sol, tu pater vnus ades. (gum  
 Quid memorem pacisq; artes, belliq; labores,  
 Perpetuumq; animi tempus in omne decem?

Sed me formosa deterrent iussa puella,  
 Ne possim tantis inuigilare choris:  
 Et vetat asper Amor dulces contemnere curas,  
 Cogit & inuiso subdere colla iugo.  
 Nec prosūt lacrymæ, nec verba precātia mortem:  
 Ille suas in me concutit vsque faces.  
 Quare si nostri veniet tibi nuntia leihī  
 Fama, triumphales iam propè siste rotas:  
 Atq; hac ad cineres mærens effare sepultos:  
 Scuitia domina rapte Poëta iaces.

IN FESTO DIE DIVI NA-  
 zarij martyris, qui Poëta  
 natalis est.

**E**Cce mihi totum lux expectata per annum  
 Iam redit, Aonia ferta nouatè Dea.  
 Hec me vitales genitum produxit in auras,  
 Iussit & erectum tollere ad astra caput.  
 Nunc mihi purpureis arā cumulate Hyacinthis:  
 Cingite & intexa limina nostra rosa.  
 Sic etenim coluisse decet geniumq; laresq;:  
 Ferte coronato thura, merumq; foco.  
 Tuq; apio innexos dudum acceptura poëtas,  
 Splendida solenneis instrue mensa dapes.  
 Hic mihi Puniceo Pontani Musa cothurno  
 Incipiet posito carmen hiare mero:  
 Naturaq; vias, teneriq; exordia mundi  
 Proferet, & certa cuncta obitura die.  
 Crassus at eterno frondis redimitus honore,

Soluat

*Soluat Pierijs ora rigata modis:*

• *Et mihi Linternumq; vetus, placidumq; Perinñ,*

*Ostendatq; atavi regna opulenta mei:*

*Regna malè ad seros, heu, peruentura nepotes,*

*Dum versat varias sors inimica vices.*

*Altiliusq; nouus superis laturus honores,*

*Pindarica feriat carmina docta lyra.*

*Sfortiadum mox dicat, Aragoniosq; hymenæos:*

*Iure quibus cantus æquet Homere tuos.*

*Nec gemat exilium Spartani Musa Marulli,*

*Ventura ad nostras ingeniosa dapes:*

*Verba sed antiqua reddat, numerosq; Lucreti:*

*Dum magnis diuos laudibus accumulât.*

*Adde tuos Pudrice sales, addè inclyta patris*

*Eloquia, adde animo tot bona parta tuo.*

*Iamq; Panhormite lusus, & scripta recense,*

*Et Iouiniæa tempora amicitia.*

*Hos inter meritis rediens Aquinius ab armis,*

*Prodat honorata præmia militia:*

*Atq; chori princeps docti argumèta Plutarchi,*

*Cumq; suis referat dogmata principijs.*

*Ipsè autem haud dubitet Cabanilius acta referre,*

*Vel sua, vel magno iuncta parentis auro.*

*Nec Phæbo minus ipse suo, quàm Marte probatus,*

*Phocaico pexas tingat in amne comas.*

*Tu quoq; què iuuenè veneror, dulcissime Garlon,*

*Incipe iam docta plectra mouere manu;*

*Allifasq; tuus mihi concine, dum vaga Lunam.*

*Sidera per tacitum nocte sequuntur iter.*



*Talibus auspicijs geniales ducere cœnas,  
Thespiadumq; modis concelebrare iuuat.*

IN CALENDIS IANVARIIS,  
AD FVSCVM.

**E**Xoritur lux alma, caput Sol detegit Aureū:  
 Qui toties nostros exhilarauit auos.  
 Exoritur: redit ecce anni melioris origo.  
 Quisquis ades, sancta concipe voce preces.  
 Cingantur de more sacris fastigia templis,  
 Qua vaga Sebethi Nais ab amne legit.  
 Ipse sui Ianus præpandat limina templi:  
 Cui geminum liquido sillet odore caput.  
 Illius & castas sument pia thura per aras:  
 Atq; focos supra slet, videatq; sacros:  
 Nuniet & tibi Fusce novos virtutis honores.  
 Iam reor hæc animum vota fouere tuum.  
 Nec magis optaris, quas Lydius amnis arenas,  
 Quas voluit flauæ lympha superba Tagi.  
 Nec magis vberibus quicquid sibi colligit aruis  
 Medus, & assiduo Sole perustus Arabs.  
 Iusta precor: Latijs vtinam discedat ab oris  
 Hostis, & indecori victus oberret equo.  
 Victus Hydruntinas cogatur relinquere terras;  
 Et plangat nostram sanguinolentus humum.  
 Hæc veniet lux Fusce tuis latissima votis,  
 Cum pax optatas ducet in Vrbe moras.

IN MORVM CANDIDAM.

**N**unc Erato virides capiti subnecte corymbos,

Profer & aurata fila canora lyra.

Arboris umbrifera casus referamus acerbos.

Non erat hæc nostro fabula nota solo:

Audiat, & molli cantantes protegat umbra

Ipsa,

Olim Baianis fuerat pulcherrima sylvis

Naias, errantes figere docta feras.

Quam liquidus clausis Lucrinus sæpe sub antris

Optavit lateri iungere posse suo.

Nec semel illius pharetram, laudavit & arcum

Pastorum incultis fistula carminibus.

Testes Cumæ, testes Linternides vnde,

Sancta; Gaurana numina Hamadryades,

Illam Sylvanos, Panas; odisse bicornes,

Et quoscunq; colit sylva, nemus; deos.

Sed quid fata parant? soluta Morinna redibat

Montibus: hoc illi nomen, & omen erat:

Cum subita cælum texit caligine nimbis,

Et multa canam grandine fecit humum.

Illæ hyemem fugiens, diuersa per arua cucurrit,

Tecta caput fertis grandine tecta caput.

Vallis erat prope sulfureos malè peruia montes,

Candida quam Graio uomine signat humus.

Hanc super excisis pendebat cautibus antrum,

Agricolum hirsutis nota domus gregibus.

Pugnantes huc forte coëgerat impiger hircos

Semideusq; caper, semicaperq; Deus.  
 Quem procul vt vidit Nymphæ, sic pectore toto  
 Insequitur, tales & iacit ore sonos:  
 Quò properas ali dura, measq; ingrata querelas  
 Despicis? aspectus ne fuge Nympha meos.  
 Mecum capreolos, mecum venabere damas:  
 Parebit iussis hoc pecus omne tuis.  
 Nil est, quòd fugias: mihi crede, recentia semper  
 Pocula de niueo fagina lacte madent.  
 Semper picta rosis, semper contexta ligustris  
 De nostro poteris munera ferre sinu.  
 Dixit, at illa volans celeres præuertitur auras,  
 Imbre nihil motos impediende gradus.  
 Iamq; patens tristesq; lacus, sterilemq; paludem,  
 Consitaq; arbutis non minus arua nouis,  
 Adspicit exesi longè sub faucibus antri  
 Obscurum cæco puluere noctis iter.  
 Huc, tãquã in latebras se coniicit, haud minus ille  
 Insequitur præda tractus amore sua.  
 Iamq; patens cælum rursus, Solemq; videbat,  
 Liquerat & montem post sua terga cauum:  
 Dextra Pontus erat, præruptaq; saxa sinistra:  
 Et iam defessam, iamq; premebat amans.  
 Protinus exclamans? Fer opem mihi Delia, dixit:  
 Oraq; supremo diriguere sono.  
 Attulit auxilium Nympha Dea, seq; vocanti  
 Præbuit: illa cadens sponte recumbit humi:  
 Fitq; arbor subito: Morum dixere priores,  
 Et de Morinna nil nisi nomen habet.



*Pes in radicem, in frondes iuere capilli,  
 Et quæ nunc cortex, cerula vestis erat.  
 Brachia sunt rami, sed quæ nitidissima poma,  
 Quas malè vitasti Nymphea fuere niues.  
 Fleuit Misenus, mutatum fleuit Auernus,  
 Fontibus & calidis ingemuere Deæ.  
 Quinetiam flere suis Sebethides antris  
 Naiades, & passis Parthenopea comis.  
 Sed tamen ante alios lacrymas in stipite fudit  
 Faunus, & hæc tristes addit ad inferias,  
 Inter syluicolas ô non ignota sorores,  
 Nunc Morus, duris candida corticibus,  
 Viue diu: & nostros semper tege fronde capillos,  
 Cedat ut ipsa tuis pinus acuta comis.  
 Tu nunquã misera maculabere sanguine Tybes,  
 Immemor heu fati ne videare tui.  
 Tu, nec fata negant, niueis vberima pomis  
 His olim stabis frondea limitibus:  
 Et circum pueriq; canent, facilesq; puellæ,  
 Ducentes festos ad tua sacra choros.  
 Hæc lenus insigni cecinit testudine Musa:  
 Aoniasq; volans læta reuisit aquas.*

## AD BACCHVM. °

**B**acche bimater ades: sic sint tibi nexa corym-  
 Cornua, sic nitidis pendeat vua comis: (bis  
 Seu te nunc Thebe, seu te nunc Ismarus horrens,  
 Siue habet vmbresis Naxos amica iugis.  
 Huc pater, huc propera frondenti candidè thyrsò  
 h 3 Huc

Huc potius gressus dirige Bacche tuos.  
 Sed pallam iam pone grauem, pictosq; cothurnos,  
 Et multo teneros tu quoq; tinge pedes.  
 Tecum etiam Dryadesq; Deæ, Satyriq; bicornes  
 Adsint, & calamos, concavaq; æra sonent.  
 Raucaq; subductis percurrant tympana palmis,  
 Bassaridum fuisis turba verenda comis.  
 Quas malè festinans Silenus pone sequatur,  
 Et procul ut maneant, subsideantq; roget.  
 Tum secum auriti fatum deploret a selli,  
 Incedet ferula dum titubante senex.  
 At Deus hortorum, cui vertice fixa rubenti  
 Canna tremis, seuæ falce repellat aues.  
 In medio crater calato maximus auro,  
 Spumet inexhaustum, Lesbica dona, merum:  
 Et circum de more tuas caua tibia laudes  
 Intonet, appositas concelebreitq; dapes.  
 Ipse ego perq; vias Urbis, perq; omnia passim  
 Compita, perpetuò sacra colenda feram.  
 Ipse Giganteo referam memorata triumpho  
 Nomina, & ouanteis, Orgia leta, choros.  
 Nec sileam fuscas acies, Gangetica regna,  
 Gestaq; odoratis prælia litoribus.  
 Mox thalamos Ariadna tuos, tectaq; iugales,  
 Quæq; nitet medio fixa corona polo:  
 Iamq; pios ritus, indictaq; sacra frequentans,  
 Instituam virgas fronde virente tegi:  
 Incendamq; tuus vates tam magnus ad aras,  
 Quàm nec Vergilius, quàm nec Homerus erat.

*Tu mihi sancte pater mordaces exime curas,  
 Nubilaq; annoso pectora solue mero.  
 Tu mihi securos adige in praecordia somnos;  
 Afflatusq; iuua lumina fessa tuo.  
 Scimus enim quantos ineunte etate laboreis  
 Pertuleris, quantos fulminis igne metus.  
 Infelix Semele quid munera poscis amantem,  
 Quae tibi, quae nato sunt nocitura tuo?  
 Posce Iouem, quae digna tuis sint pramia votis,  
 Posce: ferēs votis pramia digna tuis.  
 Non tibi syluicolūm proles de plebe deorum,  
 Sed cui sint Phœbus, Mercuriusq; pares.  
 Sed quam Saturnus non dedignetur ab alto  
 Noscere, quam leto Iuppiter ore probet.  
 Salue chara patris soboles, mitissime diuūm:  
 Salue hominum requies, letitiaq; parens:  
 Et faciles (si iusta peto) mihi prospice Musas:  
 Et me pacato numine dexter adi.*

AD LVDOVICVM MONTA-  
 lium Syracusanum, Caroli Ca-  
 saris sexinij magistrum.

**M**ons altus nomen clarum tibi, siue niuosis  
 Nascenti dederit fertilis Aetna iugis,  
 Seu lustrata vagis Nebrodis saxa Naphæis,  
 Siue Dionæo numine clarus Eryx,  
 Seu quod Olympiaco reptaris vertice, teq;  
 Pertulerit placido blanda Arethusa sinu  
 h 4 Nobile



Quaęq; iacet Baulos inter lucumq; Sibylla,  
Et prochyta rectum per iuga tendit iter:  
Nos hic (ut nostri) dura parere puella  
Cogimur, & tristes ducere in vrbe moras.  
Nec tamen aut studijs animum intendisse seueris,  
Aut prodest sanctas excoluisse Deas.  
Dumq; tot vnanimis dederint mihi fata sodales  
Auxilium, nemo est, qui mihi rite ferat:  
Instat seuus Amor, reficitq; in cote sagittas,  
Nec patitur presso colla mouere iugo.  
Et licet assiduis tabescant pectora curis:  
Querimus, vnde queant tanta venire mala.  
Atq; vtiã tristes Lachesis mihi finiat annos,  
Claudat & etatis tempora dura mee:  
Aut aliquis, saui quę sit medicina furoris,  
Non vanus nostra cantet in aure Deus.  
Sed iam laurigeris cessant oracula Delphi:  
Mutaq; Cumę virginis antra silent.  
Nec Pan Mænalia reddit responsa sub vmbra:  
Nocte licet pastor viscera libet ouis.  
Nec mihi Chaonias spes est audire columbas:  
Cornigerumq; pudet fata referre Iouem.  
Oblitasq; loqui iam pridem Gracia quercus  
Mirata est posito conticuisse Deo.  
At tibi venturos Mai prædicere casus  
Fas est, & mites consuluisse Deos.  
Nec tantum aut ara fumos, aut nuntia sentis  
Fulgura, sed Stygijs somnia missa loci,  
Somnia quę miseram perturbant sape quietem,  
h s Dum

Dum mens incertis pendet imaginibus,  
 O quoties per te vanum posuisse timorem  
 Me memini, & latos continuasse dies.  
 O quoties, trepidus cum non spernenda putarem,  
 In nostrum caui damna futura caput.  
 Sape mea tibi cum narraſſem viſa puella,  
 Dixiſti certos haud procul eſſe metus.  
 Sape illam madidos luſtrare in flumine crines  
 Inſiſti, & miſto ſoluere farra ſale.  
 Quid ſi olim terris talem te fata dediſſent,  
 Spreuiſſet Tuſcos Martia Roma viros.  
 Nam te quis melius calidas deprendere fibras,  
 Conſulere aërias aut potuiſſet aues?  
 Illa triumphatum regeret nunc legibus orbem,  
 Nec foret in cineres obruta pene ſuos.  
 Nec fera vidiffet Cannenſis funera pugna,  
 Aut aquilas Parthos tam maleferre duces.  
 Scipiadum patrijs habitarent ſedibus umbra:  
 Tanta nec Hiſpanum conderet oſſa ſolum.  
 Te duce veridica patuiſſent ſcripta Sibylla:  
 Non intellecto qua nocuere deo.  
 Fortunate deũ interpres, quem ſidera norunt,  
 Cui ſuperũ mentes explicuiſſe licet.  
 Non te lethali tetigi puer improbus arcu:  
 Quamuis & dominos implicet ille deos:  
 Nec tibi ſecuros rumpunt ſuſpiria ſomnos:  
 Fallaces Veneris deſpicias inſidias.  
 At nos incertis caci iactamur in vndis:  
 Ducimus & nullo tempora conſilio.

Et quisquam mihi nunc longos optauerit annos,  
 Cum videat vita tedia tanta meae?  
 Non me Sisypheio superent impulsa labore  
 Saxa, nec infernis dolia adacta vadis.  
 Et Tityi rostro cedit mihi vultur obunco.  
 Pomaq; Lethaei risa sub arboribus.  
 Vos igitur, qui me victum iam fletis amici,  
 Sic mea compositis cadite busta notis:  
 Altius hic situs est: cineres gaudete sepulti:  
 Iam vaga post obitus umbra dolore vacat.

## IN DOMINÆ NATALEM

AD IVNONEM.

**I**Vnoni fer sacra, novas lege Musa coronas:  
 Natalis domina iam mihi festus adest.  
 Ipsa sed in primis solennes indue cultus,  
 Et mihi purpurea tempora cinge rosa.  
 Utq; aliquid gratas diuæ meditemur ad aras,  
 Affer inaurate garrula plectra lyrae.  
 Tu quoq; vitta tuos auro subnecte capillos:  
 Plurimaq; in niueo pectore gemma micet.  
 Hac mihi te, mea lux, seros promisit in annos,  
 Hac mihi te certam iussit habere dies.  
 Quanta mihi hac primum fulserunt gaudia luce?  
 Quantus in hoc vno tempore venit honos?  
 O mihi Erythraeis merito signanda lapillis:  
 O mihi delicias inter habenda meas.  
 Quisquis ades, bona verba, & letos edite cantus,  
 Liba q; de Siculo dulcia mella date.

*Alba*



Alba mihi vestis nullo violata venero  
 Adsit, & in geminos defluat apta pedes.  
 Ante aram viridi texant umbracula quercu  
 Formosis Dryades, rustica turba, comis.  
 Phæbus odorata circum tegat atria lauro:  
 At myrto duplices tu Cytheræa fores.  
 Ipsa Arabum merces Nisæia turba ministret:  
 Lenæusq; ferat Naxia vina pater.  
 Omnia sint letis operata ex ordine sacris:  
 Et cælum niueis constrepat alitibus.  
 Magna parens Iuno, centum comitata ministris,  
 Huc ades, & votis annue diua meis.  
 Vos quoq; per vacuū quæ luditis æera, Nymphæ,  
 Cingite felici nubila summa choro.  
 Scilicet euentus hac sint bona signa futuri:  
 Huc eadem plenæ nuntia letitiæ.  
 Ipse ergo vestra sequar iucundo gaudia plausu,  
 Et peragam varios ore manuq; modos:  
 Quin etiam sertis, & thure calentibus aris  
 Excipiam sancta numina vestra die.  
 At tu natalis, nullos non fauste per annos,  
 Semper honorata luce ferenus eas.  
 Quodq; opto, innumeras (si quid prece posse puta-  
 Cumæe vincas vatis olympiadas. (mur).

## AD RVINAS CVMARVM

VRBIS VETVSTISS.

**H**ic, vbi Cumæa surgebant inclyta fama  
 Mænia, Tyrrheni gloria prima maris,  
 Longinquis quò sæpe hospes properabat ab oris,  
 Visurus

*Visurus tripodas Delie magne tuos.*

*Et vagus antiquos intrabat nauita portus,*

*Querens Dædalie conscia signa fuge:*

*(Credere quis quondā potuit, dū fata manebant?)*

*Nunc sylua agrestes occulit alta feras.*

*Atque ubi fatidice latuere arcana Sibyllæ,*

*Nunc claudit saturas vespere pastor oves.*

*Quæq; prius sanctos cogebat Curia patres,*

*Serpentum facta est alituumq; domus.*

*Plenaq; tot passim generosis atria ceris,*

*Ipsa sua tandem subruta mole iacent.*

*Calcanturq; olim sacris onerata trophæis*

*Limina, distractos & tegit herba deos.*

*Tot decora, artificumq; manus, tot nota sepulcra,*

*Totq; pios cineres vna ruina premit.*

*Et iam intra solasq; domos, disiectaq; passim*

*Culmina setigeros aduena figit apros.*

*Nec tamen hoc Graijs cecinit Deus ipse carinis:*

*Præuia nec lato missa columba mari.*

*Et querimur, citò si nostra data tempora vite*

*Diffugiunt? vrbes mors violenta rapit.*

*Atq; vtinam mea me fallant oracula vatem:*

*Vanus & à longa posteritate ferar.*

*Nec tu semper eris, quæ septem amplexeris arces:*

*Nec tu, quæ medijs æmula surgis aquis.*

*Et te (quis putet hoc?) altrix mea durus arator*

*Vertet, & Vrbs, dicet, hæc quoq; clara fuit.*

*Fata trahunt homines fatis vrgentibus, vrbes,*

*Et quodcunq; vides auferet ipsa dies.*

**Q**uid miser externas perquiris nauita gētes?  
 Et tam longinquo gurgite quaris opes?  
 Nec te ventorumq; minas, pelagiq; procellas,  
 Nec piget ignote damna subire via.  
 Aspice, quàm tenui velemus cortice gemmas:  
 Iam tibi, quicquid habēt littora rubra, damus:  
 Seu vis purpureos roseo fulgore Hyacinthos:  
 Insensam Baccho siue Amelhyſton amas:  
 Ardenteis seu quæ torres imitantur, & igneis:  
 Seu mage diluto lumine Chrysolithos.  
 Sed rude diuitias extollit vulgus inanes:  
 Nec meminit, quantis sit caput inde malis.  
 Diuitia fera bella viris, lethumq; tulerunt.  
 Nam prius æterna pace vigeat humus.  
 Diuitijs natoq; pater, natuq; parente  
 Ceditur, & charo fratre verenda soror.  
 Nec tantum seua tractant aconita nouerca:  
 Sed iugulat partus mater auara suos.  
 Adde quòd & gemmæ solo fulgore probantur,  
 Adscitusq; illis queritur arte decor.  
 At nobis natura oculos tardare tuentes,  
 Et dedit arenti pellere ab ore sitim.  
 Nec nostræ populos armant in prælia gemma,  
 Nec suadent magnos clàm violare Deos:  
 Sed semper placidis visunt conuiuia mensis:  
 Stant vbi iucundo pocula plena mero.  
 Illic nos tenera vir porrigit ipse puella,  
 Porrigit & cupido fida puella viro.

Paci




*Pacis optus sumus, & pacati munus amoris,  
Quod capit à Satyro Nais amata suo.  
Nunc temere, infernis cum nos libasset in hortis,  
Noluit ad matrem nata redire suam.  
Nos quoq; dū Libykos errat Pomona per agros,  
Obstupuit pleno fracta rubere sinu:  
Ac rarum mirata decus, mirata liquorem,  
In sua de patrio transtulit arua solo.  
Ergo Punicea laus hac & gloria sylvae,  
Vincere gemmiferi lucida dona maris:  
Pallentiq; graues depellere corpore morbos,  
Aegraq; Paonijs ora leuare modis.  
Quod nec Erythraei prestabunt littera ponti,  
Non opibus pollens Indica terra suis.  
Tu verò, duplici fulgent cui tempora lauro  
Militiae, & sacri Dux Aquiniue chori:  
Accipe nos, laudum contentus lace tuarum:  
Muneraq; inuisa dispice luxuria:  
Et seu carminibus, seu delassaberis armis,  
Diluat exundans hac tibi gemma sitim.*

ACT II

## ACTII SYNCERI

SANNAZARII ELE-

giarum Liber III. ad Federicum  
Ferdinandi filium, Arago-  
neum, Sicilię Regem.

*E*go ego fallaci tātū seruire puella  
Natus, & aduerso semper amore  
queri?

*Nec me Pieria spectabit Phæbus  
in umbra*

*Inter certantes carmina ferre choros?*

*Quā densos Helicon saltus, collesq; virentes  
Pandit, & Aonidum perluit antra liquor,*

*Dispositaq; iugis intexunt ferta puella,*

*Pendientesq; sonant per caua saxa lyre.*

*Iam libet intactis haurire è fontibus vndam,*

*Et lustrare sacrum, quā via nulla, nemus.*

*Ardua sunt tentanda: nonas en carmina vires.*

*Sumite: per durum gloria anhelat iter.*

*Nunc opus est alia crinem compescere fronde:*

*Nil mihi cum fertis Bacche iocose tuis.*

*Ipse audax virides Parnassi in vertice lauros.*

*Decerpam, aut syluis Pinde canore tuis,*

*Ipselyram nullo percussam pollicis ictu*

*Suspendam ex humeris, premia rara, meis.*

*Non ego nunc molles meditor lasciuus amores:*

*Nec iacio ad surdas carmina blanda fores.*

*Maior ad heroas me subleuat aura cothurnos:*

*Maior*

*Maiores in nostro personat ore Deus.*

- *Latius ades Federice tuas ex ordine laudes  
Exequar: auspicijs fama petenda tuis.  
Nā quāquam antiquis Regū bene fulta triūphis  
Stat domus, & tantis se tibi iactat auis;  
Maiorum tua non titulis innixa recumbit  
Gloria, nec priscis gestit imaginibus:  
Sed certat magnos virtus ante ire parentes,  
Aeternum & vera laude parare decus.  
Nec tua facta olim titulo breue marmor habebit:  
Immensum magni carminis illud opus.  
Seu te quis teneris puerum miratus ab annis,  
Aetatis referat tempora prima tuæ:  
Seu casus rerum varios, durosq; labores,  
Exhausta & saevo praelia Marte canat.  
Egressum vix dum cunis Aeneia nutrix  
Sensit, & aduentu mota repente tuo est:  
Terq; Deos venerata, caput ter subtulit urna,  
Et tandem Phrygio lingua voluta sono est.  
En iterum Sol magne, mea post diruta Troie  
Pergama, post Latios spes mihi surgit annos.  
Hæc etate vagi quondam per prata Scamandri,  
Aeneam vidi ludere sæpe meum.  
Nec tu maior eras, cum iam post fata Creusæ  
Reptares gremio pulcher Iule meo,  
Certaresq; iocis curas mihi demere aniles,  
Deducens blandas nostra per ora manus.  
His tamen auspicijs Albana ad sidera turres  
Creuere, & rerum maxima Roma caput.*



Hinc Decios, Fabiosq; hinc pectora dura Catones  
 Vidimus, & fasces Brute seuerè tuos.  
 Vidimus & ductos non vno ex hoste triumphos.  
 Auctaq; Iulais stemmata Caesaribus.  
 Ingredere, ô, felixq; subi pedè nostra secundo  
 Mœnia, propensos & venerare Deos:  
 Ingredere, Antiphata pollens tibi regia seruit;  
 Et Lestrygonio limina tuta metu.  
 Sit Ioue Creta potès, sint clari ab Apolline Del-  
 Laudet Amiclaos Tenaris ora duces: (phi-  
 Alcidem, Bacchumq; ferant ad sidera Theba:  
 Terra rudimentis nostra beata tuis.  
 Nam te, dum rapidos arcet de finibus hostes,  
 Ardua magnanimus misit in arma pater.  
 Auspice te nostra nullis incurribus arces  
 Succumbent, nullis littora nostra minis.  
 Sed bene habet, cessere metus, cessere pericla:  
 Barbarus hostiles ad sua vertit equos.  
 Iam iuga, iam lati respirant vndiq; campi:  
 Nec tuba veliferas concitat vlla rates:  
 Tu tamen ad patrios renocabere victor honores,  
 Maternosq; sinus, Parthenopenq; petes.  
 Mox Salentinos ibis metator in agros,  
 Quà fecat Oebalia culta Galesus aqua.  
 Sed quò liuor edax non irruis: ecce repenti  
 Fata iubent longas te procul ire vias:  
 Romanumq; patrem, sacrasq; inuisere sedes,  
 In primis magnos promeruisse Deos.  
 Tuui pontes, arcusq; ducum, delubra, viasq;

Cumq;

Cumq; suis cernes structa theatra foris.

Interea Vaticanas numerare per ades

Tot signa artificum, tot monumenta licet.

Max Veios, veteresq; Umbros, forteiq; Sabinos

Transgresso, Adriacum stat superare latus,

Aemiliaq; domos, Apenninumq; niua lem,

Et Phaëthontæo proxima regna Pado.

Quis sumptus Leonora tuos, quis publica dicat

Munera, Atestinis edita principibus?

Iam veteres superas diues Ferraria ludos,

Aurea dum celeri premia ponis equo,

Effigiesq; deum, spectandaq; signa per oras

Extruis, & varijs pegmata celsa locis.

Quis rursum Venetæ miracula proferat urbis?

Vna instar magni quæ simul orbis habet!

Vna Italiam Regina, alta pulcherrima Roma

Aemula, quæ terris, quæ dominariis aquis.

Tu tibi vel reges ciues facis ô decus, ô lux

Ausonia, per quam libera turba sumus:

Per quam barbaries nobis non imperat, & Sol

Exoriens nostro clarius orbe micat.

Proxima sunt Gonsaga tuæ spectacula terra,

Donaq; per magnos antè parata duces:

Mantua quæq; largoq; exultat Mincius orè,

Ausus spumiferum tollere ad astra caput.

Mincius æterni sacrum geniale Maronis,

Cui cedit flauo lucidus amne Meles.

Hinc populos Ticine tuos spectare licebit,

Dietaq; lanigera mœnia pelle suis,

Taurinosq; altasq; Alpes, Pæninaq; castra,  
 Et Rhodanũ, & ripas magne Lemæne tuas.  
 Inde per immensum lati spatiabere campi,  
 Ostendit sacrum mons vbi Iura nemus:  
 Et veteres felix custodit Claudius arces,  
 Claudius æternæ conciliator opis.  
 Hic formidatas acies, ipsumq; videbis  
 Elatum longa prosperitate ducem:  
 Finitimis dum bella parat, tibiq; arma, virosq;  
 Commendans, magni ius dabit imperij:  
 Nimirum ingeniumq; sagax miratus, & artes.  
 Quaq; dabis mentis plurima signa tuæ.  
 Quapropter medijs generum te deligit armis,  
 Pollicitus natæ spemq; torumq; suæ.  
 Ac velut Oenomai currus, astumq; secutus,  
 Eludet pacti fœdera coniugij.  
 Sed male vi Oenomao currus cessere, doliq;  
 Perfidia pœnas sic ferus iste luet.  
 Ter victus, ter iam castris exutus ab hoste,  
 Postremo miseram corruet ante diem.  
 Nam deiectus equo, fossaq; inuentus in alta,  
 Obscœnam turpi sanguine tinget humum.  
 Nec iam erit, extremos funus qui curet ad ignes,  
 Non lapsis, incisis qui tegat ossa notis.  
 Tu celsus, tu sublimis, tu victor honor in  
 Accipies, tibi quem Gallia tota dabit:  
 Biq; tuis referet superatos Lingonas armis,  
 Ductaq; bis pulsos signa per Eluetios:  
 Præterea quantũ populorum Mosa coërcet.

Quant



Quantum cerulea Rhenus inundat aqua.  
 Atq; erit is nostra gentis vigor, omnia credi  
 Ut possim iusto succubuisse metu.  
 Hic ego te, laudesq; tuas fortissime Iuli  
 Non sileam, & valida praelia gesta manu.  
 Què titulis Aquiviva domus praelustribus ornat,  
 Mortalesq; inter, semideosq; locat.  
 Et iam militie moles tibi creditur omnis,  
 Omnia sub leges allicis ipse tuas.  
 Ad te patrato iuvenum pulcherrime bello  
 Tempus erat patrijs dona tulisse Deis,  
 Mendacisq; simul fastus, odiumq; tyranni  
 Cum propè defenso deseruisse solo.  
 Eia agè rumpe moras inuisaq; castra relinque,  
 Fidaq; magnanimi limina regis adi.  
 Cui vel ad Oceani fines tot littora parent,  
 Iuraq; dant sceptri Celtica regna sui.  
 Hic tibi felices tudas, certosq; hymeneos  
 Expediet, tutas & simul addet opes.  
 Testis erit Liger, Aruernis qui fusus ab antris  
 Libera devexum per loca findit iter.  
 Interea patrem, Campanaq; tecta reuise,  
 Debitaq; auspicijs hei mihi regna tuis,  
 Debita, sed fatis cū iam cessura malignis,  
 Euertet tantas cū ferus hostis opes.  
 Dū maris Hetrusci, p quos Tyberinus, & Arnus,  
 Macraq; ceruleis iungitur altus aquis,  
 Dū redit in patriā iuvenis, tot honoribus auctus,  
 Candida felici soluite vela noto.

Vosq; cita puppes iussu properate per aquor-  
 Fata dabunt istas saepe iterare vias.  
 Nec semel hos tractus, Ligurumq; videbitis oras,  
 Aut Vari infaustum fluminis hospitium,  
 Vallatosq; sinus scopulis Toroëntia claustra,  
 Et sparsas medijs Stechadas equoribus.  
 Deniq; Phocaicosq; sinus, Maricq; refossum  
 Littus, & antiqua mœnia Masilia.  
 Donec fatales Turonum accedere muros  
 Permittant vestro fata sinistra duci.  
 Ah Liger, ah nimium lacrymis vrgende meorum,  
 Qualia spectabis flumine busta tuo!  
 Busta, quibus magni ponant didemata reges,  
 Grataq; solenni flore parentet humus.  
 Atq; aliquis Latio veniens nouus hospes ab orbe,  
 Portet honoratas munus ad inferias:  
 Et dicat, Federice tuorum hic meta laborum  
 Hæsit: habet nostros hæc brevis vrna Deos.

QVOD PVERITIAM EGE-  
 rit in Picentinis, ad Cassan-  
 dram Marchesiam.

EST Picentinos inter pulcherima montes  
 Vallis: habet patrios hic pia turba Deos:  
 Quam super hinc cælo surgens Cerretia rupes  
 Pendet: at huic nomen Cerrea sylua dedit.  
 Parte alia sacra respondent saxa Thebenna,  
 Quiq; rigens Merula nomine gaudet apex.  
 Et circum nigra latè uemus accubat ymbra,

Plurimæ

Plurima quæ riguis effluit unda iugis,  
 Semiferi, si vera canunt, domus horrida Fauni,  
 Conuectant auide quod sua lustra fere.  
 Accipit hinc tergo formosum bucula taurum:  
 Accipit immundum sima capella marem.  
 Mille tori Dryadum, Satyrorum mille recessus,  
 Antraq; syluicole grata latebra Deæ.  
 Viuula nomen aquæ, tenuiq; subucula riuo,  
 Et quæ de gelida grandine dicta sonat.  
 Huc mea me primis genitrix dū gestat ab annis,  
 Deducens charo nupta nouella patri,  
 Adtulit indigenis secum sua munera diuis,  
 In primis docto florea ferta gregi.  
 Grex erat Aonidum: cætu comitata sororum  
 Ipsa sui princeps Calliopea chori.  
 Delius argutis carmen partitus alumni,  
 Flelebat faciles ad sua plectra manus.  
 Atque hinc me sacro perlustrauere liquore,  
 Cura quibus nostræ prima salutis erat.  
 Tum lotum media puerum statuere chorea,  
 Et circumfusus obstrepere sonis.  
 Denique pracinctumq; he deris, et virgine lauru,  
 Ad citharam dulces edocnere modos.  
 Tantus erat latis animum concentus in agris,  
 Vt posses ipsos dicere adesse Deos.  
 Venerat omne genus pecudæ, genus omne ferarū,  
 Atq; illa festum lux habuere diem.  
 Tunc ego pastorum numero syluestria primum  
 Tentauī calamis sibila disparibus:



Deductumq; leui carmen modulatus in vmbra,  
 Innumeros paui lata per arua greges.  
 Androgeūq; Opicūq; & rustica sacra secutus,  
 Commoui lacrymis mox pia saxa meū,  
 Dum tumulum charæ dum festinata parentis  
 Fata cano, gemitus dum Melisea tuos.  
 Ac tacitas per operta vias rimatus, & antra  
 Inspecto, & varijs flumina nata locis.  
 Mox maiora vocant me numina: scilicet alti  
 Incessere animum sacra verenda Dei,  
 Sacra Dei Regisq; hominum, dominiq; Deorum,  
 Primæcum sanctæ religionis opus,  
 Nuncius ætherei vt venerit aliger astris,  
 Dona ferens casta virginis in gremium.  
 Quid referam caulasq; onium lususq; canentum  
 Pastorum, & Reges Arsacis ora tuos?  
 Nec minus hæc inter piscandi concitus egit  
 Ardor in æquoreos mittere lina sinus,  
 Fallacesq; cibos vacui includere nassus,  
 Atque hamo vnduagos sollicitare greges.  
 Quandoquidē salsas descēdi ego primus ad vndas,  
 Ausus inexpertis reddere verba sonis.  
 Quid referam mollesq; Elegos, miserabile carmē,  
 Et superis laudes non sine thure datas?  
 Quæq; alijs lusi nupteris, dum seria tracto,  
 Dum spargo varios per mea dicta sales.  
 Multaq; præterea dilecta grata puella,  
 Adscisco antiquis rursus Hetrusca modis.  
 Vt sileam nunc impensos tot regibus annos,

Tot data belligera tempora militie:

• Et sileam vexata malis mea corpora morbis,

Vixq; Machaonia restituenda manu.

Adde graues populiq; fugas, procerumq; ruinas,

Influcta & miseris vrbibus exilia.

Ipsè per infestos tecum Federice labores

Multa adij terra, multa pericla mari.

Tuscorumq; vadus, Ligurumq; exercitus vndis,

Postremo litus Massiliense subi.

Iam Rhodanum, Volcasq; feros, Vocontiaq; arua

Legimus, & fines Belgica terra tuos.

Bisq; pruinosas cursu superauimus Alpes:

Bis metas magni vidimus Oceani.

Atq; hinc te tandem defleximus optime Regum,

Quantum Hecube natos fleuerat ipsa suos:

Quantum discissis fratres Cassandra capillis,

Andromacheq; sui dum legit ossa viri.

O fatum infelix, o fors malè fida quid illis

Egimus? o tristi mersa carina loco.

Cum nullum interea frugis genus imbre, vel aestu

Redderet ingenio Musa vocata meo.

Et iam miramur, longo si pressa labore

Amisit vires paruula vena suas.

Ipsè deum simul, atq; hominum celebrator Homer<sup>9</sup>

Deficeret, pedum segnis, interq; lyra.

Deficeret pater ipse, & carminis autor Apollo,

Pegasidum sacras qui tenet vnus aquas.

Ergo tanta mea cum sint dispendia vita

Facta, potes nostram quisq; dolere vicem,

Quòd non ingenio, quòd non profecimus arte,  
 Quòd mea sit longo meus propè victa situ:  
 Quòd mala subrepens imos, ceu pestis, in artus,  
 Irruerit, fracto corpore, segnities:  
 Nec pote iam lapsæ studium reuocare inuenta,  
 Ingenij cum sit tacta ruina mei.  
 Tu saltem bona posteritas ignosce dolori,  
 Qui facit, ut spreto sit mea fama loco:  
 Musarum spolierq; bonis, & nomine claro  
 Vatis, & hæc vltro credat habere mala.  
 Prosit, amicitia sanctum per secula nomen  
 Seruasse, & firmam regibus vsq; fidem.  
 Vosq; vel ignauo, vel tardo, parcite amici,  
 Cui natura suas dura negarit opes:  
 Dum tamen ambitione mala, atq; libidine turpi,  
 Et caream inuisa crimine avaritia.  
 Tu quoq; vel fessa testis Cassandra senectæ,  
 Quam manet arbitrium funeris omne mei,  
 Compositos tumulo cineres, atq; ossa piato:  
 Ne u pigeat vati solvere iusta tuo.  
 Parce tamen scisso, seu me mea vita, capillo,  
 Siue. sed heu prohibet dicere plura dolor.

## DEOS NEMORVM INVO:

cauenda domo.

**D**ij nemorū saluete: ego vos de rupe propinqua,  
 De summis patrie manibus aspicio:  
 Aspicio, venerorq; : caue mihi plaudite valles,  
 Garrula vicini perstrepat aura iugis.

Vos



Vos quoq; perq; focos felicia dicite ciues  
 Verba, per intactas flore decente vias.  
 Victima solennes eat inspectanda per aras:  
 Turbaq; Palladia fronde reuincta comas.  
 Mosq; ut ab antiqua repetatur origine Romæ,  
 Exterior forda cum boue taurus aret.  
 Ac prius infosso tectum quàm cingere sulco  
 Incipimus, iustos thure piate Deos.  
 Nulla per obductum decurrant nubila cælum:  
 Candidaq; augustum concinat omen auis.  
 Exurgat paries, ventos qui pellat, & imbres,  
 Qui multa circum luce serenus eat.  
 Adsit dispositis series concinna columnis,  
 Quæq; ornet medias crebra fenestra fores.  
 Ipse biceps primo custas in limine Ianus  
 Occurrat letis obuius hospitibus.  
 Protinus à dextra sacra, mea turba, sorores  
 Cingant virgineis atria prima choris.  
 A leua nitidis stratum Pythona sagittis,  
 Miretur posita Cynthius ipse lyra.  
 Aedibus in medijs parui sinus amphitheatri,  
 Visendas Regum prabeat historias.  
 Ac primum triplici sese defendat ab hoste  
 Fernandus, rapido iam metuendus equo.  
 Alfonsusq; pharetratas, diuisa agmina gentes,  
 Cogat Hydruntinis cedere littoribus.  
 Tū iuuenis Rex ipse, & Regū insignibus auctus  
 Alpinos adigat linguere castra duces.  
 Postremo Federicus, aruito letus honore,

Dalma

*Dalmaticas grandi classe refingat opes.  
Infestosq; Deos, metuendaq; iura minatus,  
Indicat nato bella gerenda suo.  
Hic bene conueniens membris variantibus ordo  
Adspiciat celebrem è regione situs.  
Exhedra, Xistiq; Tablinū, Hypocausta, Dieta,  
Et quæ priuatis vsibus apta velim.  
Atq; alia occasus, alia vertantur in ortus,  
Quæq; habeant Borean, quæq; inhibere Notū.  
Iungantur longis quadrata, obliqua rotundi:  
Et capiat structos plurima cella toros.  
O studijs placitura meis, o mille per artes  
Ocia Pierijs nostra iuuanda modis.  
Hic ego tranquillo transmittam tempora cursu,  
Dum veniat fatis mitior hora meis.  
Viximus ærumnas inter, lacrymosaq; Regum  
Funera, nunc patria iam licet vrbe frui:  
Vt quod tot cure, tot detraxere labores,  
Restituat vati Parthenopea suo.*

**FINIS.**

# ACTII SYNCERI SANNAZARII NEAPO-

litani, viri patricij, Epigram-  
mâ: on Liber I.

Ad Federicum Regem.



CRIBENDI studium mihi tu  
Federice dedisti,  
Ingenium ad laudes dum tra-  
his omne tuas.

Ecce suburbanum rus, & noua  
prædia donas:

Fecisti vatem, nunc facis agricolam.

Ad villam Mergillinam.

Rupis ô sacre, pelagiq; custos,  
Villa Nympharum domus, & propinqua  
Doridos, Regum decus vna quondam,  
Deliciaq;:

Nunc mea tantum requies camænis,  
Vrbis inuisas quoties querelas,  
Et parum fidos popularis auræ  
Linquimus æstus.

Tu mihi solos nemorum recessus  
Das, & herenteis per opaca laurus  
Saxa: tu fonteis, Aganipp' flumq;  
Antra reclusis.

Nam simul tete repeto, & hasq;  
Sedulus mecum veneror Napeas:  
Colle Mergillina iuo repente  
Pegasis vnda



Effluit, de qua chorus ipse Phœbi,  
 Et chori Phœbus pater, atq; princeps.  
 Nititur plures mihi iam canenti  
 Ducere riuos.

Ergo tu nobis Helicon & vda  
 Phocidos saltus, hederisq; opacum  
 Thespie rupis nemus, & canoro  
 Vertice Pindus.

I puer, blandi comitem laboris  
 Affer è prima citharam columna,  
 Affer & flores, procul omnis à me  
 Cura recedat.

Principis nostri decus, atq; laudes  
 Fama per latas spatiosa terras,  
 Euehat, qua Sol oriens, cadensq;  
 Frena retorquet:

Quaq; non notos populos, & vrbeis  
 Damnat æternis Helice pruinis,  
 Quaq; feruentis cumulos arena  
 Dissipat Auster.

Ille crescenteis veneratus annos  
 Vatis, antiquum referentis ortum  
 Stirpis, & clarum genus, & potentum  
 Nomen avorum.

Contulit larga numerosa dextra  
 Dona, & ignauæ stimulos iuuenta  
 Addidit, syluas & amica Musis  
 Otia prebens.

## Calendæ Maij.

Maius adest, daserta puer: sic sancta vetustas  
 Instituit, prisci sic docuere patres.  
 Iunge hederam violis, myrtum subtexe ligustris.  
 Alba verecundis lilia pinget rosis.  
 Fundat inexhaustos mihi decolor Indus odores:  
 Et fluat Assyrio sparsa liquore coma.  
 Grandia fumoso spument crystallæ Lyæo:  
 Et bibat in calices lapsa corona meos.  
 Post obitum non vlla mihi carchesia ponet.  
 Aeacus, infernis non viret vna ingis.  
 Heu vanum mortale genus quid gaudia differet?  
 Falle diem: medijs mors venit atra iocis.

## In tumulum Ladillai Regis.

Miraris niveis pendentia saxa columnis  
 Hospes, et hunc, acri qui sedet altus equo:  
 Quid si animos, roburq; ducis, præclaraq; nosset  
 Pectora, et inuictas dura per arma manus?  
 Hic Capitolinis deiecit sedibus hostem:  
 Bisq; triumphata victor ab Urbe redit:  
 Italiamq; omnem bello concussit, et armis:  
 Intulit Heirusco signa tremenda mari.  
 Nève foret Latio tantum diademate felix,  
 Ante suos vidit Gallica sceptrapedes:  
 Cumq; rebellantem præsisset pontibus Arnun,  
 Mors vetuit sextam claudere Olympiadem.  
 I nunc, regna para, fastusq; attolle superbos:  
 Mors etiam magnos obruit atra Deos.

## Ad Federicum Regem.

Clausa quod effossis erumpunt ossa sepulcris,  
 Et referant veteres putria saxa rogos:  
 Nimirum tanto cupiunt sub principe manes  
 Vivere, & ad nutus umbra vocata venit.  
 Utq; decet, longo man, iuras tempore sedes  
 Spondenti, & regnis otia lata tuis.  
 Quaeq; diu ambiguis tecum fortuna vagata est  
 Passibus, hic certa stat bene nixa rota.  
 Sume animos Federice: tuis hic meta periclis  
 Hareat: habent manes, & pia busta fidem.

## Ad Ninam.

Sexcentas Nina da, precor, roganti  
 Sed tantum mihi basiationes:  
 Non quas dent bene filia parenti,  
 Nec quas dent bene fratribus sorores:  
 Sed quas nupta rogata det marito,  
 Et quas det iuveni puella charo.  
 Iuvat me mora longa basiorum,  
 Ne me tam cito deserat voluptas.  
 Nolo marmora muta, nolo pictos  
 Dearum Nina basiare vultus:  
 Sed totam cupio tenere linguam  
 Insertam humidulis meis labellis.  
 Hanc & sugere, mor siunculasq;  
 Molles adijcere, & columborum  
 In morem, teneros inderisus,  
 Ac blandum simul excitare murmur.  
 Hec sunt suavia dulciora melle

Hybla



*Hybleo, & Sicula liquore canna.*  
*Hæc sola ambrosiaq; nectarisq;*  
*Succos fundere, sola habere possunt.*  
*Quæ si contigerint mihi, tuisq;*  
*Admouere sinas manum papillis:*  
*Quis tunc diuitias, quis aurum, & omnes*  
*Asse me putet æstimare Reges?*  
*Iam non maluerim mihi beatas*  
*Aurora, Venerisq; habere nocteis:*  
*Non Hebes thalamos beatiore:*  
*Non si deserat hæc suum maritum:*  
*Non si me roget vsquequaque: non si*  
*Aeternam mihi spondeat iuuentam.*

De natali Altilij vatis.

*Musarum lux alma, meus cui thura quotannis,*  
*Cui rite Altilius fundit in igne merum:*  
*Accipe seruatos hyberno frigore flores,*  
*Quæq; madent Siculis annua liba fauis.*  
*Quandoquidem magnum Latio, rarumq; dedisti*  
*Pignus, & Aonijs non leue nomen aquis.*  
*At tu, sic tristes nunquam experiare tenebras,*  
*Sic Phæbi nitido semper honore micas:*  
*Fausta precor, longos tamen expectata per annos,*  
*Altilioq; tuo concolor vsq; redi.*

Ad Federicum Regem.

*Hybernas tibi Pampineis cum vitibus vuas*  
*Mittimus, à regni gloria, honosq; tui.*  
*Præla vacant, riget omnis ager, spumantia tadem*  
*Musta silent: mensis est tamen vna tuis.*

Iam.

*Iam pater Autumnus vernantia lilia mittet,  
Talia si medio frigore bruma dedit.*

*De expeditione Alfonsi Regis.*

*Venturos olim Romana ad mœnia Turcas,  
Dixerunt vates: credite, vera canunt.*

*Scilicet Alfonsum Turcas in bella trahentem  
Expectas fatis anxia Roma tuis.*

*Pone metum, vincet: sed te meliora manebunt  
Imperia: Alfonso principe maior eris.*

*In tumulum Lauræ puellæ,  
Et lacrymas etiam superi tibi Laura dedissent:  
Fas etiam superos si lacrymare foret.*

*Quod potuit tamen, auratas puer ille sagittas  
Fregit, & extinctas mœsta Erycina faces.*

*Sed quamvis homines tangant tua fata, Deosq̃:  
Nulli flebilior, quàm mihi, vita iaces.*

*Felices animæ, quibus is comes ipsa per umbras,  
Et datur Elysium sic habitare nemus.*

*De partu Nisæ Charitei  
coniugis.*

*Dum parit, & longas iterat Nisæ querelas,  
Scinditur incerta seditione polus.*

*Pierides puerum, Charites optare puellam:  
His Venus, ast illis docta Minerva fœuet.*

*Astat amās Veneri Mauros, Phœbusq̃ Minervæ:  
Magnanimusq̃, æqua Iuppiter aure sedet:*

*Cum subito aurato surgit puer improbus arcu,  
Et cœlum notis territat omne minis.*

*Assensere metū superi: pater ipse Deorum*

*Risit, & Aonias iussit abire Deas.  
Exultat palma Venus, & nascente puella  
Argentur Charites, Cypria turba, Dea.  
Ad Federicum Regem.*

*Edicto nuper cum tu Rex magne caueres,  
Audaci ne quis stringeret arma manu:  
Deposuisse tuum vel primus diceris ensen,  
Et monstrasse palam primus inerme latens.  
Quid maius populisue tuis Federice, vel urbi  
Accidere huic nostra per tua dona potest?  
Post domitos hostes, inter tot commoda pacis,  
Contigit exemplis vivere posse tuis.  
Publica nimirum res tunc sibi constat, & equum  
Imperium, cum Rex, quod iubet ipse facit.*

*De emendatione Catulli ad  
Iouianum.*

*Doctus ab Elysia redeat si valle Catullus,  
Ingratosq; trahat Lesbia sola choros:  
Non tam mendosi mærebit damna libelli,  
Gestiet officio quàm Iouiane tuo.  
Ille tibi amplexus, atq; oscula grata referret,  
Mallet & hos numeros, quàm meminisse suos.*

*De Borgia, Alexandri Ponti-  
ficis filio.*

*Qui modo prostratos iactarat cornibus urfos,  
In latebras taurus concitus ecce fugit.  
Nec latebras putat esse satis sibi: Tybride toto  
Cingitur, & notis vix bene fidit aquis.  
Terruerat montis mugitibus: ebuia nunc est,*



Et facilis cuius præda sine arte capi.  
 Sed tamen id magnum, nuper potuisse vel vrsos  
 Sternere, nunc omnes posse timere feras.  
 Ne tibi Roma nouæ desint spectacula pompæ,  
 Amphitheatralis reidit arena iocos.  
 Ad eundem, dum ab Vrsinis  
 premeretur.

O taure, præsens qui fugis periculum,  
 (Nam te nec otio, tedioue tam bonas  
 Spreuisse sylvas, tam bonos putem lacus)  
 Dic, quis propinqua nubibus tibi iuga  
 Molestus inuidet? iuga illa iam tuis  
 Sudata cornibus, tuisq; prælijs  
 Deuicta? quis saltus, & amnium vberes  
 Cursus, torosq; marginum virentium?  
 Quis vda riuis prata? quis recondita  
 Nemora? quis umbras sibilantium arborum?  
 Malè aduocatus abstulit tibi Deus?  
 Non amplius videbis, ah miser, miser,  
 Amata regna, non videbis amplius.  
 Tuos amores: non licebit, heu, tibi  
 Posthac cubanti sub genistulis tuis,  
 Mollius fulto niueum amaraco latus,  
 Audire voces fuminantium gregum,  
 Meridianum non inire somnulum.  
 Quæ nunc adibis Tesqua? quæ petes loca  
 Miselle taure? quis subibis ilices?  
 Vbi myricæ? vbi virentis arbuti,  
 Iucunda sedes? vbi salicta, & omnibus

Eheu

Eheu iuuenca præferenda pascuis?  
 Iuuenca solos quæ relictæ ad aggeres  
 Padi sonantis, heu malum sororibus  
 Omen, dolentes inter orba populos  
 Te te requirit, te reflagitans suum,  
 Implet querelus nemus, & vsq; mugiens  
 Modo huc, modo illuc furit, amore perdita:  
 Omnia peragrat arua, lustrat omnia,  
 Num quæ bisulcæ signa cernat ungula:  
 Querit per alta montium cacumina,  
 Querit per ima vallium cubilia,  
 Memor locorum, non tamen sui memor:  
 Te mane primo, te rubente vespero  
 Luget: nec illam Luna cum recurreret  
 Cælo, nec atræ noctis alma sidera  
 Videre dormientem, abire flumina,  
 Abire Solem, abire cernit omnia:  
 At ipsa mæstam sola non abit domum,  
 Humi recumbens strata sub uudo athere.  
 Hanc & puella nemorum, & ipse corniger  
 Sylvanus aspicit: hanc bubulcus intuens,  
 Miser bubulcus, nec iuuare eam valens,  
 Tantum, quod unicum in malis refugium habet.  
 Suspirat, ingemit, deum inuocat fidei,  
 Iratus vrsis, quod coegerint procul  
 Abire syluis albulum iuenculum,  
 Et tam venustam imitare bucolam.

In gemmam suam.

Hæc, mihi quæ roseos iussit sordere hyacinthos,

Et nitet articulis vnica gemma men,  
 Cuius in exiguo ductor stat Troicus orbe,  
 Anchisesq; senex, Ascaniusq; puer:  
 Quis credat? veteres inter neglecta ruinas,  
 Et vili latuit semisepulta solo.

Tu tamen obrueras, nec te Sinuessa pudebat  
 Hoc decus hen terris oculumisse tuis.

Scilicet Aeneam natumq; patremq; gerentem,  
 Ignibus ereptos obrueresq; Deos?  
 Parcere debueras, cui iam pia flamma pepercit,  
 Nec te tam turpi dedecorare nota.

Et dubitem Belgasq; feros, rigidosq; Britannos  
 Hac comite ignotos & penetrare sinu?  
 Hac est Iliacos pietas spectata per ignem,  
 Cum verita est profugos ledere flamma deos.  
 De Venere, & Marte.

Dñ Venus armatū complectitur obuia Martem,  
 Distinxit teneram fibula adunca manum.  
 Sensit, & ante Iouem ridens ait emula Pallas:  
 Bella iterum gessit cum Diomede soror.

De Endymione, & Luna.

Spreuerat hirsutas pascentem Pana capellas  
 Candida nocturnis quæ Dea fertur equis:  
 At postquam niuæ conspexit munera lana,  
 Posthabuit notat Endymionis oues.

Qui simul ac tristeis somno inclinaret ocellos,  
 Mors hæc, mors, inquit, æm mihi somnus eris.

De Ferdinando iuniore.

Corpiger æsculea Fannus recubabat in ymbra,

Cum



*Cum propè latranteis sensit adesse canes.  
 Mox iuuenem superis similem, diuinaq; tela  
 Conspiciens, trepido sic mouet ora sono:  
 Seu Mars, siue alto Phæbus descendis Olympo,  
 Iam iam linquo omneis te veniente feras.*

*De Poggio Florentino  
 historico.*

*Dū patriā laudat, damnat dum Poggius hostem,  
 Nec malus est ciuis, nec bonus historicus.*

*De Barth. Platina.*

*Ingenia, & mores, vitasq; obitusq; notasse  
 Pontificum, arguta lex fuit historia.  
 Tu tamen hinc laute tractas pulmenta culina.  
 Hoc Platina est, ipsos pascere Pontifices.*

*De pace post Sexti mortem.*

*Dic unde Aleæto pax hæc effulsit, & unde  
 Tam subito reticent prælia? Sextus obit.*

*De Diana, & Ferd. I I.*

*Errabat Diana suis immixta puellis,  
 Cum proculecce mei conspicit ora Ducis:  
 Atq; ait: huc Nymphæ cōcedite: nāq; propinquat,  
 Qui regat insauas cerius arma feras.*

*De mane, & vespere.*

*Sol iubet exoriens, Faunos, Dryadasq; puellas  
 Quarere, & herbofo ducere monte choros.  
 Decliuis, vitreas suadet descendere ad vndas,  
 Doridaq; & lusus ô Galatea tuos.*

*Causa patet, quæta sublimem cum tendit in arces,  
 Nos quoq; per saltus, & iuga summa rapit.*

*Cum verò Hesperios petit ima Tethyos amneis,  
Exemplo ad fonteis nos vocat ipse suo.*

*Hinc ad eò natura hominum loca mane requirit  
Ardua, caruleis vespere gaudet aquis.*

*De Vulturno, & puero Regio.*

*Miramur tacitis Vulturnum currere lymphis,  
Et tardos dura compede ferre pedes.*

*At magis occulto mirabimur vrier igni,  
Et puerum tota nocte vocare suum.*

*Tunc etiam formose puer vaga flumina torques?  
An fuerit reges perdomuisse parum?*

*Quinetiam combure Deos, dominoq; Deorum  
Arma move, & pulso da Ganymede merum.*

*In Quintium.*

*Clara tibi videor scripsisse epigrammata Quinti.  
Sunt fateor: medio scripsimus illa die.*

*Tu latebras obscurus amas: quia lumine nullo,  
Atq; intempesta scribere nocte soles.*

*De Mercurio, & Amore.*

*Dum comes aligero Cyllenius iret Amori,  
Aliger incauto subripuit faculas.*

*Depresso tum fure, manum referebat ad arcum:  
Sed non inuenta risit Amor pharetra.*

*In tumultum Annibalis.*

*Annibal huc victas secum Carthaginis arceis  
Transtulit: hæc ambos terra Libyssa tegit.*

*De Venere, & Iunone.*

*Confidit nimium iaculo dum pulcher Adonis,  
Inguina setosus candida rupit aper.*

*Accur*

*Accurrit miseranda Venus, tum nupta Tonātis,  
Quid gemit hæc? nullo Mars meus ictus apro est.  
In Fabianum.*

*Esse tibi sapiens, & vir Fabiane videris:  
At mihi nec sapiens, nec Fabiane vir es.*

*De Prætoris præside deside.*

*Ait nefastas esse nundinas Prætor,  
Fari recusat: quid nefastius dicas?*

*Atramentum scriptorium.*

*Ferrum putre situ spumanti feruet aceto,  
Mandet ut eternis scripta voluminibus.*

*Scilicet hoc illud, vatam volitare per ora:*

*Hoc est, Pyramidas vincere Nile tuas.*

*Infelix fatum: sanies rubiginis ergo*

*Eripit inuiso nomina nostra rogo?*

*Ad Federicum Regem.*

*Ne tibi non aliquid Iani misisse calendis*

*Arguar, aut latam non celebrasse diem:*

*Mittimus hybernis seruatas mensibus vides.*

*Insuper & faustas addimus ore preces,*

*Vt tibi qui nitido cum Sole renascitur annus,*

*Felici redeat candidus usque pede.*

*In Mancinum.*

*Qui ferro fratres, stupro Mancine sorores*

*Fas violare putat, quid putat esse nefas?*

*Tumulus Maximillæ.*

*Hic, hic siste precor gradum viator,*

*Hoc sub marmore Maximilla clausa est:*

*Qua cum frigiduli iacent amores,*



Et lusus, Veneresq; Gratiaq;  
 Hanc illi misere seuera Clotho  
 Pro dolci thalamo domum parasit.  
 Has matri dedit, has patri querelas  
 Pro plausu, choreisq; nuptiarum.  
 Quid firmum tibi, quid putes viator  
 Mansurum inuiolabile, aut peremue?  
 Si quæ delicia iuuenulorum,  
 Et decus fuerat puellularum,  
 Nunc eheu iacet ecce Maximilla,  
 Luctus perpetuus iuuenulorum,  
 Aeterna & lacryma puellularum.

De mirabili vrbē Venetijs.

Viderat Hadriacis Venetam Neptunus in vndis  
 Stare urbem, & toto ponere iura mari:  
 Nunc mihi Tarpeias quantumvis Iuppiter arces  
 Obijce, & illa tui mœnia Martis, ait.  
 Si pelago Tybrim præfers, urbem aspice vtramq;  
 Illam homines dices, hanc posuisse Deos.

De Alfonso Duce Ca-  
labriæ.

Alfonso magnum dum traicit Apenninum,  
 Castraq; non solita primus in Alpe locat:  
 Armorum sonitus, galeasq; arataq; tela  
 Sylvarum domina pertinuere Dea.  
 Nec minus occultas Satyri petiere latebras,  
 Assueti imbelleis antè videre feras:  
 Spectaruntq; procul celsa de rupe silentes:  
 Agmina dum, & magnos cogeret ille duces.

Atq; aliquis signa aspiciens, miratur, & inquit;  
Imperium vobis Urbis, & orbis erit.

De Innocentio VIII. Pon-  
tifice Max.

Innocuo priscos equum est debere Quirites.

Progenie exhaustam restituit patriam.

Ad Venerem.

Quid mihi te facilem blandis promittis ocellis,

Si miserum sic post vris acerba Venu?

Non decet hoc superos, aut te mihi fronte serena

Concilia, aut toruo lumine bella moue.

De Galla.

Omnes, quos scripsi, versus vult Galla videre:

Mittam ego, pro libris si mihi labra dabit.

De Vetustino.

Emit sepulcro pradium Vetustinus,

Sed quod futuros non sequatur heredeis,

Iratus aequè mortuisq; viuisq;.

Scribiq; curat grandibus notis, demens,

Viginti in agro, in fronte tot pedes octo,

Habitat sub vrbe scandulis tribus tectus,

Ne pensione degrauctur, aut sumptu.

Dormit grabato, quo nec ipse iam vellet

Dormire cimeæ, nec lacerta, nec forex.

Cœnat per hortos alliumq; capasq;.

Et salgamorum iure, liuidos caules;

Vel si quid optat, nectius sibi poni.

Piscatur ipsis in paludibus vanas:

Aut è cloaca colligit meras sordes.

Pulcrum

Putrem palumbum, mortuumue caponem.  
 Et doliorum turbidam bibit facem,  
 Tanquam Falernum consulare, vel Cbium,  
 Opimiana quod refuderint cellæ.  
 Nec iam profectis hoc, sed idibus tantum  
 Sacrisq; potat ferculis calendarum.  
 Et manè veste currit anxius raptâ  
 Ad architectos, marmorumq; sectores,  
 Ut de sepulcro conserat nouas liteis.  
 Quos iam misellos pessimis modis multat,  
 Ducit, reducit, distrahit, rapit, vexat,  
 Per angiportus, viculosq; cliuosq;,  
 Et per ruinas vrbis, & per anfractus.  
 Monstrat ille atra, porticusq; priscorum,  
 Arcusq; claris principum sacros armis:  
 Hinc & deorum templa, & obrutas thermas,  
 Et quicquid altis fornicum subest cliuis:  
 Nec iam fauissas linquit, & nigros manes.  
 Demum trecentis cum laboribus fractos,  
 Et æstuantis pariter, & fume siccos  
 Vix officina post meridiem reddit  
 Iam feriate, vinctibusq; adhuc clausæ.  
 Culpat coronas, zophorumq; permutat:  
 Spiras reformat, & scapos columnarum:  
 Et nunc Hetruscas, nunc Corinthias mauiit:  
 Nunc Doricarum laudat ordinem tantum,  
 Gustas, triglyphos, tenias, thoras, plinths.  
 Quid cum columnis nunc tibi Vetustine,  
 Aut cum voluta, Tonicisue puluinis?

Dormi



*Dormi miselle, sat diu laborasti:*

*Cenare fessos & aliquando permitte.*

*Aut, si sepulcri cura te coquit tanta,*

*Cadaver istud vel gemonijs conde.*

*In tumulum Nearæ.*

*Quæ voces? Charitum, quæ circû pompa? Nearæ.*

*Vnde odor hic? cineri thura ministrat Amor.*

*Vnde pyra? ex pharetra, quinâ struxere lepores.*

*Ast hæc illacrymans quæ legit ossa? Venus.*

*Fortunate lapis, tumuloq; beator omni,*

*Tu tegis in terris siquid honoris erat.*

*De Hybla.*

*Hybla mei quondam dulcissima cura Marulli,*

*Hybla suburbano nuper humata solo:*

*Accipe quæ multo promuntur verba dolore:*

*Accipe de lacrymis humida fecta meis.*

*Te rosa, te viola, te mollis amaracus ornet;*

*Te pia suspensio pondere velet humus.*

*Et tibi, quod rara possunt sperare puella;*

*Contingant vatis carmina docta tui.*

*De Ausidio.*

*Dum caput Ausidio tractat chirurgus, & ipsum*

*Altius exquirat, quò videat cerebrum:*

*Ingemit Ausidius, quid me chirurge, fatigas?*

*Cùm subij rixam, non habui cerebrum.*

*Ad Alfonso.*

*Qui prius Hercules sensit Leo vulnera clava,*

*Hic Alfonse tuos corruet ante pedes.*

*Quæq; viret nostras quercus passura secures,*

*Deseret*

Deseret immundos fulmine tacta sues.  
 Victa dabit Bellona manus: Pax arua reuifet:  
 Claudentur dira Marte sedente fores.  
 Tunc pia Parthenope letos tibi ducet honores:  
 Per fora, per vicos ocia vulgus aget.  
 Sebeithosq; pater fluijs metnendus Hetruscis,  
 Aurea ceruleum tollet ad astra caput.

In Lydam.

Cum dixi medio tibi macram algere sub aestu,  
 Non dixi fluium Lyda: quid ergo? cutem.

In Ollum.

Omnia facturum te dici, nil facis Olle.  
 Nil mirum: leuius dicere, quam facere est.

Ad Rufum.

Tanquam prisca mihi, saxoq; inuenta vetusto,  
 Disticha Ruse soles saepe referre tua.  
 Stultiū adeo me Ruse putas? ego tā mala credam  
 Carmina Romano marmore posse legi?  
 Archemoro longos affingis Nestoris annos.  
 Andromaches puerum Laomedonta vocas.  
 Desine mentiri Pyliam, Phrygiamq; senectam.  
 Siut vetera haec alijs, mi noua semper erunt.

De Cyparisso puero.

Flebat adhuc mærens cerno Cyparissus adempto,  
 Cum sua conspexit cortice membra tegi.  
 Delius exclamat: quid nostro sylua dolore  
 Crescis? tu Daphnen, tu Cyparissos habes.

De Harmosyne.

Harmosynem quisquis seu vir, seu famina vidit,  
 Deperit

*Deperit: anne oculos Actius vnus habet?*

*In Alexandrum v. i. Pont. Max.*

*Piscatorem hominum ne te non Sexte putemus,*

*Piscaris natum retibus ecce tuum.*

*In eundem.*

*Europen Tyrio quondam sedisse iuuenco*

*Quis neget? Hispano Iulia recta bone est.*

*Ille sed astrigeri partem vix occupat orbis:*

*Hic cælum, atq; deos sub ditione tenet.*

*Vnde igitur, si par meritum, nō par quoq; fatum?*

*Romanam amplexu plus tenuisse fuit.*

*De Iucundo architecto.*

*Iucundus geminos fecit tibi Sequana pontes:*

*Iure tuum potes hunc dicere pontificem.*

*De Aenea, & Didone.*

*Immemor ah misere cur ensen linquis Elisa*

*Nate dea? profugas non grauat ille rates.*

*Anne parum fuerat causam dare mortis acerba,*

*Ni ferrum fugiens tu quoq; triste dares?*

*Tolle precor tumidas tecū hoc, iā tolle per undas.*

*Discessu, satis est, si perit illa tuo.*

*In Cæcilianum.*

*Si tibi per genium fas est iurare Minerva,*

*Per Veneris flauas Cæciliane comas:*

*Nec iubar excipitur Solis, nec cornua Phæbes;*

*Nec Capitolini crura, caputq; patris:*

*Cur mihi tu ventrem, tur intestina deorum;*

*Hispana tactus relligione, sonas?*

*Non pudet heu cælum rebus fœdare pudendis?*

*An*



An credis magnos hæc quoq; habere deos?

Ad Marinum Caracciolum.

O dulce ac lepidum Marine factum,  
 Dignum perpetuo ioco, atq; risu,  
 Dignum versiculis, facetijsq;:  
 Necnon & salibus Marine nostris.  
 Ille maximus vrbis imperator  
 Cesar Borgia, Borgia ille Cesar,  
 Cesar patris ocellus, & sororis,  
 Fratrum blanditie, quies, voluptas,  
 Montis populus ille Vaticani:  
 Ille inquam domine vrbis inquinator,  
 Cesar Borgia, Borgia ille Cesar,  
 Civædi patris impudica proles,  
 Mæchus ille sororis, atq; adulter,  
 Fratrum perniciēs, lues, sepulcrum,  
 Montis bellua tetra Vaticani,  
 Quingentas modò qui voravit vrbes,  
 Imbutus scelere, & malis rapinis,  
 Vrbes sub ducibus suis quietas,  
 Quascunq; aut Latium ferax virorum,  
 Aut Campania pinguis, aut per alta  
 Divisi iuga continent Sabini,  
 Huiq; ingessit Ariminum, Pisaurum,  
 Urbinum, Populoniàmq; magnam,  
 Camertes pariter, Forumq; Liui,  
 Corneliq; Forum, Fauentiamq;:  
 Et quantum Aemilia est, Hetruriaq;:  
 Quantum circuitu hinc & inde longo,  
 Neptuni

*Neptuni lauat aestuantis unda.*

*Annunc quis neget esse opus Deorum?*

*Cum vecors, animi impotente morbo,*

*Querit plura, nec est potius misellus*

*Explere ingluuiem periculosam.*

*Ecce ecce euomit: ô Iouem facetum,*

*O pulchram Nemefim, ô venusta fata.*

*Verum scilicet id Marine, verum est*

*Quod dici solet, en fides probat nunc:*

*Fortunam si auidè vorare pergas,*

*Eandem malè concoquas necesse est.*

*Vt iure euomere hunc putemus ipsum,*

*Qui tantum miser hausit oppidorum.*

*Ast id omne, quod hausit, oppidorum,*

*Quod quinq; assiduè vorauit annis,*

*Imbutus scelere, & malis rapinis,*

*Scis quot euomuit diebus? vno.*

*O lucem niueam, ô Iouem facetum,*

*O pulchram Nemefim, ô venusta fata,*

*O dulce, ac lepidum Marine factum.*

*In Alexandrum v i. Pont. Max.*

*Visuram se iterum Sixtum cum Roma putaret,*

*Pro Sixto Sextum vidit, & ingemuit.*

*De Cæs. Borgia.*

*Aut nihil, aut Cæsar vult dici Borgia, quid nix*

*Cum simul & Cæsar possit, & esse nihil.*

*Ad eundem.*

*Omnia vincebas: sperabas omnia Cæsar.*

*Omnia deficiunt: incipis esse nihil.*

Dies genialis.

Aureli perfunde meis vnguenta capillis

Tu super, & vernas sparge Nearche rosas.

Sed prius aestiuum ramis defendite Solem,

Et viridi mollem sternite fronde torum.

Non pluma, nō picta iuuant me stragula, nec qua

Pauonis vario sponda colore nitet.

Larga coronata disponite pocula mensa,

Sætino & gelidas adfociate niues:

Certatimq; leues potanti inducite somnos.

Sic iuuat etatis ducere fila mee.

An scimus miseri, quid lux ventura minetur?

Vivamus: mortem fallere nemo potest.

Ad Amicam.

Da mihi tu mea lux tot basi rapta petenti,

Quot dederat vati Lesbia blanda suo.

Sed quid pauca peto, petijt si pauca Catullus

Basi: pauca quidem, si numerentur, erunt.

Da mihi, quot cælum stellas, quot litus arenas,

Syluaq; quot frondeis, gramina campus habet,

Aëre quot volucres, quot sūt & in aquore pisces,

Quot noua Cecropie mella tumentur apes.

Hec mihi si dederis, spernam mensasq; Deorum,

Et Ganymedæ pocula sumpta manu.

~~In eodem libello Albi~~

Ad



Ad Bassum de Phyllide.

Cum de cathedra Bassæ surgeret nuper  
 Mammosa Phyllis, tunica mollis, ut saepe.  
 His accidit, qui obesulas habent clunes,  
 Intrauit illic unde prodeunt aure,  
 Quæ de Sabeis mæssibus nihil spirant:  
 Quod ut animaduertit dicaculus quidam,  
 Urbaniozem ut se faceret, ait, ridens:  
 Heus Phylli, quis nam mordicus tenet vestem?  
 Vorabit hanc, ni praeceas. Ad hunc Phyllis,  
 Imò, inquit, ut scias, sibi labra abstergit:  
 Accede pue, basiare te nam vult.

Ad Vēstīam.

Aspice, quàm varijs dīstringar Vestīa curis.  
 Vror, & heu nostro manat ab igne liquor.  
 Sum Nilus, sumq; Aetna simul: restringite flāmā.  
 O lacryma, lacrymas ebibe flamma meas.

Ad Aeglen.

Si tibi sum Phæbus, si sum tibi Iuppiter Aegle:  
 Cur tu non Daphne sis mihi, non Danaë?

Ad Pulicianum.

Ait nescio quis Pulicianus,  
 Ni pulx magis sit vocandus hic, qui  
 Vnus grammaticus, sed his minutis  
 Vel longè inferior, minuiorq; est,  
 Divinum sibi passerem Catulli  
 Et laudat quāquam bene passerem sonare,  
 Nec iam id esse, quod aurum legentes,  
 Sed quod versutis parum pudicis

Ludens

*Ludens innuat ipse Martialis:*  
*Dā mihi basia, sed Catulliana:*  
*Quæ si tot fuerint, quot ille dixit,*  
*Donabo tibi passerem Catulli,*  
*Ut sit, quod puero poëta possit*  
*Post longas dare basiationes,*  
*Quod saluo nequeat pudore dici.*  
*Proh dū, quā vaser es Puliciane,*  
*Solus qui bene calleas poëtas.*  
*Nimirum, & quod ab omnibus probetur,*  
*Mutandum quoq; suspicaris illud,*  
*Quod nunc illepidumq; & infacetum*  
*Mendosis epigrammaton libellis*  
*Insulse legit imperita turba:*  
*Sic forsan tener ausus est Catullus,*  
*Magno mittere passerem Maroni:*  
*Cū sit simpliciusq; rectiusq;*  
*Mitti, dicere, mentulam Maroni.*  
*Sed quid vos Aganippides puella*  
*Ridetis? meus hic Pulicianus*  
*Tam bellum sibi passerem Catulli*  
*Intra viscera habere concupiscit.*  
*De eodem.*

*Vanas gigantum iras, & impetus graueis*  
*Miratur aliquis audiens mortalium,*  
*Ausumq; cælo vincula inferre irrita*  
*Sæuū Typhoëa, cū iugosum Pelion*  
*Adderet Olympo, matre nec Terra satum*  
*Agnosceret sese, impium donec pater*

*Iratus*

Tratus ardenti igne subſtulit caput,  
Vt par erat: nam quis petat ſanus Deos?  
At nunc quis hoc, quis hoc ferat mortalium?  
Iners, puſillus, vnus, heu pulex ciet  
Turmas, cohorteis, copias, manipulos  
Muſcarum, & altos ſcandere adparat toros  
Heroum, opacis qui ſub vmbriſ arborum  
Strati, ac perenni flore ſubſulti caput,  
Ducunt quietem perpetem, eternam, optimam:  
Nec noſtra curant dicta, vel facta amplius,  
Vt qui beatos incolant tuti locos,  
Et nomen alta in arce ſacrarint ſuum,  
Functi periclis, & malis laboribus,  
Cunctasq; fortuna improba calcant minas,  
Nedum puſilli pulicis morſus leueis.  
At tu moleſte, amare, veſane, impie  
Pulex, inepti concitator agminis,  
Quò proripis te? quò vocas muſcarias  
Iſtas phalanges? quò volatilibus globos  
Impellis audax? i procul miſer, miſer,  
I criminoſe maximam in malam crucem.  
Haud fas quietas manium ſedeis Deum  
Muſcas ſubire, pulicumq; copias.  
Nil hîc negoti vel tibi, vel peſſimis  
Tuis maniplis: quid moraris impie?  
Abi profundam in noctem, & vltimum Chari.  
Speranda certè gloria hîc nulla eſt tibi.  
Quos di probauère ſemel, hos ſemper probant.



Actæon marmoreus.

*Viderat Ideo nudas in vertice diuas*

*Phryx Paris, & dixit, Vincis vtrinq; Venus.*

*At si Gargaphijs quam nos malè vidimus vndis,*

*Vi. lisset: poterat dicere, Cede Venus.*

Orpheo respicienti.

*Hoc fuit infelix, & adhuc heu respicis Orphen,*

*Quod te, quod miseram perdidit Eurydicen.*

Echo loquitur.

*Vidi, arsi, flui, tristemq; (heu fata) repulsam*

*Spreta tuli: sum nunc vox, sonus, aura, nihil.*

Eadem iocatur.

*Cum facie caream, queris, cur dicar imago:*

*Cum tua verba sequar, dic, ubi lingua mea est?*

In malum librum.

*Si sapis, hospes abi, miserum neu tange libellum,*

*Non hîc Mæoniden, Virgiliûmve leges:*

*Sed fædas Bauj chartas, & olentia Maui*

*Carmina, Romani dedecus eloquij.*

*Quid dubitas sacros incendia poscere lucos,*

*Abnuerit liquidas si dare Phæbus aquas?*

ACT II.

167

ACTII SYNCERI  
SANNAZARII NEAPO-

litani, viri patricij, Epigram-  
mâron Liber I I.



Vm velhor picta vacuus phaselo,  
Et modo septos iaculis echinos,  
Nunc bene harèteis scopulis laboro  
Vellere conchas:

Tange vocaleis studiosa chordas  
Musa, & auratum moderare plectrum:  
Pauca de multis referamus acta

Regis amati.

Qualis herbooso spatiata campo  
Virgo, iam matris decus, & voluptas,  
Nectit è solis violis coronam,  
Cetera linquens,

Hic ubi veras imitata turreis  
Tot simul pinnis, nineisq; tectis,  
Rupe Mergillina sedens propinquum  
Spectat in aquor,

Asit ex imo Galatea fundo,  
Nil timens, sauos Polyphemi amores,  
Nec mihi durum restuens canenti  
Obstrepat vnda.

Sit licet magnus, trepidaq; turmas  
Fregerit primis Federicus ausis,  
Cum puer celsas penetravit Alpeis,  
Saxiq; Rheni.

Texerit latis pelagus carinis,  
 Dalmatùm diteis populatus vrbeis:  
 Senferit presso propè fulminantem  
 Ore Timauus:

Cinxerit sacra meritum corona  
 Et caput, Gallos quoniam ferocis  
 Contudit: totas reuocarit Orci ex  
 Faucibus vrbeis.

Nil tamen maius, nihil egit vnquam  
 Fortius, quàm quòd titubante regno,  
 Cùm sibi sceptrum, & diadema posset  
 Sumere tutus,

Coniugem charam, propriosq; natos  
 Liquit, & fidas lacrymas clientum,  
 Fratris heu pulsam sobolem secutus  
 Per mare vastum.

Ergo nunc illi moderator alti  
 Aetheris, cui sunt pia facta cure,  
 Regium frontis decus, & negatos  
 Addit honores.

O fides, rarum, placidumq; numen,  
 O mihi nullis reticenda seclis,  
 Te te ego æternum prece, victimisq;  
 Pronus adorem.

De Andrea Matthæo Aquiuuiuo.  
 Cernis, vt exultet patrijs Aquiuuius in armis,  
 Duraq; spumanti frena relaxet equo?  
 Quis miteis illum Permessi hausisse liquores  
 Credat, & imbelleis excoluisse lyras?

Consur



Consurgunt niuea fulgenti in casside criste:

At clypeus toruo Gorgonis ore tumet.

Maecte animo, rigidū Musas qui stringere ferrū,

Qui Martem doctos cogis amare choros.

Hec ducis est virtus, non vni insistere palma,

Sed nomen factū querere, & ingenijs.

In bubonem.

Nam quis te inepte bubo tam stolidus furor

Adegit, importunum inire praelium,

Isto indecenti rostro, & alis luridis?

Quid bellicosa volucris insulse asperos

Laceßis vngueis? desine miser, dum licet,

Ne dormientis excites somnum tuo

Cū maximo (vt par est) malo, ac clade vltima,

Sed peruenire vis in ora vulgi, & hac

Via cupis sceleste fieri notior?

Non assequere, nec profecto tam bono

Fruere fato. An hoc pudendo sanguine

Se tingat aquila fulminum & cæli immemor?

Ponenda honesta mortis hac spes est tibi.

~~Mathonem de Mathone~~

~~Mathonem~~

~~Enigmata sunt, autist Lucretia~~

~~Enigmata sunt, autist Lucretia~~

Ad Mathonem.

Vt mandem victura mei tua nomina chartis,

Dicis amicitiam te Matho velle meam.

Et tibi semper in ore duces, quos Grai? Homer?

Quos noster Latia vexit in astra tuba.

Dumq; ego sum tanti te iudice, venit ab horto  
Cum donis holitor bñe semelue tuus:

— Scilicet aeterni pretium mihi grande daturus  
Nominis, & fide pignus amicitiae.

O Matho, quàm felix et amico, et vate reperto es,

Quàm felix horto, muneribusq; tuis,

Si quod dijs genitis vix tot peperere labores,

Id tibi laetitia prae totomiq; dabunt.

De patria Homeri.

Smyrna, Rhodos, Colophō, Salamī, Ios, Argos, A-

Cedite iā: cælum patria Maconide est. (ithene

De Luna, & Panc.

Effudit longas Tegea in rupe querelas

Pan captus forma candida Luna tua.

Cumq; leui calamos cera coniungeret, addit,

Pradata es sensus tu quoq; canna meos.

In tumulum Amaranthæ.

Hic Amarantha iacet, quæ si fas vera fateri,

Aut Veneri similis, vel Veneri ipsa fuit.

Ad Ferrandum Regem.

Ex ferro ~~quod tibi, si licet, non dedit~~

Secula: nam sub te primū nemo metit.

~~Immonij pietate~~

Excitat ob ~~hunc~~ tumulū. ~~Super omnia~~ umbras,

Impleat ut sanctæ munus amicitiae.

Vtq; prius viuos, sic & post fata sodales

Observat, tristes & edet ante rogos.

Nec tantum violas cinerū, ac bene olentia ponit

Serta, sed & lacrymis irrigat ossa pijs.

Parua loquor: cultis reparat monumenta libellis,

Cum possint longam saxa timere diem.

At tu, viuaci quæ fulcis nomina fama,

Poscenti gratas Musa repende vices:

Ut quoniam dulcem optat sic viuere amicos,

Vinat, & in libris sit sacer ille meus.

De Venere, & Diana.

Incultam aspiciens syluis Cytherea Dianam,

Risit, & An tendes retia semper ait.

Cui dea casta: Feris cur non ego retia tendam,

Tendere si potuit vir tuus illa tibi?

Ad Aeglen.

Absentem quæris, presentem despicias Aegle,

Non redamas, sed me vis in amore mori.

De Venere, & Priapo.

Tractabat clypeum Marti placitura Dione:

Sau: q; fæminea sumpserat arma manu.

Pone Dea, exclamat petulanti voce Priapus,

Pone, decent istas hac magis arma manus.

Id Gelliam.

Quem tu nunc patruum, nunc patrem Gellia dicis,

Hic tibi nec parrus Gellia, nec pater est.

In Flaccum.

Nō largitur opes, & vult epigrammata Flaccus,

Iure suo hæc poscit, vult sibi verba dari.

De Peto compatre.

Petrus delitæ tuæ Digne,

Vni cui Charitum sales beatos,

Cui fontes dederas faceliarum:



*Ac risu simul eleganter omnes,  
 Petus mortuus est tuus Dione,  
 Petus compater vsq; ad astra notus.  
 Qui puro niuea colore mentis  
 Vincebat nitidissimos olores.  
 Cui de lacteolis tuis papillis  
 Donarunt violas Iocusq;, Amorq;,  
 Donavit teneram Thalia myrtum.  
 Mox promens citharam decentiorem,  
 Versus addidit eruditiores.  
 O saue nimium, maleq; Parce,  
 Vestros non potuit tenere fusos  
 Petus: qui rapidas domare tygres,  
 Qui duras potuit monere quercus,  
 Vestras non potuit colos morari.  
 Sic, sic occidis, heu miselle Pete:  
 Nec te Pierides tue, nec ipsa  
 Quae te per Paphon, & Gnidon virentem,  
 Per colles Amathuntios vocauit,  
 Fatis eripuere tam malignis.  
 At non vnanimis tuis sodales,  
 Quos tu pectore tam pio colebas,  
 Quos tu obitu tuo relinquis,  
 Hoc duro tibi defuere casu.  
 Quin me trans Ligerim, ferosq; Celtas,  
 Lustrantem Morinum pigras paludes,  
 Dum quero Oceani ultimos recessus,  
 Veru nuntius obruit querelis.  
 Ergo quid tibi tam vagus viator,*

Cui

Cui nec pulchra Neapolis, nec alti  
Colles Pausilypi, nec ipse adesset  
Sebethos pater, aut pater Vescuus,  
Inferre exequiarum amice possem?  
Rupem, quam vagus hinc, & inde Nerens  
Alterna veniens retundit, vnda,  
Acceffi, & procul angulo in supremo  
Stans, supra pelagi alluentis astus,  
Manes terq; quaterq; conuocaui.  
Hic fudi lacrymas amariores:  
Hic vici gemitus vel vnus omnes,  
Omnes & simul omnium querelas.  
Mox quamuis cineri tuo decentem  
Pontanus tumulum pararit, ac te  
Cognatas veneretur inter ymbas:  
Quamuis & diuturnius sepulcrum,  
Quod nec secula vincere ipsa possint,  
Diuinis paret excitare chartis:  
Nostrum non tibi qualecunq; munus  
Inter frigora, solitudinesq;  
Cessauit, nec honore te supremo  
Fraudaui miser: hoc scit ipsa Tethys,  
Scintillatè Oceani vnda Gallicani.  
Stant aë tibi, stat, videnda nautis,  
Terreni tumuli pusilla moles.  
Et buxus super, & dicata quercus.  
Nam myrium regio illa non habebat.  
Qua insit pietas sacrare, vt esset  
Natura tibi terminus sepulcrum.

Ignes

## Ignes nocturni Romæ.

*Aspicias, et picti vultus imitetur olympi,  
 Certet & astringere vincere Roma polos.  
 Scilicet hos Auguste tibi largitur honores,  
 Ne cupias magni tecta videre Iovis.  
 Alta corenata iactant incendia turrets:  
 Et Vaticano fulmina monte tonant.  
 Dumq; palam tantos cupit ostentare paratus  
 Urbs nimium in laudes ambitiosa suas:  
 Vivant astra, inquit, summo contenta Tonante,  
 Pareat Augusto dummodo Roma suo.*

... De Tyrannis, & Bruto.

*Cum tot Tarquinius passim consurgere cernas;  
 Miraris, Brutum cur ferat Italia?*

In tumultum pueri.

*Nate patris, matrisq; amor, & suprema voluptas,  
 Accipe, quæ nobis te dare par fuerat.  
 Busta eheu, tristeisq; rotas damus, invida quando  
 Mors immaturo funere te rapuit.*

De Hercule, & Ganymede.

*Palluit Alcides teneri Ganymedis amorem:  
 Et vetus amissi cesserat ardens amor.  
 Quid linquet nobis puer hic, aut nunc  
 Eripuit quondam, nunc rapit æquum.*

In Vsentem crapulatoremi.

*Non fuit, non predicat, non irramat Vsentis:  
 Ista olim, quid nunc aut vomit, aut comedit.  
 In degenerantem.*

Nomen aut, non fata refersidiceris ab illo

Alter



Alter, sed iuuenis tu, puer, ille lepore.

De Ioue & Cupidine.

De Veneris nato quæstæ est Diogenes Tonanti,

Quod nimis ille puer promptus ad arma foret.

Tum pater accito ostendens, græui fulmen Amoris.

Hoc tibi, fene puer, præcipio, pingeret, ait.

Cui lasciuius Amor motis hæc reddidit alis:

Quid si iterum posito, fulmine Cygnus eris?

In Riccium.

Aegrotat sedis vitio, & male Riccius audit.

Quid si esset surdis Riccius, an audit?

De Danaë & Ioue.

Formosam Danaën multum, Ioue, iherit.

Et satis hoc vult.

Indoluit, tenere misera.

Iuppiter, & fulgore, fuit, tor, ait.

Ergo arcere potes nam, dicit, virisq;

At si non arcēs imber, imber ero.

De Lucio Graecianista.

Noctem, & noctem iterum, Lucius, illi.

Perpetuam noctem præcipio, alius, Arui.

Imber, imber, ait.

Imber, imber, ait.

Imber, imber, ait.

Imber, imber, ait.

Imber, imber, ait.

Imber, imber, ait.

Imber, imber, ait.

Imber, imber, ait.

Imber, imber, ait.

Imber, imber, ait.

Imber, imber, ait.

Imber, imber, ait.

Adsta



*Sæuâq; terribili capta trophæa manu:  
Quod Venus audiret, doluit Vulcan⁹. et, Heus tu,  
Inquit, an expectas, vt mea vincla canat?*

*De seipso.*

*Miraris liquidum cur non dissoluor in amnem,  
Cum nunquam siccas cogar habere genas.  
Miror ego, in tenuis potius non isse fauillas,  
Assiduè carpant cum mea corda faces.  
Scilicet vt misero possim superesse dolori,  
Sic lacrymis flammæ temperat acer Amor.*

*De Hercule, & Ioue.*

*Pendebat Phrygiæ Tirynthius ore ministri,  
Delicias magno dum facit ille Ioui.  
Tum pater: Haude quidem fauis, fortissime, dixit,  
Formosum rapuit cum tibi Nais Hylam.*

*De Venere, & Pallade.*

*Induerat thoraca humeris, galeamq; decoro  
Aptarat capiti, Marte iubente, Venus.  
Nil opus hu, Sol, Diua, inquit, sumēda fuerunt,  
Cum vos ferrate circuire plage.*

*Catonis tumulus.*

*Hic, vbi libertas, magni & iacet vmbra Catonis,  
Quam melius pōterant Caesaris ossa regi?*

*De Venetorum signis.*

*Romanas Aquile postquam liquere cohortes,  
Magnanimus turmas ducit in arma Leo.*

*De Andrea Matthæo Aquiuino*

*Duce Hadriæ.*

*Mastra Bituntinæ duxerunt otia Nymphæ,*

*¶*

*Nec*



Nec Faunis solitos exhibuere choros.  
Scilicet optato quicquid sine principe cernunt;  
Ingratum est, tantum principis urget amor.  
Nec satius est, positus arcum spreuisse sagittis,  
Questibus & totos continuasse dies:  
Ast etiam nostris faciunt conuitia terris:  
Et nos Syrenas, Lothophagosq; vocant.  
Vera loquer: diu veniam date vera loquenti:  
Non amor hic certe, sed magni inuidia est.  
De Thelesinae crinibus.  
Dum nescit flauos auro Thelesina capillos,  
Contraxit radios Phæbus, & erubuit.  
Mox hac ad superos: En auro iungitur aurum.  
Hoc est mortales, hoc superare Deos.  
In Galeatium Caracciolum.  
Hippolyten, Leden, Th. l. sinam diligis vnus:  
Dic mihi, quid tota restat in vrbe boni?  
In theatrum Campanum.  
Dicite semidei, sylvarum numina, Pænes,  
Et si qua aduentu es Nymphe fugata meos:  
Cui licuit tantas saxorum euertere moles,  
Quas iam disiectas rix nemora alta tegunt?  
Hisne olim sueta est cuneis Campana iuuentus.  
Amphitheatrales lata videre ioco?  
Nunc vbi tot plaususq; hominum, vocesq; canora,  
Tot risus, tot iam gaudia, tot facies?  
Scilicet, heu fati leges, rapit omnia tempus,  
Et quæ sustulerat deprimat ipsa dies.

De

## De fonte Mergillines.

*Est mihi riuo vitreus perenni*

*Fons, arenosum prope litus, vnde*

*Sæpe discedens sibi nauta rores*

*Haurit amicos.*

*Vnicus nostris scatet ille ripis,*

*Montis immenso silientie tractu,*

*Vitifer quæ Pausilypus vadofum ex-*  
*currit in aquor.*

*Hunc ego vitta redimitus alba,*

*Floræ, & æstius veneror coronis,*

*Cum timent amnes, & hiulca senum.*

*Arua Leonem.*

*Antequam festæ redeant calende*

*Fortis Augusti, superantq; patri*

*Quattuor lucæ, mihi tempus omni*

*Dulcius æuo.*

*Bis mihi sanctum, mihi bis vocandum,*

*Bis celebrandum potiore cultu,*

*Duplici voto, geminaq; semper*

*Thurris acerra.*

*Namq; ab extremo properans eoo,*

*Hac die primum mihi vagienti*

*Phæbus illuxit, pariterq; dias*

*Hausimus auras.*

*Hæc & insigni peragenda ritu*

*Sacra solennes veniunt ad aras,*

*Nazari vnde omnes tituli, meaq;*

*Nomina gentis,*

Nazari vastas colibentis undas  
 Aequoris, saeuosq; domantis aestus,  
 Quicquid & vani truculenta iussis  
 Ira Neronis.

O decus cæli, simul & tuorum,  
 Ritè quem parua veneramur ade,  
 Cui frequentandas populis futuris  
 Ponimus aras:

Si mihi primos generis parentes,  
 Si mihi lucem pariter dedisti;  
 Huc age, & fontem tibi dedicatum  
 Sæpe renise.

Diuo Nazario.

Natali quòd, Diue, tuo lucem editus hausi,  
 Quòd tua nascenti lux mihi prima fuit:  
 Actius hoc riguo paruum cum fonte sacellum  
 Dedico, tu nutu fac rata vota tuo:  
 Vt qua Sextiles lux venerit ante calendas  
 Quarta, sit hîc generi bis celebranda mea,  
 Et quòd solennes reuocat tua fèsta per aras,  
 Et quòd natalem contigit esse meum.  
 De lauro, ad Neritiorum  
 ducem.

Illà deùm letis olim gestata triumphis,  
 Claraq; Phœbæ laurus honore comæ,  
 Iampridem malè culta nouos emittere ramos,  
 Iampridem baccas edere desierat.  
 Nunc lacrymis adiuta tuis reuirescit, & omne  
 Frondiferum spirans implet odore nemus.



*Sed nec eam lacryma tantum iuuere perennes,  
Quantum mansuro carmine quod colitur.*

*Hoc debent Aquiniue Duces tibi, debet & ipse  
Phæbus: nam per te laurea sylua viret.*

*In tumulum Cottæ Veronensis.*

*Sperabas tibi docta nouum Verona Catullum:*

*Experta es duros bis viduata deos.*

*Nulla animum posthac res erigat: optima quando*

*Prima rapit celeri Parca inimica manu.*

*Quæ tamen vt vidit morientis frigida Cottæ*

*Ora, suum fassa est crimen, & erubuit.*

*In Picentem medicum.*

*Quod noctu latras, quod sellas olfacis vnus,*

*Da veniam Picens, hoc canis est vitium,*

*Sed quia tu Cynicus vis dici, & Clinicus idem,*

*Esse idem poteris Merdicus, & Medicus.*

*De Ferrando iuniore.*

*Si merita audieris Ferrandi, Nestora credas:*

*Si numeres annos, dixeris Antilochum.*

*De Card. S. Petri ad vincula.*

*Ne valeam superi, bene si facere hic pote, quæ sors*

*Exilio, & vinclis vexit ad imperium.*

*Et peream, ni cuncta euertere iam volet hic, qui*

*Nil meminit præter vincula, & exilium.*

*Tuinulus, in quo ploratur*

*filius vnicus.*

*Cur heu letitiam falsò dixere parentes?*

*Tristitiam qui me dicere debuerant.*

*Natus erat misera lux vnica matris ocellus*

*Unicus, hunc Lachesis noxia subripuit.  
I nunc, vel Nioben confer mihi, cuius habet fors  
Hoc melius, fieri saxea quod potuit.*

*In picturam.*

*Anna parens, cui cœlestem sperare nepotem  
Contigit, intacta virginis Anna parens:  
P't tandem tete meliori in-felice locares,  
Credibile est artes edidicisse novas. ~  
Scilicet obscœna semper, conuiuia turba,  
Et scelera antiqui perpetiar domini?  
Vix hæc: & medicas inuadu protinus artes,  
Nec mora, iam cæcis lumina restituis.  
Accurrunt egri, complentur compita rhedis,  
Occupat angustas sedula turba vias.  
Ecce in quo picta es paries excinditur, & te  
Accipit hœspitio nata benigna pio.  
Nimirum sapis Anna, hoc cōtulit sene ctus:  
Haud aliter poteras hac caruisse domo.  
De Iunone, & Ganymede.  
Iusserat Iliacum mensis adstare ministrum  
Iuppiter: at coniux, Quis mihi miscet, ait?  
Ille verecundis libat crystalla labellis  
Cui den, Amatori da puer ista tuo.  
In Catonis laudem.  
Quæ tegit extinctum cum libertate Catonem,  
Insultat tumulis Caesar arena tuis.  
De Homero in. Latinum verso.  
Quid septem de vate sacro contenditis vrbes?  
Ecce potest ciuem dicere Roma suum.*

At vos aut nostrum, si fas, auferte Maronem,  
Aut alium vobis querite Maoniden.

In tumulum Assanij.

Tu, qui disiectos artus, inhumataq; furtim  
Assanij occulto membra refers tumulo,  
Macte animi pietate, tamen nihil irrita busti

Gloria tam ~~conspicitur~~ ~~effunditur~~ ~~obvenerit~~:

Quandquidam ~~voluit~~ ~~patitur~~ ~~se~~ ~~spem~~ ~~facere~~ ~~tem~~:

Quàm cadere ~~voluit~~ ~~patitur~~ ~~se~~ ~~spem~~ ~~facere~~ ~~tem~~ ~~ragos~~.

Nunc tate ~~voluit~~ ~~patitur~~ ~~se~~ ~~spem~~ ~~facere~~ ~~tem~~ ~~sepulcri~~,

Eorum ~~voluit~~ ~~patitur~~ ~~se~~ ~~spem~~ ~~facere~~ ~~tem~~ ~~sepulcri~~.

Contempsit dulcemq; animum ~~voluit~~ ~~patitur~~ ~~se~~ ~~spem~~ ~~facere~~ ~~tem~~ ~~sepulcri~~,

Sanguine ut agnato dedecus ~~voluit~~ ~~patitur~~ ~~se~~ ~~spem~~ ~~facere~~ ~~tem~~ ~~sepulcri~~.

Cum ~~voluit~~ ~~patitur~~ ~~se~~ ~~spem~~ ~~facere~~ ~~tem~~ ~~sepulcri~~ ~~tatus~~ ~~esse~~ ~~tyrannij~~.

Laudem ~~voluit~~ ~~patitur~~ ~~se~~ ~~spem~~ ~~facere~~ ~~tem~~ ~~sepulcri~~ ~~statuit~~ ~~querere~~ ~~sepulcrum~~.

Quodq; magis mirere, hilaris, ridensq; cruentos  
Carnificis culiros cernere sustinuit.

Disimulet patriam, taceat nomenq; genusq;:

Qui facit hoc, dicit se Lacedæmonium.

In tumulum Caudolæ.

Heu quæ te rigidi rapuit vis effera fati,

Quis matri misera tot peperit lacrymas,

Flos veteris Caudola virum? tibi mæsta sepulcrum

Illæ dedit, tristes Aelius hos titulos,

Hos titulos, qui te nigras descendere ad umbras,

Obduci Stygia non patiantur aqua.

Tempora miretur quivis sua: talis Achilles,

Talis, cum caderet, martius Hector erat.

I precor, si nullos non durature per annos,



*Nestoreos qui iam vivere dignus eras.*

*De loue, & Amore.*

*Iuppiter infraëtos, iactat dum sepe gigantes,*

*Et sibi seruati dat decus omne poli:*

*Sic est, inquit Amor: namque hoc mugire solebas*

*Tunc quoq; cum torua fronte iuuenus eras.*

~~Scilicet qui cum Ioue  
Et sibi seruati dat decus omne poli:  
Sic est, inquit Amor: namque hoc mugire solebas  
Tunc quoq; cum torua fronte iuuenus eras.  
Iuppiter infraëtos, iactat dum sepe gigantes  
Et sibi seruati dat decus omne poli:  
Sic est, inquit Amor: namque hoc mugire solebas  
Tunc quoq; cum torua fronte iuuenus eras.~~

*Hymnus ad D. Nazarium.*

*Nazari heu quis me tibi ad hanc supremi*

*Littoris ripam, quis ad hos putasset*

*Tethyos fluctus, quis ad has daturum*

*Thura paludes?*

*Post tot emensos pelago labores,*

*Tot pererratos populos, sub ipso*

*Fine terrarum datur ecce amicum*

*Cernere numen.*

*Ergo in extremis, pater alme, terris*

*Barbaræ norunt tua sacra gentes,*

*Quà latus dextrum Liger a stuosis*

*Obijcit undis.*

*Iam q; & Aulercos, genus acre, & ipsos*

*Cernis*

Cernis ad te *Lexovios citato*  
*Essedo, & picta volitare flauos*  
*Puppe Britannos.*

O mihi semper geniale cæli  
*Syds, ô fama decus omne nostræ,*  
*Antar ô idem mihi gentis, & spi-*  
*rabilis aura.*

Se tibi debet *proauorum origo, &*  
*Sanguinis si sunt decora vlla nostri:*  
*Debet & præsens genus, & futurum,*  
*Debet & hac lux*

*Sacra, quæ magnum mihi prima solem*  
*Obtulit nascenti, & inane apertis*  
*Aëri, pulchrosq; micantis æthra*  
*Tot simul ignes.*

*Hinc tuis per me dare grata templis*  
*Munera, hinc natalitias coronas*  
*Annuis suevit sociare sertis,*  
*Dum fuit hæc sors.*

*Nunc in ignotis vagor ecce campis,*  
*Regis heu chari exilium secutus,*  
*Dum fides, & fas, & amor, piusq;*  
*Me rapit ardor.*

I puer, *buxum nemore è propinquo*  
*Collige, & si quas tibi littus offert*  
*Quercuum frondes: celebrare mæstum*  
*Sic iuuat annum.*

O ubi dulces patriæ recessus  
*Abluis Sebethæ loca illa myrto.*

m s      Consita

Consita, ô qui Pausilypi virentes  
Det mihi citros,

Quà tuum lambens maris vnda fontem  
Margines parui minuit sacelli,  
Nostrum opus, quo se recreet quotannis  
Lata iuventus.

Quæ tibi sacris operata arenis,  
Fronibus remos, celeresq; cymbas  
Ornat, & forsàn mea nunc, ut olim,  
Dona requirit.

Heu pater, cur, heu, mihi ad institutos  
Non licet iam iam properare cursus?  
Cur vetor templis, & adesse ludis  
Ritè dicatis?

Si satis ventos tolerasse, & imbres,  
Ac minas fatorum, hominumq; fraudes;  
Da pater tecto salientem auito  
Cernere fumum.

De Amore fugitivo.

Queritat huc illuc rapitum sibi Cypria natum:  
Ille sed ad nostri pectoris ima latet.

Me miserū, quid agam? durus puer, aspera mater,  
Et magnum in me ius altera, & alter habent.

Sic elem, video quantus Deus ossa peruret:  
Sin prodam meritò durior hostis erit.

Adde qđ hæc nō est quæ natū ad flagra reposcat,  
Sed quæ de nostro bella cruore velit.

Ergo istic fugitive late, sed parcius vire:  
Hand alio poteris tutior esse loco.

De



De Camilla Scalampa Medionalensi.

*Fumantem ambastis olim Phaëthonta quadrigis*

*Excepit rapidis fluctibus Eridanas.*

*Ecce recens Ticine tibi de Sole trophæum*

*Erigit auratis culta Camilla comis.*

*Nam Deus ille tuis ausus concurrere ripis,*

*Maioris numen sensit adesse Dea.*

*O fatum fluviorum: ergo nova fabula vestris*

*Sæper erūt Nymphis aut pater, aut Phaëthon.*

De Violante Grappina foc-  
mina præclaris.

*Vnde mihi has violas affers puer? accipe mater,*

*Quando aliud calida de nive nil potui.*

*De nive tu calida violas? perstrinxit ocellos*

*Candor: & ecce, nivem quod puto, pectus erat.*

*Mira refers: sed tela ubi sunt illa aurea? habebam*

*Cum legerem violas, nunc Violantis habet.*

De Morinna.

*Sit spectanda comis, sit pulchro corpore tota,*

*Sit Venus, & blandas spiret ab ore rosas,*

*Æoniasq; Deas, ipsam quoq; Paliada vincas*

*Ingenio, & dulci pectore mella fluant:*

*Dum tamen ire mihi noctes Morinna quietas,*

*Et sinat arbitrij libera iura mei.*

*Arsimus, & primos miseri deflevimus ignes:*

*Hoc satis: extremo turpe in amore mori.*

*Ad animum suum.*

*Arsisti, & miser as consumpsit flamma medullas*

*Arid*

Aridaq; in cineres ossa abiere leues:  
 Fleuisti, roremq; oculi sudere perennem,  
 Sebethus lacrymis creuit & ipse tuis:  
 Ardendi, flendiq; igitur quæ tanta cupido est?  
 O anime, exequias disce timere tuas:  
 Nèue iterum tua dāna, iterū tua funera queras:  
 Sirenum scopulos præteruisse iuuet.

De Cassandra Marchesia.

Desine formosæ dotes numerare puellæ,  
 Desine iam extinctas sollicitare faces.  
 Nā dū sepe comas, frontemq; humerosq; manusq;  
 Commemoras, proprios extruis ipse rogos.  
 Dūq; oculis Cassādra, animo Cassandra recurſat,  
 Cassandra heu mentis ius habet omne tue.  
 Blandus amor tacitis subrepsit in ossa venenū.  
 Sic sibi vel fatum quilibet esse potest.  
 Hymnus diuo Gaudioſo.

Gaudete cætus virginum  
 Plenas habentes lampadas.  
 Sponsus sacras ad nuptias  
 Venit repente: surgite,  
 Venit serenus Lucifer,  
 Nocturna pellens sydera:  
 Optata lux sollennibus  
 Adest dicata gaudijs,  
 Lux clara, qua fugans nigram  
 Mundi sator caliginem,  
 Vestri latere gloriam  
 Patris diu non passus est.

*Qua Gaudiosi segmina,*

*Tot inreperta seculis,*

*Sus videnda ciuibus,*

*Dives retexit urnula.*

*O ter beate & amplius*

*Lapis pussille, qui tuo*

*Tanti verendum praesulis*

*Sinu recondis puluerem.*

*Praesul sed ô beator,*

*Clare decus Neapolis,*

*Tuae benignus patriæ*

*Fer Gaudiose gaudia.*

*Adsit fides, & veritas,*

*Adsit probata castitas:*

*Morbos, famem, pericula*

*Tuis repelle manibus.*

*Ergo tibi sit gloria*

*Inseparata Trinitas,*

*Verbum, Paterq; & Spiritus,*

*Qui condidistis omnia.*

*De eodem, ad vespertas.*

*Audiat surgens, pariter cadensq;*

*Sol tuas laudes, meritosq; honores,*

*Urbis ô nostræ columen, tuaq;*

*Gloria gentis.*

*Audiat cælum, mare, terra, & aër,*

*Annuos ritus tibi dum nouamus,*

*Dum damus flammis adolenda sacris,*

*Thura per aras.*

*Huc*

346

346



*Huc ades festa redimite fronde,  
 Cœlitum plausus, choreasq; linquens,  
 Et tuam sedem, tua Gaudiose  
 Ossa reuise:*

*Ossa, quæ longa tumuli sub umbra  
 Abdita, ignaras latuere gentes,  
 Nocte mox pulsa redeunt apertas  
 Luci in auras.*

*Hic dies nobis celeberrimus, precamur,  
 Letior semper redeat, nec vllos  
 Hostium motus ferat, aut maligni  
 Syderis æstus.*

*Da tuis longam venerande pacem  
 Ciuibus, da perpetuos honores,  
 Da bonam mentem, superiq; plenos  
 Luminis haustus.*

*Iusta poscentes animos benignus  
 Adiuua, iniusto moderare sensus.  
 Sentiat per te patuisse castis  
 Aethera votis.*

*Laus tibi cœli Pater, atq; princeps,  
 Omnium rector simul & creator,  
 Quem fides veri studiosa trinum  
 Credit, & vnum.*

*Ad diuum Nazarium.*

*Diue, cui vasti metuenda ponti  
 Vni, & irate famulantur vndæ,  
 Quem per & spumas gradientem, & æstus  
 Nanta vocant,*

Ah miser pœnas pelago daturus,  
 Cum niger circum streperet procellis  
 Auster, & turbata minax feriret  
 Sydera fluctus:

Te, mihi sanctum, patriumq; numen,  
 Te canam, gentis column Latina,  
 Auream prolem patris Africani  
 Perpetuæq;

Matris heu vulnus graue, dum relictis  
 Tybridis ripis, Italoq; cælo  
 Sponte trans Rhætos iter, & niuosa  
 Arripis Alpes,

Lacte depulsus, velut ille, primi  
 Quem rapit cursus generosus ardor  
 Pullus, & matrem fugit, & rapaceis  
 Transiliit amnes.

Mox & ad Rhenum, horribilesq; tendis  
 Treuerum gentes animosus hospes,  
 Morte festinans capere inuidenda  
 Premia palme.

Hic, ubi è chara gremio parentis,  
 Iam necis magna comitem futurum,  
 Excipis celsum pater, & salubri  
 Perluis vnda.

Perluis totas, mora nulla, & vrbes:

Vndique exhaustis properatur agris:

Barbaros gaudent Dryide sacrorum.

Ponere ritus.

Nazari nomen, meritiq; famam

Audiit

*Audyt, si quem Liger in remotis  
Occulit ripis, refugione inundat  
Sequana cursu.*

*Te neq; iniusti rabies Neronis,  
Impios iam iam minitantis ignes,  
Non per exertos Anolinus vrgens  
Terruit enses.*

*Iam voluptatum, gelidaq; victor  
Mortis, & lapsi reparator orbis.  
Diceris, milesq; peraq; Iberis  
Notus, & Indis.*

*Ergo speratum genitor triumphum,  
Et parum factis meruisse cælum est:  
Aureum vultu iubar, & coruscos  
Fundis honores.*

*Salve iò magni noua lux Olympi,  
Cui per extentas operosa terras  
Templa tot surgunt, calidisq; fumant  
Ignibus ara.*

*Nos tibi hac grata scopulorum in vmbra  
Ritè paruis adiculam columnis  
Ponimus: nos perpetuo sacramus  
Munere fontem.*

*Accipe aestiuam, noua sarta, citrum, &  
Virgines lauros, gracilesq; myrtos,  
Quosq; Mergillina tulit propinquo  
Littora odores.*

*O mihi longos liceat per annos  
Hic sacra, & festos renouare ludos,*



*Et tuum castis sine fraude votis*

*Poscere numen.*

*De Ferdinando Haualo Pesca-  
riæ Principe.*

*Admoneant iterum cælo si castra gigantes*

*Hoc duce, quo Ligurum gloria fracta iacet:*

*Cū Marte Encelad<sup>9</sup>, cū Phæbo signa Typhcæus*

*Conferet, ipse Haualus cum Ioue bella geret.*

*In Nolam urbem.*

*Insensum Musis nomen, malè grata petenti*

*Virgilio optatam Nola negavit aquam.*

*Noluit hæc eadem Iouiano rustica vati*

*Hospitium parua contribuisse mora.*

*Iccirco nimirum hoc dicta es nomine Nela:*

*Nolueris magnis quòd placuisse viris.*

*At tibi pro scelere hoc cænosos fusa per agros*

*Exhausit populos Styx violenta tuos.*

*Iamq; quid, ò nullus abolenda infamia seclis,*

*Imprecer? & cælum desit, & vnda tibi.*

*In Borgiam.*

*Borgia cur summa nihili sacra fecerit hora,*

*Cumq; sua dominos spreuerit arce Deos,*

*Parcite mirari, qui talia poscitis, ac me*

*Credite Apolineo verius ore loqui:*

*Hoc, quod vos cælum, quæ numina dicitis, ille*

*Esse apinas longo tempore crediderat.*

*In Lygdamum.*

*Queris Lygdame, musca cur voceris?*

*Nam musca es, mihi crede, tam molesta,*

n

Quàm

Quàm nec sunt culices, grauesq; fuci,  
 Quàm nec vermiculiq;, cimicesq;.  
 Vnum te tamen arceat necesse est,  
 Turdela auxilium cacantis, vt te  
 Non muscaria, miluiq; cauda,  
 Non ala accipitrum potentiorum  
 Auertant, abigantq; sauientem.

ACT II

## ACTII SYNERI

SANNAZARII NEAPOLITANI

tani viri patricij, Epigramma-  
ton Liber ter-  
tius.

Mariæ Garloniæ Grappinæ.



PROPAGO formosæ arboris  
Formosa virgo, quæ vagos  
Inter orta Cupidines,  
Veris lilia vincis,  
Rosasq; molles, & croci

Pulchrè rubentis igneum  
Florem, & ruidulas comas  
Halantis hyacinthi:

Redisti auitos ad lares,  
Felicem ocellulis tuis  
Redditura Neapolim,  
Charo adnixa marito:  
Redisti ad optatos choros  
Aequalium, & probos sinus  
Matris, ac bene cognitum  
Fratris dulcis amorem.

Quis, ô quis hunc albo mihi  
Signet diem lapillulo?  
Quis Sabæa calentibus  
Addat munera flammis?  
Vocanda Musarum cohors.



Huc, huc benigna, & abditam  
 Barbiton cape, myrtheis  
 Frontem vincta coronis  
 Thalia; quid dignum tuo.  
 Promis favore? quid bona  
 Voce, vel fidibus student  
 Respondere sorores?  
 Sed esse quid letum Dea  
 Hic absque amoribus potest?  
 Non mouet Chione suis,  
 Non me Lyda papillis.  
 Procul faceffant hinc male,  
 Seculi pudor, libidines.  
 Mi sat est, minuatur graues  
 Si Gartoniam curas.  
 Iuuenta cur me tam citò  
 Ludendo inepta deseris?  
 Hæc erat facies nouis  
 Non fraudanda libellis.  
 Ad Callandram.  
 Quarta Charis, decima es mihi Pieris, altera Cy-  
 cassada vna choris addita diua tribus. (pris,  
 Se tandem seruaturum.  
 Si post fata nouos animas errare per artus  
 Vera docent Samij dogmata nota senus,  
 Nec pote mens eadem mutari, seu ferus alius  
 Erret aper syluis, seu vaga cantet auis:  
 Ipsi ego (men, quoniam est vni seruire puellæ)  
 Exurgam mæstus iurtur ab exequijs.

In Adrianum Pont. Max.

Classe, virisq; potens, domitoq; Oriente superbus,  
Barbarus in Latias dux quatit arma domos:

In Vaticano nosset latet: hinc tamen alto

Christe vias celo (pro dolor) & paternæ

Ad Federicum.

Litibus abstinui semper, mihi testis Apollo est,

Et Musæ, & studijs ocia grata meis.

Nunc me nescio quis per tristia iurgia versat

Scotius, & ranci cogit ad arma fori.

Es fateor magnus pulsus Rex inclyte Gallis:

Pelle etiam Scotos, & mihi maior eris.

Ad Eunum.

Quicquid erat tripodum Cumis, Delphisq; petisti,

Discere fortunam dum cupis Eune tuam.

At Deus, extabis supra Regesq; Ducesq;

Veridico tandem rettulit ore tibi.

Tu tamen hinc vanos sumpsisti Græculæ fastus:

Iam magni dominus, iam pater orbis eras.

Ecce crucem ascendis; non te Deus Eune fefellit:

Omnia sunt crepidis inferiora tuis.

Ad Porciam Branciam, & Isabel-

lam sororem.

Porcia & Isabella, venustæ pignora matris,


Dicite quoniam vestras non amet illecebras?

Tu quoque dic, tali cum sis dignissima partu,

Quis Leonora tuo nolit ab igne mori?

Natarum illecebris, matris simul ignibus vri

Qui cupit, is mortis flagrat amore sua.



# ACTII SYNCERI

SANNAZARII VITA

per Paulum Iouium.

*Doctorum item quorundam virorum  
in eundem*

EPIGRAMMATA.



ACOBVS SANNAZARIVS  
equestris ordinis poëta, Neapoli  
natus atque educatus, quum præ-  
clarum fœcundi, atque felicitis in-  
genij specimen daret, repudiato auito gen-  
tilitioq; nomine, Actius Syncerus appellari  
voluit, adhortante Pontano, qui Iouiani co-  
gnomen, amicorum imitatione desumpse-  
rat. Sed origo vetustæ stirpis è Sancto Naza-  
rio, Laurnellini agri oppido, inter Padum &  
Ticinum non ignobili, vnde maiores adue-  
nerant, non obscurè petebatur. Floruit ami-  
citia Federici Regis, senescēte Pontani gra-  
tia: qui Aragonum nomen vehementer of-  
fenderat, quū veluti personæ oblitus, victo-  
rem Carolum inuidiosa, vel intempestiua  
oratione publicè laudasset. Permanfit in ea  
belli procella in officio Actius, redeunti q;  
Ferdinando iuniori, armatus inter fideles ci-  
ues operam præstitit: vnde ei conspicuus in



aula gratiæ locus. Sed infestius demum urgente Fortuna, quum Federicus regno pelleretur; constanti studio atque integra fide, eum exulem in vltiorem Galliam secutus est; qua gratissimi animi testificatione, singularem laudem promeruisse, vel eius inimici iudicabant. Scripsit, tanquam ambidexter, Etrusca simul, atque Latina carmina, pari lepore saleq; , arridentibus vtrique Musis, quum multo felle odij subamarus præpilata iacula iambis intorqueret; aut amorum suorum dulcedine resolutus, tenerrimè lasciui-  
ret. Graui autem & sacro poemate, de partu Virginis, viginti annorum lima perpolito, summum decus frustra expectasse videri potuit; quum illæ quæ iuueni exciderant, pilæ toriæ eclogæ publico exceptæ plausu, reliquorum operum famam oppresserint; ita, ut eam publici tanquam iniqui iudicii querelâ aperte cum pudore, nec tamen sine tacita voluptate deoraret. Vixit annos septuaginta-  
duos, peramcenò, virentiq; semper ingenio, accuratoq; , & planè iuuenili cultu inter amatorias oblectationes; nunquam non festiuus & hilaris: ex dolore autem indignantis animi, supremum concepit morbum, quod Philibertus Aurantius dux Cæsaris Mergil-  
linæ villæ suæ delicias, temerè excila turre doctormassetica ad Pausilypi radices conspi-  
citur.

citur. Sed Aurantio demum acie interfecto,  
 quum hora fatalis adueniret, audito eius in-  
 teritu sese in cubitum erigens, Excedam, in-  
 quit, è vita hoc meo non inani voto lætus,  
 postquàm barbarus Masarum hostis, ultore  
 Martæ, immanis iniuriæ pœnas persoluit.  
 Sepultus est iuxta villam Mergillinam in  
 templo Deiparæ virginis ab se dedicato. Mar-  
 moreo autem tumulo Bembus hoc carmen  
 inscripsit.

## Bembi.

*Da sacro cineri flores, hic ille Maronè  
 Syncerus, Musa proximus, ut tumulo.*

## Marci Antonij Flaminij.

*Quantum Virgilio debebit sylva Maronis,  
 Et pastor, donèc Musa Maronis erit:  
 Tantum penè tibi debent piscator, & actia,  
 Acti, diuino proximè Virgilio.*

## Tibaldei.

*Virginis intactæ partum, partumq; videbis,  
 Actia quem docto pectore Musa dedit.  
 Admirandi ambo, humana fuit ille saluti  
 Vtilis, humanis hic fuit ingenijs.*

## Petri Grauinæ.

*Qui diuina legis Synceri carmina vatis,  
 Magnaq; virginis sacra puerperij:  
 Non hac humano credas procedere sensu:  
 Authori mentem mouit, & ora Deus.*

*Hunc sibi delegit, quo non cœlestia quisquam  
Grandis, aut pleno cultius ore sonet.*

Basilij Zanchij.

*Has nassas, hæc lina tibi Syncere sepulto,*

*Piscator tenui dedicat arte Mycon.*

*Hos calamos, myrtumq; tibi, viridemq; coronam*

*Arcadia pastor ponit ab arte Lycon.*

*Has lachrymas, vulsamq; à vertice Mergillina*

*Cesariem, & violas spargit, & ammineum.*

*Parthenope patria ipsa tibi de marmore bustum*

*Condit, & extentis funera temporibus.*

*Quid moror? æterni te suspicit umbra Maronis,*

*Et tibi vicinum donat habere locum.*

N. Nicolai Grudij.

*Nuper ad Oenotrias aciem quum flecteret arces*

*Christus, & Euboicæ mania Parthenopes,*

*Mergillina procul quæ Teihyos inspicit undas,*

*Audit ab Actiaca munera blanda domo:*

*Arrectusque diu modulamine carminis hæsit,*

*Inde sacro taleis fundit ab ore sonos:*

*Huc ades, ô Genitrix, illasi virgo pudoris,*

*Arte pius vates dum tua facta nouat,*

*Anne iterum arcano compleri viscera motu,*

*Conceptumq; polo reddere credis onus?*

*Certe ego mihi videor primis irrepere cunis,*

*Rursus & horrifera mortis obire vicem.*

*Dum mea sæpe tamen sic mors cantetur, & ortus,*

*Nec graue sit nasci, nec mihi sæpè mori.*

Latomi



## Latom.

Dum vacat, & terras quoties pellit illa Tonantis  
 Mater, virgineo sed nec honore carens:  
 Sinceri ad tumultum properat visura, virescant  
 Candida cum rutilis lilia sparsa rosis.  
 Vivum dein laticem, dein altera munera flores  
 Fundit, & arrepta sic canit orsa lyra:  
 Conscie viue mei fœlix Syncere pudori,  
 Atq; idem parius conscie viue mei.  
 Namque ego quo sacrum secretum teste peregi,  
 Hunc quoque tu testem carminis huius habes.  
 Esto: ventris onus fuerit sine pondere pondus.  
 Dum celebres, pondus sustinuisse velim.

## Eiusdem.

Maior in assumpto ratio quo nomine constet,  
 Est ubi te cupiam fellis habere minus.  
 Ioannis Pardi responsio ad eam epi-  
 stolam quæ incipit: Parde.  
 Acci, cui simplex peperit facundia nomen  
 Sinceri, & vitæ candida simplicitas:  
 Si pecus exiguum nobis, si commodus esset  
 Qui pecus, & dominum pascere posset ager,  
 Ipse quoq; in sylvis non dedignarer opacus  
 Vivere, quas magni dij q; deæq; colant.  
 Ruris delicijs fruere, rurisq; labores  
 Exciperem fessis sapius agricolis.  
 Hic ego longa mea cupissem stamina vitæ  
 Deduci, hic atram rumpere fila diem.  
 Par igitur nobis studium, disparq; facultas:

Hinc

Non quibus infernas ille exorauerit umbras,  
 Flebilibus supplex ausus adire modis:  
 Sed quibus & animi laudes, ipsosq; canendo  
 Heroas cœlo, syderibusq; locat.  
 Has mitti iubet inferias, hæc funera mater:  
 Ipsa sibi has lachrymas, hæc sibi busta rogat.  
 Hieronymus Carbo Actio Syncero.  
 Cùm tibi cœlesti faueat de virgine natus,  
 Mystica cui vatam sacra canenda dedit:  
 Cumq; ingens nova Musa decus, laudēq; pararit,  
 Innectens capiti Delphica serpa tuo:  
 Famaq; cùm volitet circum plaudentibus alis,  
 Gestiat & sacre limina adisse domus:  
 Quid cessas Syncere fores referare, Deamq;  
 Excipere, & docto continuisse sinu?  
 Illa tibi refert, quanto expectata triumpho  
 Carmina, & ingenij sunt monimenta tui.  
 Surge igitur, viuensq; pie cape premia curæ.  
 Post cures sera est gloria, serus honos.


Ex I.M. Toscani Peplo Italiæ Epigram-  
 ma descriptum Ad Iac.  
 Sannazarium.

Plurima molitus præclara, per omnia summum,  
 Quod dare vel poterant singula, nomen habet.  
 Marius opus, dignum testatur sanguine equestri:  
 Exilio in Regem est certa probata fides.  
 Sic illum piscator amat, sic acta remugit,

Vt pe

Ut pecoris custos, silvaq; Virgilium.  
 Iam sacra quid vatū pepererunt pectora Christo,  
 Virginei quod se partibus equiparet.  
 Sed nona Menalias qđ ducis ad antra Camænas,  
 Et calami Tuscos edidicere modos,  
 Hoc proprium, Syncere, tuum est: hoc Itala tellus  
 Ante Siracosi carmina vatis amat.  
 Tu belli, tu pacis honos: tibi deniq; lingua,  
 Et renouata vetus debet, & aucta recens.

FINIS.





ANTONIUS



GRYPHIUS.











